

SERENISSIMO POTENTISSIMO

12.933

6.808.

INVICTISSIMO

Galliarum ac Navarrae

Royi Christianissimo,

LUDOVICO XIVTO,

simili cultu ac veneratione aduq; summa;

LUDOVICO XIDECIMO

Couroy rapam obtulit

destitutus Ego
hunc meum commendatariu
in quo agitatur de salute
et foris omnia

EUROPÆORUM

dominissimum subiectissimum;

Sacra Reg. Majest.

Ex auctoritate
Regia Illustrissimi
Academici
XI. Novemb.
Anno 1665.

Humillimus Sponsus
et author
obsequio

SIMONIS PAULLI, D.

Medici Regij, ac Prælati Aarhufienfis

6808

COMMENTARIUS

De

ABUSU TABACI

AMERICANORUM VETERI,

ET

HERBÆ THEE

ASIATICORUM in Europa NOVO,

Quæ ipfissima est *Chamaeleagnos* Dodonæi,

aliàs

Myrtus Brabantica, Danicè *Porſ*/ German. *Post*/

Gallicè *Piment Royal*, Belgicè *Gagel* dicta;

cum *Figuris æneis*, utensilia quædam CHINENSIVM

eaq; pretioſiſſima repræſentantibus.

M. DC.



ARGENTORATI,

Sumptibus Authoris Filij
SIMONIS PAULLI, Bibliop.



LXV



Eumolpius apud Petronium

p. m. 99.

Pecuniæ (inquit) cupiditas hæc tropica instituit: priscis enim temporibus, quum adhuc nuda virtus placeret, vigeabant artes ingenuæ, summumque certamen inter homines erat, ne quid profuturum seculo, diu lateret. Itaque hercules omnium herbarum succos Democritus expressit, & ne lapidum virgultorumque vis lateret, ætatem inter experimenta consumpsit.

Σὺν Θεῷ.

ILLVSTRIBVS AC EXCELLEN-

TISSIMIS VIRIS

DN. GUIDONI PATINO,
BELLOVACO, DOCT. MEDIC. ORDINIS
PARISIENSIS, ANTIQVIORIS SCHOLÆ MEDICÆ
DECANO, ANATOMES AC PHARMACOP.
PROFESSORI REGIO,

NEC NON

DN. JOANNI BAPTISTÆ
MOREAV,

DOCT. MEDIC. PARISIENSI, ET PRO-
FESSORI REGIO, AC XENODOCHII PA-
RISIENS. PRIMARIO MEDICO, &c.

DNIS. AC AMICIS SVIS

HONORATISSIMIS

S. P. D.

VIRI CELEBRATISSIMI,

Meritisimo vestro vobis hunc me-
um botanicum & simul medicum com-
mentarium *de Tabaci & herba Thee abu-*
su ob vestrum in rem literariam & studi-
osam juventam, ceu mystagogorum ad secreti-
ora adyta ducendi, nunquam satis laudatum stu-
dium, præ aliquam multis passim in Europa degenti-
bus

DEDICATIO.

bus Illustribus Viris, deliberato animo, dicare ac inscribere volui; maximè autem Tibi Illustr. DNE. PATI-
NE. Nam toti Orbi notum (quod sine ingratiis to-
tius Europæ Academiæ, quæ reapse pietatis, justi-
tiæ, virtutum omnium Palladium, ac Rerumpubl. co-
lumina sunt, dictum, nec id cum illarum contemptu
conjunctum velim,) vestra Parisiensis, licet inter eas
omnium vetustissima non sit, attamen inter illas au-
gustissima, summa cum laude enitescat, quippe

— — *samam qua terminat astris.*

Vos verò VIRI CELEBRATISSIMI, in confesso or-
natissimo amplissimoque tot illius Regionum Parisi-
ensium sive Doctorum, sive Professorum, sive deniq
Archiatrorum, ita micatis inter hos omneis

— — *velut inter ignes
Luna minores.*

Hæreo ergò, cum non minor virtus sit tueri partam,
quam quærere gloriam, utrum priores debeantur *Ioh.*
Mailrosio, & *Claudio Clementi Scoto*, qui Doctore
Alcuino parario, rerum cum potiretur *Galliarum Rex*
CAROLUS cognomento MAGNUS procurarunt, ja-
cerentur Academiæ Parisiensis Anno Mundi 4741. post
Christ. nat. 792. teste *Calvisio*, fundamina, vel anne pa-
res utrique vestrùm, hoc die regnante *Christianissimo*
Rege LUDOVICO XIV. *Galliarum ac Navarra*
Rege,

Rege, verè MAGNO, vivat! vivat! & regnet in æternum! illa ipsa Academia debeat? Qui certè Parisiensis Academiæ gloriam, qua per tot sæcula incanuit, ita fartam tectam præclarâ vestrâ eruditione, conservatis ac tuemini, ut vos proximè præcedentium antecessorum, *Ioh. Riolani*, ac *Renati Moreau*, Virorum incomparabilium ad famam immortali vestrâ laude pergatis, si non superetis. Hæc vestra utriusque incluta virtus, intaminatis, & ad invidiam usque fulgens honoribus, Tuus DNE. PATINE mei singularis nec unquam speratus amor, quo me extraneum tantâ intercapedine loci à Te sejunctum, prosequeris; & qua impari erga me Filiumque Cariss. *Iacobum Henricum Paulli*, admodum nuper Parisios advenam, benivolentiâ es; insuper literæ Tuæ, ipsæ Charites, quas Tibi ad calamum dictitarunt 24. Junii Styl. Nov. hujus anni ad me datæ, quibus amicitiam ambis meam, faciunt, ut, cum tantopere in iis collaudes amorem, quo antecessor Tuus jam p. m. *Iohannes Riolanus*, antiquior Scholæ Medicæ Parisiensis Magister, abhinc triginta & sex annis me fovit, ego totus jam Tuus, in amplexus Tuos ruam, eâ fiducia, ut cum ingenti & maxima sui laude, ille me non omissius dilexerit, quam Filium Pater, quem contra ego ad urnam usque octogenarium, chari Parentis loco observavi, colui, veneratus sum: Tu ceu illius

DEDICATIO.

Successor, etiam in præsens ob recensitum consuetum amorem, me quem cominus complecti non possis, piè defuncti *Riolani* loco eminus redames. Te quoque insuper rogo, imò obtestor, ut cum longè conjunctius cum *Riolano*, quam cum pari dignitate & famâ celebratissimo *Renato Moreau* vixerim, ac inde acciderit, vix ut illius Filio, JOH. BAPTISTÆ MOREAV, paternarum virtutum ex asse hæredi aut æmulo, ego Lutetiæ Parisiorum degens, innotuerim, summa jam dignitate & suâ ipsius virtute Celeberrimo Viro, pro re nata meo nomine, operam, studium, amorem omnia mea obferas, hominis quidē exiguâ in re, sed fidei pleni.

Cæterum cum non sufficiat, contrahant inter se Viri honesti amicitiam officiis cassam, quæ benivolentiæ exemplis confirmari postulat, modo nolint, ea actutum dissuatur, utique in præsens vos Viros celeberrimos exoratum venio, detis hoc mutuo nostro amori, communibus vobiscum mihi studiis, & publica commoda prognariter, (ut Ennii vocem usurpem) provehere conanti, ut chartaceum hunc meæ Minervæ foetum, non vinum, aut olidum fuliginosum Tabacum, sed lampada & oleum redolentem, mihi jam Dei gratiâ, tertium supra sexagesimum agitantî annum, in Regia hac Hafniensi Academia domi meæ, intervenientibus antelucanis studiis, & intempestis noctibus
natum,

DEDICATIO.

natum, ulnis vestris excipere, ac totius Regiæ Parisiensis Academiae Augustissimo Collegio Medico, quo par est cultu, & condignâ veneratione meo nomine offerre non dedignemini, idque aut potius in eo P. C. exorare haud gravari velitis, hunc meum Commentarium tollere ne despiciant.

Ego quidem Gallicum vestratè adagium, veridicum esse comperi, nempe : *au grand ouvrage, il faut grand courage*. ast cum acceperimus Atlantem cum solus haud suppar esset coelo ferendo, aut sub illius vasta mole laboraret, id Herculis humeris ratò mecastor consilio imposuisse; utique, mortalium nemo vitio mihi vortet, si ego *Vos Viros Celebratissimos* in subsidium illius causæ, in qua agitur de salute totius Europæ, vocem. Quippe qui id máximo studuerim opere, nec minori alacritate contenderim, ut quemadmodum magnò & ingenti labore ille Augiæ stabulum repurgavit; ita ego (licet forsan spe ea frustrer, aut penitus ea decollet, ob vectigalium lucrum, quæ politici firmamenta Reipubl. hodie statuunt, qui sua tractent, ego mea) universam Europam repurgarem olidissimò, fœdissimò, revera brutò ac barbarò Americanò medicamentò, Tabacò nempe; post dein cōmonefacerē Europæos Cives, (debeo enim id patriæ, ipsus Europæus) ut quantum

★ 3

possent,

DEDICATIO.

possint, in eo elaborent, ut sint opera, studio, labore meo cautiores quo desināt deinceps, inodorum, ustulatum, friabile, viribus in Europa propemodum, si non omninò cassum, aut non iisdem in ea pollens, quibus se Chinenfibus commendat, novum & incertum medicamentum Asiaticum, Thee nempe, magnis sumptibus redemptum, mangonio & versutiâ Chinenfium adulteratum, in Europam transportare.

Verùm quo animo omnia hæc tantopere urgeam, aut tam anxie efflagitem vestrum officium, quæritis? *Viri Celebratissimi DNI, ac Amici honoratissimi.* Ego ideo iterato vos rogatum venio, ut non solum P. C. Regiæ Vestræ Parisiensis Academiæ hunc meum commentarium exhibeatis, sed quoq; ab iis impetretis, publicam super eò, illorum censuram, quâ dignum eum æstiment lectione Medicinæ Candidatorum; vel si non, nigro ad Garamâtas relegent: ceu quorum subacti iudicii enucleatis suffragiis stabo cadamyce. gloriosissimum interim, si pereundum, Ajacis manu perire, nec indecorum magnis excidere ausis, quibus generos⁹ Phaëton semel, ignavissimus Therfites nunquam excidit. Spero autem, imo prorsus confido, cum iidem ad Hipp. Galen. Corn. Cels. normam docti sint mecū haurire ex illorum scriptis quasi limpidissimos fontes medendis morbis aut ægris, spretis

DEDICATIO.

ac neglectis impuris lacunis Arabum, una cum pomposa illarum polypharmacia ægris damnosa, me ob honestissimos hosce meos conatus albo lapillo ab iis ceu vindicibus priscae sapientiæ & eruditionis absolutum iri. Res interim suas sibi habeant illius Medicinæ cultores, quam lucumones, balatrones, blaterones, buccones, tenebriones, seu personati illi Medici auribus prominulis sub exuviis Leonis, verbo dixerim, nugivenduli, fumivenduli, cinisfones illi Chymicafterculi (Chymiam divinam artem summe veneror, nec diffiteor *Fabricio Socero* meo & *Sennerto* vivis Præceptoribus, me eam excoluisse Juvenem)

semitam qui non sapiunt alteri monstrant viam; una cum imperitorum pharmacopæorum turbâ, methodi medendi rudissimâ, profitentur: Empirica, quæ olim audivit, hodie, quæ tanto in pretio, ut non erubescant sectæ huic addicti, cordatis ac non proletariis medicis sese proterve præponere: cotidie interim per mortes hominû experimenta impunè agentes; quod genus hominum procul arcendum, aptum bubulcitare, non mederi hominibus: præstaret quoque, pharmacopæi sui officii essent memores, pararentque clysteres, trochiscos, eclegmata, elixiria, balanos, nascalia &c. non iis mederentur ægris, vel clam Medicis, vel iis invitis, ceu quorum famuli sunt, non college, non focii
quod

DEDICATIO.

quod esse affectant, & apud ægros omnium esse primi; tanta quorundam est minimè ferenda protervia: Qui ringantur, indignantur, rumpantur, obsequium amicos, veritas odium pariat, non curo; qui à Socrate apud Platonem monitus: *Omnes populi spernens honores, veritatemq; considerans, conabor re vera quam maximè potero, bonus vivere atq; mori.*

Quin nec causæ diffido meæ, ideò quod vestras *Renatus Moreau*, consummatissimæ doctrinæ & singularis judicii Vir, promiserit, *se scripturum de XII. medicamentis* (servo verba authographi pronuper Lutetia ad me missi) & primo loco de antimonio, *cujus venenatam naturam, & malignas qualitates toti orbi volebat patefacere; alterum de herba Theé, & alio medicamento barbaro, quod hodie vocatur China, China quo tam multi* (superstite adhuc D.N. Moreau) *abutebantur in curatione quartana, sed hodie neglectum jacet: in eadem cum D.N. Moreau sententia fuit super isto pulvere Chifletius in tractatu Antverpiæ edito, sed hodie Medici eruditi barbarum istud medicamentum negligunt, utpote cuius causam non tollit, immo intermittentem febrim facit continuam, labem infert visceribus nutritiis, & hydropem provocat.*

Quæ cum ita se habeant, nempe novè inventis aut exoticis medicamentis nobis Europæis multas & gravissimas

DEDICATIO.

vissimas ob causas esse abstinendum , præsertim cum credibile sit, non solum nobis illa ob cœli & diætæ diversitatem summè esse noxia, sed eadem novos corporibus nostris ingenerare morbos, ac complures expugnatu difficiles reddere contumaciores, quod quidem ego in hoc tractatu defendo: Ast, cum, (ut proverbium habet) ne Herculem quidem contra duos, à multis verbosis velitationibus multorum, mihi non metuo solum, sed quoque ne me pessundent: Proin, cum *Curatii tergemini fratres* in exercitu Albano adversus *tergeminos Horatios Romanos* ferro decernentes, tum demum ab unico Horatio ad unum omnes lethalibus vulneribus confossi, & obtruncati sint, cum ille id ageret, campum ambiendo, ut junctos Curatios fratres si ve seduceret, si ve astu divelleret: Ita vobis Viris celeberrimis, meis quasi Commilitonibus, ac mecum pro salute totius Europæ invicto atque adeò constanti animo pugnantibus, aut solum vobis æquis arbitris, Spartam quam nactus sum, ornem; iterum causæ non diffido meæ, cui si patrocina minimi, (Deo Duce & auspice, eoque fortunante, quo nil desperandum) salvo latere, scuto licet lacero & perfosso evadam tamen; qui eo sum animo, ut instar muri ahenii, malis non magis cedat, quam ille arieti, vel rupes decumanis fluctibus, qui

pejusq, letho flagitium timet;

★★

Non

DEDICATIO.

*Non ille pro caris amicis
Aut Patria timidus perire.*

lisdem animis, *Viri Illustres*, cum vos quoque esse augurer, ceu qui non solum pro gloria, existimatione & dignitate *vestra Academia*, sed etiam salute *totius Europa* pugnabitis, aut toto pectore excubabitis, ne Chinenfibus tota Europa ludibrio sit, aut omnes in eâ naso suspendant ad unco Medicos. Hinc factum, ut in tam ardua ac difficili causâ, ad *Illustre Regia Vestra Parisiensis Academia Collegium Medicum*, tanquam ad aram aut asylum confugerim, non ad unius alteriusve umbratici Doctoris iudicium, quorum nemo mihi solus negotium faceßat, rogo, cum illi respondendo vacare non possim, contra perituræ parcere chartæ per-velim. Argumentum enim hoc non unius arbitri, sed collegiorum res est. Vobis verò parariis ô mei, si salvabor, proh! quanto maectatus honore ego! Tu verò, Celeberrime DN. PATINE, cum Tua ipsius manu Lutetiâ ad me perscribas: *Si quid requires ex hac urbe nostrâ, imò velex tota Gallia, in eo me Tibi totum devo-ueo, atq; omne genus officiorum polliceor, modo per Te intelligam, quid cupias; & grato animo dicam, quod ille Romanus olim apud Tacitum; Dii tibi Principatum dedere, nobis obsequii gloria relictæ est, &c.* ut ego de Te mereri possim, non video; quo tamen interim honore
me

DEDICATIO.

me ipsum Amicissime DN. PATINE non dignor, cum amor mei Tibi hæc bona verba dictitarit, ætate me aliquot annis majori, cujus proin ego junior assurgo honoribus. Quin quoq; iisdē ipsissimis verbis, quibus mihi meæq; familiæ fausta ac felicia omnia comprecatus es, vota nuncupo, nempe *ut diu summo Reipublicæ literariæ commodo, summaq; gloria salvus es incolumis nobis supersis.* Vive, Vale, Collegamq; Tuum, DN. MOREAU non solū meo nomine officiosissimè saluta, sed quoq; qua par est, affabilitate, ipsū exora, ut non gravetur Tecum, quā tantopere desidero, Regiæ Vestræ Academiæ P.C. æquam censuram mihi sine ullo partiū studio, procurare: Quam ubi Filii mei cariss. *Iacobi Henrici Paulli* fidei credideritis, ceu quem non amare solū, sed demorari, ob illius singulārē candorem videris, nihil antiquius is habebit, aut prius, quam ut vestræ Regiæ Parisiensis Academiæ in honorē, eam vel Lutetiæ Parisiorum, vel ego hīc Hafniæ Danorum publici juris faciamus. Iterum benè, feliciterq; Viri Illustres Valetē & Salvete.

*Dab. ex Museo meo in Regia Hafniensi Academia
 XI. Julii st. v. Die Pii Pontificis Rom.
 primi memoria celebri.*

*Vester ex Animo usque ad
 Aras & Urnam.*

SIMON PAULLI, D.

Medicus Regius, Primus in Regia
 Hafniensi Anatom. Chirurg. ac Botan. P.P.
 rudedonatus, ac Prælatus Aarhufiensis.

AD VIRVM CELEBERRIMVM
D.D. SIMONEM PAVLLI,
ARCHIATRUM REGIUM,
Affinem & Amicum

*De Abusu Tabaci & Herba Thee eruditissimè
differentem.*

D*Ecipimur passim spoliis Orientis. Onusta
Nos onerat, quicquid credula navis habet.
India mittit opes irritamenta malorum,
Et gula Siniticis fraudibus una patet.
Dumq; per Insidias divendit Barbarus aurum
Nos, nummos, vitas, & bona nostra rapit.
Laus Tibi sit PAVLLI, Florae decus, Artis Apollo
Qui tandem nostros discere vera doces,
Iapponicisq; Tchiam, Sinisq; remittis amaram,
Mercibus & larvam detrahis atq; fidem.
Patum redde suis, avidi solatia fumi,
Ne secum in fumos nescia fata trahat.
Ægrotis inventa Tuo Medicina labore est;
Punctum sublatiis fraudibus omne feres.
Sic nomen famamq; nigros extendis ad Indos,
Et tecum aternâ laude PATINVS erit.*

L. M. Q. P.

Thomas Bartholinus D.
in Acad. Hafniens. Rect. Prof.
Honor. & fac. Medic. Decan.

ARCHIATRO REGIO
D. D. SIMONI PAVLLI
REI BOTANICÆ VINDICI
FELICISSIMO.

Venit ab Hesperiiis præstantior herba Tabaci,
Venit ab Eois nobilitata Theæ.
Utraque noscenda est: quid sit, quem præbeat usum
Ignotis, Phœbo iudice, nulla fides.
Optima deterior pravè corrumpit abusus,
Sæpe sua specie res peregrina nocet.
Discutit herbarum vires & nomina PAULLI
Et vocem & vires reddit ubique suas.
Ne personatis fallaris, & ærea ne sint
Aurea: ne fumos nectar habere putes.
Pro Phœbo facit hoc: atque hunc imitatus, in herbas
Lumen & Eoas, Hesperiasque jacet.

L. M. 2.

Hamburgi

F.

MICHAEL KIRSTENIUS.

LECTORI SALUTEM.

B. L.

CUm *Quadripartitum* meum *Botanicum*, quod abhinc triginta & amplius annis in Ducali *Megalopolitana* & patria *Rostochiensis Academia*, de cathedra ad calamum auditoribus meis *Med. P. P.* dictitavi, pridem distractum esset, complures *Amici* è re *Medicinae* *Candidatorum* esse putarunt, ut cum id passim in *Europæis Scholis* inclaruisset, id iteratò ederem, imò merorunt, id auctius meo studio prodiret. *Parui* iis, facilis obsequi amicorum *benivolentia*, consiliis & voluntati: Ubi verò in eo ad *Clas. tert.* herbæ *Gerardi Historiam* perrexissem, occasio id tulit, & singularis observatio, lugubris casus, de virulento pulmento, quod *Capitaneum* è medio sustulit, ut fluido calamo pertractarem una ex *Chymicis principiis*; veram unicam & proximam causam cum febrium malignarum & petechialium, tum morbillorum, scorbuti, *Luis Venereæ* & similium morborum macularum, antidhac à nemine ita tractatam &c. Ubi quoq; in eadem classe lit. *T. Historia Tabaci* excutienda mihi esset accuratius, operæ pretium me facturum, ratus sum, si secundam *Quadripartiti mei Botanici* editionem *Deo* volente & adjuvante proximis vernis, aut certò autumnalibus *Francofurtensis* nundinis prodituram,

ram, insigni auctario, nempe non solum de Tabaci usu, sed quoq; abusu, & præsertim herba Theé tractarem. Hos ergo commentariolos cum Viri amicissimi, mihiq; conjunctissimi, quos inter familiam ducit, Affinis & Compater meus THOMAS BARTHOLINUS, nollent diutius in pluteis meis delitescere; putantes vastiores esse, quam ut meo Quadripartito commodè intercalari possent; contra cum sciscerent, mereri eos, ocyus lucem aspicerent singuli, quam univèrsùm Quadripartitum, nolui repugnare illorum suafui, maxime, cum argumenti novitatem summam mihi ex iis claritudinem parari posse augurabantur. Certè commentarii de febribus malignis nec dum me pœnituit; adverto enim Viros summos in suis scriptis eum magni facere gratari mihi, ac laudare meum studium. Præsentem hunc de Abusu Tabaci & herba Theé, quam fors maneat, dies docebit. Tu interim B. L. eum æqui boniq; facias, enixè abs Te contendo. Scias autem velim, me id non studuisse, ut laureolam in mustaceis quærerem, sed ut solum Medicinæ Candidatis studiis meis commodarem: Quibus insuper, si otium, si valetudo, si vita suppetant, vel hac senili & mea ingravescente ætate in Anatomicis studium meum non deerit. Meditor enim, quemadmodum veterani milites membra fracti multis laboribus, Martis in fano sua arma suspendebant, in Regiæ hujus Academiæ honorem, primus

in ea

AD LECTOREM.

in ea Anatomes P. P. jam verò rude donatus successore
 incomparabili Nostrate THOMA BARTHOLI-
 NO, cùm Filius meus Jacobus Henricus Paulli desi-
 gnatus illius successor, S. R. M. Serenissimo Clemen-
 tissimog, interveniente singulari Regio consensu, omnibus
 medicis studiis sese abdicarit, Theatrum nostrum Anato-
 micum exornare, cultris non solum anatomicis, & aliis ad
 anatomem practicam exercendam, sed quoq, nove à me
 ipso inventis, & præsertim ad Sceletorum Synthesin ne-
 cessariis instrumentis, quorumq, subsidio, dextra interve-
 nienti enchiresi ossa humana, aliag, aliorum animalium
 ita perpoliri possunt instar eboris, ut renideant, imò id
 nitore suo superent. Ne autem exterarum Nationum
 anatomes studiosis hæc invidisse videar, omnia illa eri in-
 cidenda curabo, simulq, usum illorum peculiari commen-
 tario, Deo volente publici iuris faciam, Rubricâ: Ma-
 china Anatomica. Vale Benev. Lect. meisq, studiis ac
 cæptis porro fave & salve.

DANIA

Ingenuis artibus, literarum studiis, ac Novis
nove Inventis Celeberrimâ;

Ex Occasione

Quam Dilectissimi Parentis

DN. D. SIMONIS PAULLI

de abusu Tabaci & herbæ Thee

DISSERTATIO

in lucem prodiret,

EPIGRAMMA.



Dvent inventis sic jugiter addit, & auge
Inventis laudem DANIA Nostra suis.
Prome PARENS igitur libros, vitiumq; Tabaci;
Deq; Tschia mentem detege, Care, tuam.
Wormius ut piscem docuit, jam nemo putabit,
Fronte unum cornu quæ gerat, esse Feram.

Nec *Bartholini* jam Lympha negabitur unquam,
Est, & in æternum primus Is auctor erit.

Stenonem celebrant Cor, Lingva, Saliva, Cerebrum,
Musculus, & Rajæ, deniq; Totus homo
Gens isthæc externa probat. Nec credo PARENTIS
Scripta MEI applausu posse carere suo.

Scire igitur cupimus, quæ præstantissima dici

Ex istis mereat quattuor Orbe plagis?

Europa hinc præstat, quod nostrò tempore, DANOS

Cur laudent, habeant *Stirps, Aqua, Piscis, Homo.*

F. Lutetiae Parisiorum

JACOB. HENRICUS PAULLI,

in Regia Hafn. Acad. Histor. P. P.

In
Parentis sui Carissimi,

DN. D. SIMONIS PAULLI,
MEDICI REGII,

ac
Prælati Aarhufani
Commentarium

de
Herba Theâ.



Onvenere Patres: Podalirius, atq; Ma-
chaon,

Celsus, & Hippocrates, Pergameusq;
Deus.

Extollunt *Theâ* formam viresq; *Docentem*,

Mirantur, quantâ dexteritate prober.

Succensent tacitè, sua jam post funera tradi,

Quæ non nota sibi, quæ sibi nota tamen.

Accedit Phœbus, quid, ait, sibi jurgia? PAULLI

Ingenii specimen præbuit ecce novum!

Atq; hinc major EI debetur Gloria, Vobis:

Hoc etenim, quicquid Vos latet, ILLE dedit.

Astra super vestram Famam cum transtulit Ætas,

Hic Famâ magnos maximus inter erit.

Ratisbonâ *mittebat, jamjam* Portuam Danorum

Anno cto 13c Lxv. *Mens. Aprilis repetiturus.*

Daniel Paulli

S. R. Mūs, Designatus Bibliopola.

Parenti Venerando

**DN. D. SIMONI
PAULLI**

Usum Tabaci & Herbæ Theé

toti Europæ


Dissvadenti,

et hujus loco, Myrtum Brabanticam commendanti,

in Regia Hafniensi Academia

Jure MeritoQ.

applaudit.



*Vi Priscos latuit, seris venit U-
sus ab annis!*

*Multa revelantur Poster-
tatis ope!*

*Sic reseras, GENITOR, fumantis damna
Tabaci,*

*Sic Theé sub Myrto delituisse doces.
Pro tali studio, nec enim majora requiris,
Dum vireat Myrtus, Laude virere
potes.*

CHRISTIANUS PAULLI.

SIMONIS PAULLI
Commentarius

De

ABUSU TABACI

&

HERBÆ THEE.

B

T *Abacum.* Germ. Toback / Nicotian / Nicotian / Indianisch Wund-Kraut / Indianisch Stenwelle / der alten Königinen-Kraut / Heilig Kraut. Dan. Toback / Nicottan / Nicotian / Indianste Wund-urt. Historiam Tabaci, cum Nicol. Monardus in simpl. Med. Histor. cap. XIV. optime expenderit, usque adeo ut cæteri Botanographi vel omnia vel pleraque ab eo, quæ de Tabaco differunt, mutuentur; utique præstabit ab ipso Monardo quam ab aliis nos doceri, quid sit Tabacum, ubi nascatur, & in quos usus colligatur.

Planta Tabaco (inquit l. c.) antiquitus in usu fuit Indis, Hispania præsertim novæ accolis; ad vulnera curanda. Paucos ante annos in Hispaniam delata magis ad ornandos hortos, quam ob ejus facultates; nunc verò multo celebrior est ob facultates quam propter elegantiam.

Nomen legitimum apud Indos est Picelt; nam Tabaco nomen ab Hispanis illi inditum ab insula quadam ejus nominis, ubi frequentissimè nascitur.

Magna altitudine assurgit, & interdum malum Assyriam, quam

A

Limo-

C Limonem vocant, aquat, caule recto multis praegrandibus ramis brachiato; folio mali Assyria ferè, sed ampliore, veluti Oxylapathi colore viridi dilutiorè, & aliquantulum hirsuto, uti tota planta est. Florem fert in summis ramis Campanule modo, candidum medio purpurascens, quo decedente succedunt veluti capitula papaveris nigri, quibus continetur semen valde exiguum colore ex cinereo nigricante. Radix crassa est, multifida, lignosa intus crocea & amara, quae facile cortice suo delibratur: aliqua tamen facultate praeitam esse non intelleximus.

Nascitur plerisque India locis, humidis praesertim & umbrosis, & ex-culto leviq; solo. Seritur omni tempore: cum verò prodiit à frigore praeservanda est, & secundum parietes plantanda ad eorum ornatum: siquidem toto anno viret citriorum modo.

Foliorum duntaxat est usus (tamen si eorum defectu quidam semine utantur) eaq; ut asservari possint, filo trajecta in umbra suspenduntur & siccantur, deinde aut integris, aut in pulverem tritis utuntur.

D Calida & sicca est in secundo gradu: itaq; calfacit, resolvit, mundificat & aliquantulum adstringit, ut ex sequentibus facultatibus iudicare licebit.

Folia huius plantae calefacta & imposita praesens in Cephalaea & Hemitrania sunt remedium, si morbus ex causa frigida aut flatibus ortus sit: sa-pius verò sunt repetenda, donec morbus tollatur: sunt qui caput oleo florum mali arantij prius inungant. Idem remedium rigidis cervicibus sive Tetano utile est, & in totius corporis doloribus ab eadem causa ortis.

Dolores dentium à causa frigida non modo finit, dente prius deterso a-liguo linteo ejus succo delibuto, & folio in pilulam convoluto, denticq; indito, sed etiam ne corruptio serpat prohibet.

Pectoris vitis, tussi veteri, asthmatis & similibus ex frigido humore or-tis morbis foliorum decoctum ex aqua & eclegma ex ejus decocto, utilia sunt. Serapium è saccharo & foliorum decocto paratum putres humores pectoris eji-cit. Asthmaticis interdum, eorum fumus ore exceptus opitulatur: sed neces-sarias evacuationes precedere opus est, si mora ferri possit.

Sub cineribus calefacta folia & sordida non excussis cineribus calidaq; sa-pius imposita ventriculo perfrictionibus & flatibus laboranti, auxilio sunt. Viridia folia alij manibus oleo inunctis confrigunt & sic imponunt. Ventri-
cul

culi & lienis obstructionibus atq; scirrhis folia paucillo aceto intrita, diuque illita & adstricta, utilia sunt, sed his deinde folia calefacta, aut lineus pannus succo foliorum calente intinctus singulis diebus super imponenda. Foliorum defectu pulvis communi unguento obstructiones aperiente, excipitur, & pars obstructa aut tumore affecta diu inungitur.

Indica mulieres valde commendant in puerorum, & etiam grandiorum stomachi cruditatibus: nam ventre inferiore prius inuncto oleo lucernarum, & foliis subcineribus calefactis, altero ventriculi regioni, altero tergori, quâ ventriculum spectat positâ eas concoquunt, & alvum emolliunt si quoties opus erit renoventur. Latas & teretes ventris tineas expellit foliorum succus cum saccharo coctus, & depuratus, paucâ quantitate sumptus: umbilico tamen etiam imponendum folium tritum, & alvus deinde clystere eluenda.

Nephriticis & flatulentis doloribus folia sub cineribus, ut ante calefacta, & quam calidè fieri potest, apposita, magnum adferunt levamen, idem remedium, quoties opus erit repetendo. Commode etiam clysteribus injiciuntur, atq; etiam fomentationibus & emplastris admiscébuntur.

In suffocationibus uteri folia probe calefacta & umbilico uteriq; regioni imposita, præsens adferunt remedium: quod si (ut fit interdum) animi deliquium subsequatur fumus illorum naribus obiciatur: ilicò liberabitur: quod remedium Indicis mulieribus adeo vulgare est, ut ea de causa Tabaci folia diligenter asservent & magni faciant. Sunt vero qui odorata umbilico prius admovent, deinde folium super imponunt. Maximè autem conferunt, aut Tacamahaca, aut oleum de liquid Ambar, aut Balsamum aut Caranna, aut ex his omnibus emplastrum constans & in umbilico assidue gestatum.

Articulorum doloribus [modo humores frigidi sint vel saltem non nimium calidi] efficacissimè folia calida adhibentur, aut eorum succo calente pannus lineus intinctus: etenim humores resolvunt & digerunt, ideò, etiam tumoribus oedematosis foliorum succo calido prius elotis, utilissime imponuntur.

Perniones sanare si ter aut quater hujus plantæ foliis fricentur, deinde pedes ac manus aqua calida cum sale abluantur experientia docuit.

Venenis & toxico perniciosissimo, quo Cannibales suas sagittas illinunt, resistere, paucis abhinc annis experti sunt nonnulli: nam ante, subli-

C matam vulneribus inspergere, solebant. Toxici autem vires infringere hac ratione sciverunt Hispani.

Contigit ut quidam Cannibales in suis cymbis ad D. Johannem de Por-
tu divite navigarent, Indorum atque etiam Hispanorum (si quos reperissent)
telis suis venenatis conficiendorum causa. Eò appellentes, Indos & nonnul-
los Hispanos conficiunt, plerosque autem vulnerant: cum verò sublimato ca-
rerent, à quodam Indo docti sunt, ut Tabaci succum expressum suis vulneri-
bus imponerent, & ipsa deinde folia trita: sedati sunt illico dolores Dei bene-
ficio, & ea symptomata, quæ hujusmodi venena subsequi solent, venenum su-
peratum, vulnera deinde curata. Ex eo foliis hujus planta adversus vene-
nauti cæptum est. Rex ipse Catholicus, ejus vires experiri volens, cani vul-
nus infligi jussit in gutture, & toxico, quo Venatores utuntur, illini, & paulo
post foliorum Tabaci succum satis copiose instillari; & ipsa folia trita supra
vulnus ligari: liberatus est canis non sine omnium admiratione.

D Eodem modo venenatis pestiferisque carbunculis imposita crustas in-
ducunt, deinde curationem adferunt: & ad ictus morsusque virulentorum
animalium præsens sunt remedium.

Recentibus vulneribus imposita, illico sanguinem sistunt, eaque gluti-
nant - quod si majuscula sint, vino prius eluentur, & labiis vulnerum con-
junctis succus foliorum inspergetur, & ipsa folia trita supra vulnus alliga-
buntur: postridie, reliquisque subsequentibus diebus idem ordo servabitur,
victusque ratio necessaria;

Vetera ulcera, Gangranasque succus instillatus, & folia trita imposita de-
tergent, curant & ad cicatricem perducunt purgato videlicet prius corpore
ex Medici consilio & missione etiam sanguinis, si necessaria sit factâ; deinde
observata, quæ convenit victus ratione:

Porro non modo in hominibus ejusmodi ulcera curare, sed etiam in a-
nimalibus, ipsa experientia docuit: nam per universam Indiam frequentia
ulcera vaccas, boves, & alia animalia infestant, quæ facile ob regionis humi-
ditatem extremam putrescunt, & vermibus scatent: quibus solebant insper-
gere sublimatum, melioribus remediis destituti: sed cum magno istic veneat,
plerumque quod ulceribus inspergebatur, pluris constabat, quam animal cu-
randum

dum æstimari potuisset: Itaque Tabaci facultates in hominibus experti, illius etiam usum ad putrida, fœtida, vermibusque scatentia animalium ulcera transfulerunt; atque adeo compererunt, succum ejus instillatum non modo vermes necare, sed etiam ulcera mundare, deinde ad cicatricem perducere: prodest etiam jumentorum exulcerationibus, ideoque Inde Tabaci pulverem semper circumferunt.

Quendam novi narium ulcera laborantem, è quo sanies manabat non sine contagii suspitione: meo consilio instillavit foliorum Tabaci succum: à secunda instillatione multi vermes exciderunt, deinde pauciores, & post aliquot dies sanatum est ulcus; sed quo erosa erant non restitua. Illius etiam foliis impetigines, & capitis scabies utiliter confricantur.

Hec est celebrata illa Indicis sacerdotibus planta, qua uti solebant ad responsa danda. Etenim apud Indos moris erat, Sacerdotes de bellorum eventu aliisque magni momenti negotiis consulere. Consultus Sacerdos istius planta folia sicca urebat, & eorum fumum tubulò seu cannula quadam in os excipiebat, deinde quasi in extasin quandam raptus, cadebat omni motu privatus; sicque permanebat aliquandiu. Discussa ejus fumi facultate, ad se redibat, referebatque negotium, cum Dæmone contulisse; & responsa dabat ambigua, ut utcumque eventus succederent, illis facile persuaderet; sic se prædixisse: eoque modo barbaros illos homines miserè decipiebant.

Ceterum vulgus etiam Indorum, eum fumum per os & nares recipit animi gratiâ, cum insomnia videre interdum & extra se quasi rapi cupit, tum etiam de suorum negotiorum eventu, ex insomniis quæ apparuerint pronuntiaturum. Nam ut impostor est Diabolus, herbarumque facultates novit, illos hujus vires edocuit, quo apparentibus hujusmodi insomniis, miseris hominibus imponat.

At non est recens, plantas quasdam inveniri, qua manducata aut in vitro assumptæ vanas species imaginesque obversari faciant: siquidem Diosc. c. de Solano Maniaco seu furioso ejus radicem drachmæ pondere ex vino potam facere species vanas imaginesque non injucundas obversari scribit, sed duplicatum ejus modum ad tres usque dies mentis alienationem adferre, qua-

C druplicatum interimere. Anisum si quis dormiturus edat somnia excitari jucunda & suavia: contra Raphani esu gravia & turbulenta: & sic de ple-risque aliis.

G A R C I A S ab Orta refert: Banguæ plantæ succum aliis admixtum mentis alienationem facere, insomnia excitare & omni sollicitudine libera-re, veluti etiam opium, quod Orientalibus Indis admodum familiare est: de quo multa apud Garciam.

Sic & nostri Indi oneribus ferendis aut aliis laboribus defatigati, Ta-baci fumum hauriunt, & ilico quasi mente alienati corruunt: excitati verò refocillatos eo somno, & vires recuperatas sentiunt. Eorum exemplum se-cuti Aethiopes, pro mancipiis eò deducti, nimis frequenter eum hauriunt; quo fit, ut eorum Domini egregie eos castigant, & illorum Tabaco exurant, quo ansam auferant sapius illo utendi: clam tamen uti non desinunt.

D Usus est etiam Tabaci apud Indos, famis sitisque sedanda gratia hoc modo: conchylia quædam cochlearum fluviatilium urunt, deinde atterunt calcis modo; hujus & foliorum Tabaci aquas partes sumunt, manduntque, donec ex utrisque massa quædam fiat, quam in pilulas pisio majores formant, atque in umbra siccata in usum reponunt. Facturi iter per desertum, ubi ne-que cibum neque potum inventuros se putant, harum pilularum secum dela-tarum unam inter labrum inferius & dentes reponentes, ejus liquorem assi-duè sorbent, qua absumpta aliam reponunt, atque item aliam donec peregri-nationem triduanam interdum, aut quatrIduanam absolvant: istaque ratio-ne toto illo tempore, neque famem sibi molestant esse, neque sitim asserunt: cu-jus causam esse puto, quod sorbentes assidue pilulas illas etiam humores pitui-tosos è cerebro eliciunt, qui deglutiti, & in ventriculum demissi, naturalem ejus calorem humectant, sed ab eo tandem absumuntur, aliorum ciborum defectu: ut in multis animalibus observare licet, quæ tota hyeme in suis lati-bulis se continent sine alicujus alimenti copia, quia calor naturalis occupatus est in pinguedine absumenda, quam æstatis tempore collegerunt.

Hæc sunt [Monardus inquit] quæ de celeberrima hac planta Ta-baco,

baco, ejusque facultatibus colligere potui. Zacutus verò præter hæc omnia sæpè felicissimè adversus alopeciam succi Tabaci vires expertus est, ut cernere licet *observatione 1. lib. 1. de medic. princip. histor. p. 7.* nec mirum. Nam cum indicatum justam proportionem ad indicans obtinere debeat, ac Tabacum calida siccaque esse temperie, itemque resolvere, mundi ficare, ac aliquantulum adstringere idem perhibeatur, illa verò omnia ex decretis Galeni aliorumque indicentur in alopeciâ, per facile modo nominatus auctor scopum finemque hujus usu in ea curanda assequi ex sententia potuit. Ipsi interim recordor, unam itemque alteram virgunculam, male habere capisse, cum ad detergendos capitis turfures eis commendatum esset lixivium, in quo macerata erant Tabaci sicci folia, quarum altera vertigine leni corripiebatur; altera verò temulenta esse sibi videbatur: quæ in gratiam tyronum hic loci monenda esse putavi: quos interim non dehortabor, periclitentur alias aliis in partibus Tabaci commoda, quippe Clar. HARTMANNUS inter secretiora habuisse videri poterit in paralyti curandâ, essentiam Tabaci, (quæ sola infusione ex Malvatico & viridibus Tabaci foliis paratur) quæ dein præmissis sudoribus membra paralytica diutius perscrificanda esse jubet, & sic resoluta membra facile restitui ac redire affirmat.

Sane Tabacum præstantissimarum est virium herba, ejus abusus [de quo mox agetur] minimè ferendus. Quin etiam præter Monardum *Ægidius EVERARTUS* Tabaci vires & usum eleganti commentario Antvverpiæ Anno 1587. edito illustravit, qui cum iterato hoc seculo & quidem Anno 1644. prælo subjiceretur ex officina *Davidis ab Hoo-gen huysen Ultrajecti* proditur ei varia opuscula de Tabaco, ut *Misocapnus* sive de abusu Tabaci. *S. R. M. Magnæ Britannia Regis, Jacobi Sexti gloriosissimæ n. memorie* ex illius operibus desumptus; *Johannis Neandri Tabacologia*; *Epistola ac judicia Clarissimorum aliquot Medicorum*; denique hymnus Tabaci *Raphælis Thorij* juncta sunt. post quos authores *Joh. Chrysostomus Magnenus* in celeberrima Ticinensi universitate Regij Medicinæ P. P. Anno 1648. exercitationes de Tabaco perdoctas edidit. Cæteroquin cum non solum ex his recensitis authoribus, sed quoque ex lectione *Andrea Cæsalpini de plantis; Dalechampi histor. generalis plantarum;*

Crum; Lobelij adversariorum; Clusij in notis ad Monardum; Dodonæi & illius auctarij authoris Anonymi; Tabernæ montani; Nardi Antonij Recchi rerum Medicarum novæ Hispaniæ cum Terrentij Lyncei notis &c. constet, quod præterquam accurate natale solum, aut quomodo post detectam aut inventam à Christophoro Columbo & Americo Vesputio Florentino Americam, cognitio Tabaci ex ea in Europam immigravit, & quæ huc spectant; itemque illius vires & usum descripserunt; quidam etiam eorum plurima de abusu in sua commentaria retulerunt; Utique cum habeam tot virorum bonorum exemplum, qui eorum exemplo mihi licere idem facere, quod illi fecerunt, putem; puto quoque à nemine mortalium cujuscunque sint Nationis, minime mihi veniam esse impetrandam, aut vitio dari, si posthabito omnium partium studio more meo Germanus (Germanorum enim est rotundo ore loqui; nec aliud clausum in pectore aliud promptum in lingua gerere) pervicaci studio hic loci contendam abusum Tabaci abrogare, quod quam difficile factu sit, prævidi, vel in historia pimpinella sanguisorba Classe secunda hujus mei Quadripartiti; Quæ dum molior in transitu, veluti ex Magneni exercitat. 1. paragr. 1. p. 3. historia Tabaci ingens Libavij paradoxon noto, nempe Tabacum nostræ Europæ, non fuisse hospitem, sed indigenam & patriam plantam, ceu qui scripserit Tabaci plantas in Hercyniæ sylvæ locis magis in viis fuisse inventas; quo loci author addit; *at quis negat à ventis semina hinc & inde deferri.* An ergo ex America usque in Europam perpusilla & ad atomos propemodum Democrati comparanda; an ex aliis Regionibus ex Galliis, Hesperia, Italia turbine quodam acta in Hercyniam sylvam sparsa sunt Tabaci semina. Quod cōmentum mihi non placet, Tabacū cum sui generis sit planta & Americæ indigena; & quis Historico- rum ejusmodi turbinis meminit? Longe lateque quidem & per aliquot miliaria Ætna nostras seu Hecla mons Islandiæ, uti navigantes fide digni referunt, dum ruptis fornacibus is undat, favillas cineresq; spargit; At tanta vertigine cœlum rapi, aut tam vehementes ullos turbines aut typhones existisse, insensissimos alias Indiam petentibus, ut ex una orbis parte in aliam, ex una Regione, Regione dico, in aliam, semina dif-
femi-

fement, vero mihi non videtur simile; de loco in locum, ex æquo in asperum, ex clivo in jugum, vel contra; aut ex horto meo in vicini Ucalegontis subsidio ventī transferri posse, non nego. Sed his relictis stadiū decurro.

Hac ipsa in Classe cum lit. G. Gallij mentionem facerem, retuli quod nostrates Seelandici Rustici id *Klammer-urt* (Latine herbam rixosam dixeris) appellent. Qui vero Tabacum latine herbam rixosam Indicam, Danicè *Indianisefe Klammer-urt* vel etiam herbam insanam Danicè *Gal-urt*/Germ. *Zanck/vnd Dofstaut* appellaret, anne is multorum puncta ferret; Quid enim frequentius accidit proh dolor! quam quod ij qui in cauponis aut lupanaribus, aut aliis obscuris locis ætatem extendunt, in quib⁹ à Sole oriente usq; ad illius occasum tabaci fumo caletur maximè, sese eo invitantes, subinde in capillos ac oculos involent, modo eos non exsculpent sibi invicem? Imo adeo Tabacū & senes & juvenes dementat, ut parentes non liberorum à se genitorum nec liberi parentū grandævorum rationem habeant. Sic observantur nonnulli parentes comburere sua bona, peculīū, stipendiumve, ad fumantis Tabaci tubulos, quorumq; liberi domi ex hesterno jure panem atrum vorare coguntur. Contra filius, quod parens unciarim vix demēso de suo (ut cum Comico loquar) suum defraudans genium compar sit miser, id ille universum tabernis tabacariis impendit, Thaide nō procul remotā aliquā, haud existimans quanto labore partum. Hinc quibus jam ad restim rediit res, usq; adeo ut nequidem domi murem alere queant, in foris scrutariis utraq; Minervæ ac Martis arma, libros & gladios, quibus utrisq; *Livio teste* aliàs gloria acquiritur, emptori venum exponunt vilissimo pretio. Hæcine verò extrema dementia est, quæ complures Europæos cæpit. Ut taceam S.R.M. Magnæ Britannię Regem testari *apud ipsos Americanos vix emptorem reperire servum, qui se Tabaco mancipavit*; adeo quæ ipsis authoribus in visam esse hanc mollitiem. Et tamen nos Europæi non resipiscimus? sed quotannis transmare ad Americam usq; currimus, nullis parcentes sumptibus; noctem intempestam ac meridiem; malaciam ac tempestatem; sudum ac imbrem; valetudinem ac morbos; vitam ac mortem juxta æstimantes, ut ex eâ Tabacum avehamus, & nonne ex ea reduces universam Europā

- C** foedissima illa porrigine, ad cuius nomen meritò expuitur, Americanis ob sarcophagiam carnis humanæ, uti *Fioravanta* putat, endemia infecterunt, quæ alias lues Neapolitana German. die grosse Pocken/appellatur: Sed hocce ut *Cornel. Agrippa lib. de vanitatibus scientiarum cap. 84. p. 402.* loquitur, revera est *Mortem magna pecunia emere* Germanicè dixeris daß heisse mit der Toback's-Pfeiffe voller Pocken/Drüse vnd Huren-Beulen dem Teuffel mit vollen Spohrenstrichen in den Rachen rennen. Quid? quod ipsi Indi ac Barbari ob abusum Tabaci teste *Monardo in Æthiopes* aut mancipia sua satis severè advertant, ea egregie castigantes & illorum tabaco exurentes, ubi nimis frequenter Tabaci fumum hauriunt, ne, uti puto fonticos ac morbidos servos alere cogantur ipsorum domini; quis enim fonticum servum redimeret sub hasta? Teste *Viganeno in libro de ritibus moribusq; Turcarum*, quem in testimonium citat *Johannes Chrysostomus Magnenus in exercitationibus suis de Tabaco, exercitatione VI. §. 10. p. 81.* Orientalis Imperij Tyrannus *Amurethes IV* tus, edicto gentis more ferè semper capitali cavit, ne quisquam fumo Tabaci uteretur; veritus ne ob illius abusum steriles nancisceretur subditos. Sic magnus
- D** Dux aut imperator *Moschoviæ*, teste *Clariff. Viro Dn. Adamo Oleario in der vermehrten Moscovitischen vnd Persianischen Reise. Beschreibung Anno 1663. edita lib. 3. cap. 6. p. 197. & cap. 20. p. 273.* ob insignem abusum utriusque Tabaci seu fumosi seu sternutatorij Anno 634. interdicto prohibuit, ne quis dictioni suæ subjectis provinciis Tabacum inferret, vel in iis uteretur, secus si quis faceret, aut ipsi non pareret, ei paratissimam suffigationis aut virgarum fore poenā; & alarum nasi bifidam, aut bipartito instituendam sectionem, quorum ignominia hac affectorum, aliquot modo laudatus clarissimus author p. 223. sibi ac comitibus suis obviam occurrisse testatur. Sic eodem teste *lib. 5. cap. 31. p. 645.* Persa *Schach Abas* in castris suis exercitui suo, quem contra *Tameran Chan* conscripserat, omnem Tabaci usum interdixit; Qui cum aliquando per exploratores cognovisset, quosdam militum intemperantiæ suæ posthabuisse ipsius mandatum, eis nasum & labia præscindenda curavit. Imo idem adco severè in Tabaci vendulum Persam inscium interdicti in castris promulgati, animadvertit, ut ad vivi-comburium condemnatum in rogam una cum Tabaco conjiciendum ac concremandum jussit. Sed

Sed his similibusque exemplis moverentur forsā nonnulli Europæorum, nisi pessima consuetudo tabaco sese corrumpendi eorundem animos adeo occupasset, ut S. R. M. Magnæ Britanniæ Rex JACOBUS gloriosissimæ memoriæ existimarit, *vix integram sylvam Britannia fumivendulis suffocandis sufficere*; Quem celeberr. Hofmannus lib. 2. de medicam. officinalib. Cap. CXI. p. 3. 20. §. 30. testatur publice in Oxoniensi Academia disputasse contra hanc fatuitatem: *Ostensis exemplis eorum, qui laborassent quidem diu insanabilibus pectoris morbis, deliriis, insomniis, convulsionibus &c. post mortem autem inventi fuerint, pulmones habuisse totos nigros ac retorridos non secus ac si fumo indurati essent.* Idem Hofmannus audiuit à militibus in Belgio versatis, vidisse se dissecta capita eorum, quibus patera Cerebri ab Anatomicis dicta, tota interius esset nigra, licet à Carnifice interiissent. Audiuit etiam à patritio Norico, qui in superiori bello Bohemico vidit, omnes qui in conflictu cum hostibus interierint, Anglos habuisse talia capita. Hinc discant sapere (Hoffmannus inquit) qui sapere alias nolunt. Quin & Nardus Antonius RECCHUS lib. V. rerum Medicarum Nova Hispania p. 174. observavit, quod ij, qui auxilio Tabaci frequentius quam debeat uti assuescunt, reddantur decolores, linguam gestent squalidam, & palpitans guttur; hepatis ardore afficiantur, ac in cachexia ac in hydropem lapsi, morte tandem obeant. Næ ergo omnes similem diætam insituentes egregium stultitiæ suæ præmium auferunt!

Verum ne nimis longus sim in rebus apertissimis, sufficiat hic loci delibasse summa. fumi tamen Tabaci abusum, quàm pulveris esse nocentiorē extra omnem controversiam, verissime defendi posse auguror; maximè, si hujus effati ratio, anatomicis exemplis illustretur, mox quod fiet. Sane dici non potest, ut semel atque iterum laudatus S. R. M. Magnæ Britanniæ Rex severè & religiosè dissuadere subditis suis ultimis misocapni sui his verbis voluit, inquit. *Tandem igitur, ô cives, si quis pudor, rem insanam abjicite, ortam ex ignominia, receptam errore, frequentatam stultitia; unde & ira Numinis accenditur, corporis sanitas atteritur, res familiaris arroditur, dignitas gentis senescit domi, vilescit foris: rem visuturpem, olfactu insuavem, cerebro noxiam, pulmonibus damnosam, & si dicere liceat, atri fumi nebulis tartareos vapores proximè representantem.*

C Sed ex Tabacophilorum turba omnia hæc temnentium, cæci quorum aures à fumo Tabaci ita occalluerunt, & cerebri nervorum quintum par illius à fuligine ita obturatum est, ut salubria monita admittere nequeant, prædeat quis in medium, nec dum adhuc vitiosus, quæratque ex me, an hæc mens mea sit aut ratio mea, ut velim Pontificem maximum, Imperatorem, Reges, Electores, Principes, Duces ex universa Europa proscribere iterum aut relegare Tabacum debere? Optandum sane proscriberent, ac relegarent ob recensitos maximos abusus. Verum tale quid seiscitantem, hic loci obtestor auscultet prius Senecam, cui mox ut par est respondebo. Præcipit autem Seneca de vita beata cap. 1. p. m. 652. *Nihil esse magis præstandum, quam ne pecorum ritu sequamur antecedentium gregem, pergentes non qua eundum est; sed qua itur; Atqui nulla res nos majoribus malis implicat, quam quod ad rumorem componimur: optima ratio ea, qua magno assensu recepta sunt, quorumque exempla nobis multa sunt; nec ad rationem, sed ad similitudinem vivimus: Inde ista tanta coacervatio, aliorum supra alios ruentium. Quod in strage hominum magna evenit, cum ipse se populus premit, nemo ita cadit, ut non alium in se attrahat; Primi exitio sequentibus sunt: Hoc in omni vita accidere videas licet: nemo sibi tantum, sed aliis erroris causa & author est. &c.* Dolendum ergo maximè, quod nos Europæi hoc in casu ad consuetudinem Barbarorum vivamus, quos antecedentes seu pecorum ritu sequimur, cum nos deceret, non illos, sed rationem Ducem sequi, quâ Dei gratiâ, longè longè Americanos antecellimus, ut ex Commentariis clarissimorum Virorum constat, qui cælum, mores vitamque Americanorum descripserunt: *Qui (ut mihi cum Salustio loqui liceat) dediti ventri atque somno indocti incultique, vitam veluti pecora, & sicut peregrinantes transigunt: Quibusque profecto, contra naturam corpus voluptati, anima oneri est. Quorumque ego vitam mortemque, juxta æstimo: vel non minus belluinam vitam vivunt, quâ ii, qui Affricæ mediterranea loca incolunt, qui teste nostro Hippocrate de morbo sacro, p. m. 282. in pellibus caprinis recumbunt, & caprinis carnibus utuntur (Atque Americani nonne ipsis humanis?) cum ne stragulum quidem, neque vestimentum neque calceamentum aliud habeant, quam caprinum. Quæ omnia ne quidem sibi Americani comparant nudi, desertis in locis*

ac latibulis, ætatem extendentes. Quæ cum ita se habeant, quis ergo A
 sanæ mentis defendet, cum cœlum & diætâ diversis in provinciis habi-
 tantium Americanorum, à nostro Europæo, & nostra diætâ (quo nomi-
 ne omnes sex res non naturales, ut in scholis medicis loquimur intel-
 ctas volo) maximè discrepent expedire, ut jugem usam Tabaci seu ad-
 mittamus, seu in Europa toleremus ?

Atque ratione quoque non caret, quod paulo ante laudatus Cor-
 nel. Agrippa l. c. p. 404. putet, *plurimum conducere salutem hominum ac Rei-*
publicæ, peregrinis omnibus exoticisq; pharmaciis, quæ tanto præterea præ-
rio, à prædonibus, mercatoribus in Reipublica detrimentum adauctæ sunt, o-
mnino interdiceret &c. Nec minus caret: quod olim Romæ Nerò legem
 tulerit, *quæ iis dantaxat, quæ nosser gignit orbis pharmaciis, pharmacopola*
uti compulsi sunt, cum hæc nostra cuiusq; natura conveniunt magis, tum lon-
ge recentiora, electiora, minoriq; difficultate ac sumptu haberi possunt, mino-
riq; periculo, quam peregrina; quorum maxima pars suspecta est, ut quæ sæpissi-
me sophisticata, rejectitia, vel in navi suffocata vel immersa lacuna, vel ve-
tustate corrupta, vel non debito tempore & loco (unde sæpe plurimum immi-
net periculi) collecta sunt. B Et quis dubitabit, cum quandoque accadat,
 ut à veteribus quidem descripti morbi, in Europa infestent ægros, sed
 novis & inauditis comitati symptomatis, imo vel novi in Europa emer-
 gant morbi, quin, quæ Asia, Africa, America in Europam mittunt sive
 medicamenta sive fructus edules, aut novas delicias, omnia hæc femi-
 naria sint, aut fundus nostræ calamitatis.

Sed oppugno Tabaci abusum, à quo divelli aut me abripi hic loci
 non patiar. Imo salubre esse medicamentum Tabacum non diffiteor,
 methodo medendi non neglecta usurpatum, quo ipse quotannis semel
 ubi circa ver, secunda vice ubi circa autumnum catharrho infestor, non
 abstineo. Aliàs notum omni populo, quod ubi tussicula exasperavit v. g.
 Titi, Sempronij, Petri, vel Pauli fauces, illi non audeant Medico nõ con-
 sulto usurpare vel syrupum violarum, vel glyzyrrhizæ, sed illius consili-
 um expetunt, una cum multis valetudinem suam & quidem diligenter
 curantibus utriusque sexus ægris: & tamen complures imo myriades
 Europæorum inconsulto manè vesperi, noctu interdum, cœlo quocunq;

C nubilo & sereno, Tabaci fumo penetrantissimò, infumant cerebrum, rationis sive palladium, sive palatium, aut metropolin? Tollamus ergo barbarum hunc morem, salutis humanæ aut valetudinis interest.

Ut taceam, credibile esse, ut subdola Americana Natio nobis Europæis, ubi advertit, tantam vim Tabaci Europam quotannis absumere, lucri causa imponat: Quin imo ipsi Europæi mercatores, ut nos emungant pecunia, variis dolis ac pravis artibus beneficio muriæ, limonum, aceti, vini euphorbij, jam dudum docti sunt adulterare Tabacum. de quibus videndus *clarissimus Neander in Tabacologia*. Insuper creditu difficile est, ut quicquid funis in modum contortum, nomine Tabaci ex America, omne illud ex meris aut non vitiosis, sed solum selectissimis Tabaci foliis constet: Quippe vel vulgo notum, Tabaci bonitatis notas, sive colorem, sive odorem, sive saporem, sive denique pretium & pondus spectes, oppidò variare apud nos Europæos; Qui condoce facti sunt (sed honos præfandus est) ex paxillo aliquandiu suspendere in cloacis Tabacum, ut beneficio Salis valde volatilis urinæ & ludij aut stercoris humani, corruptum, insipidum & leve; acrius & ponderosius ignaris hujus pessimi doli venundetur, vnd dar schmecket dann ein Trunct auff/wann er so sein bereitet ist/vnd scharff nachschmecket/qui profit bibentibus. Egregia autem methodus capitis medendi, aut ex eò ducendi excrementa; de quorum uberiori proventu, corrupta cerebri temperie eorum, qui indies accotidie se tabaci fumo oblectant, mox agetur.

D His præmissis si Tabacophilos vacivas jam mihi commodabit aures, decernam de illa ventilari cœpta quæstione, nempe alterutrum Tabacorum præstet. Dico utrumque esse improbum, neutrum nisi deliberato animo ulli commendandum (recordor priorum & me ipsum averfari Tabacum) attamen minus noxium esse sternutatorium quam fumosum Tabacum decernendum arbitror, ut paulo ante indicavi. Volunt quidem nonnulli jugi usu pulverati aut sternutatorii Tabaci visum acui, sed quanto cum periculo conjuncta hæc medela sit, id elegantissimis Anatomicorum Coriphæi ADRIANI SPIGELII, *corpor. human. fabr. lib. VII. cap. 2. p. 243.* rationibus confirmatur; postquam ibidem hoc problema proposuerat, nempe *qua causa fuerit, ut multi ex pluribus (præsertim*

sertim sibi de industria concitatis) sternutationibus in cæcitatem derrepente lapsi sint. Tit hoc (inquit) vel quia arteriarum carotidum rami, qui nervus opticis sic vicini sunt, ut tangant, repleantur, & repleti hos comprimant, vel quia copiosus isq; pituitosus humor ex cerebro ad opticos nervos transmissus fuit, qui obstruxit. Illos quandoq; setaceo curatos vidi: hos quibus ab humoribus pituitosis malum hoc enatum fuit, nunquam convalescere memini. Qvin & Joh. Chrysostomus Magnenus exercitat. 8. de Tabaco §. 1. p. 105. defendit, Sternutamento violentius agitato capite, disruptisq; eo impetu meningibus, laxataq; cerebri compaginatione non nullos interiisse; Qvam suam sententiam ibidem exemplo pistoris suburrani, cujus Famianus Strada meminit, confirmat, cui, cum vigesies quater sternutasset, continue succedens proximè, sternutamentum vigesimum quintum exitio fuit, disruptis arteriis & membranis cerebrum circumcingentibus. Idem §. 4to. p. 109. testatur, se vidisse non neminem, cui insanus hujus pulveris usus crystallinum corrugaverit humorem, unde & fluitantia cernebat objecta.

Sed Tabacophilus rara dixerit exempla narras? Rara sunt fateor. Sed anne quoque nosti quod quæ rarò fiunt, fiant tamen; & quod alij contigit idem Tibi accidere posse. Quod si ergo non illico tibi falx duræ menyngis, Herophilii neq; torcular (Apoplexiæ lethalis locus) à sternutatione artificiosa tabaci hilcant, tunc tamen putas, quinque tuis sensibus præclarissime prospectum iri, modo prolicias ex cerebro subinde pulverato Tabaco blennam aut mucum? & quidem per nasum, aut potius os ethmoides, Teste Gal. & aliis Anatomicis, non cerebri excrementis excernendis destinatum organum, sed olfactus? Erras ergo mecastor, erras toto cœlo. Tantum enim abest, ut dum forte oculis perspicere, aut acuerè visum gestias, quem corrumpis interim, ut insuper olfactu priveris.

Hicin Nobilissimo hoc Regno Daniæ, si quis capitis diminutionem patitur, magno probro is audit: Ein drey Marcks Mann: ast qui quinque suorum sensuum diminutionem patitur, cuique integri solum tres supersunt, cæteros cum præ artis Medicæ sive contemptu, sive imperitia, imo sua ipsius intemperantia, sibi ipsi nefarie ac petulanter corripuit, quo nomine illum appellabimus? Murcum puto deficiente cōmodiori Romano vocabulo, vel si mavis *caussarium*: de quibus vocibus consule

Consule *Lipsum lib. 1. de militia Romana dialogo quarto p. 30. 31.* Atque remoto joco poscis exempla hujus intortunii illiusque rationes? sufficiam tibi utraque ex Magneni *de abusu Tabaci exercitat. 6. §. 15. p. 99.* petita, cujus hæc sunt: *dico olfactum ab abusu Tabaci in multis aboleri, id plures mihi retulerunt, tum qui pulvere tum qui fumo abutuntur. Ratio est, quia nimis exiccantur processus mammillares, unde cum sicciore quovis odore reddantur, non possunt ab iis immutari. Odor enim est à succo superante humidum sensoriaq; ab objectis suis immutari potest. Arist. lib. 3. de An. Idem exercitatione 82. §. 1. pag 195. refert, se novisse hominem qui die unica pulveris Tabaci optimi uncias quatuor naso suo perdiderit. Qui postea illam quæstionem ventilat, qui fiat, quod tabaci pulvis excitet insolitis sternuamentum, assuetos autem non moveat? itemque eam: Quid damniaut utilitatis afferat pulveris Tabaci usus. Ultimò legitimum Tabaci pulveris usum in errhino & ptarmico docens, quæ apud ipsum authorem legi, haud commode huc ea omnia transferri possunt. Inter alias autem rationes & hanc adfert, quod pulvis tabaci ossis ethmoidis meatus subire ibique hæreere aliquandiu possit. Quotus quisque ergo est, nisi ipse sit architabacarius, atque adeo animo occupato, qui non intelligat, quod meatibus aut foraminulis ossis ethmoidis à pulvere tabaci obturatis, cum cerebrum per os ethmoidis, neq; ærem, ut eo ventiletur neq; rerum odorabilium species admittere possit, quin necessario olfactus intercitat. Sed leviculum ac forsan momentaneum hoc esset malum; ast cum Tabacum insigni narcotica vi præ aliquam multis simplicibus sit præditum, calidum, siccum, unctuosum, penetrantissimum, hæc illius vis aut specifica facultas facit, ut octavo SPIGELII vel nostratis BAUHINI Virorum nemini eruditorum in tota Europa non notorum primo nervorum cerebri pari olfactui dicato sentiendi seu olfaciendi potentia, sensum, tandem omnino adinatur; ceu quod in processum mammillarem traducatur: qui interiori cerebri parte ad os ethmoides dura matre investitum, siti sunt, ac regionē aut sedem istam occuparunt, cum ergo ad nasi radices usq; pulvis Tabaci Narcoticus magna copia violenter attrahatur, & punctum temporis Natura otiosa non sit, ac in vivo corpore ex decretis Hippocr. nostri omnia sint permeabilia, ac transpirabilia, utiq; ali-*

ter fieri non potest, ut innui, quin partes olfactui destinatæ, à narcotica Tabaci facultate misere affligantur. Atque hæc in gratiam Tabacophiliprotuli; jam me urget turba capnophilorum Tabacariorum, ac insiat sibi quoque, ut satis fiat, Faxe. Ita autem cum vulgo comparatum est, ut exemplis magis quam rationibus ducatur. Quare pace eruditorum mihi liceat procurrere, aut illico ad exempla confugere: Verbulo interim non meminero eorum, quæ superius introducti Authores in vires Tabaci commentati sunt; id enim studeo hic loci unice, ut demonstrem quam penetrantissimum sit Tabacum sive Nicotiana pharmacū.

Vir celeberrimus inclutissimæ famæ *Johannes HEVRNIVS lib. 1. method. ad prax. p. m. 86.* sanè singularem penetrantem Nicotianæ facultatem comperit, cujus hæc sunt: *Mira vi suffitu admissa prædita est Nicotiana &c. Etenim hæc mira ubertate ore ac naribus pituitam evocat. Arida folia carbonibus igne candescentibus injiciuntur ac fumus excipitur ore hianti, & infundibuli angusta fistula: totum enim cerebrum pervadit, & in aures eadem arte infertur, & quoque utero. Verum id affirmare possum, hanc herbam peculiari ratione cerebro dicatam esse, facileque eo viam affectare, ac id ab omni inquinamento eluere, cum ego ipse ante annum, vehementer ex dente laborarem, hanc decoxi ex aqua adjectis chamameli floribus; tepidi hujus decocti cochlear ore tenebam, expuebam, ac idem agebam horis duabus; dolor mitescebat: postridie cum ex more meo hortulum in suburbiiis accessissem, inclinatusque capite quid graminis evellerem, liquor croci flavedinem referens, copiose e naribus meis effluxit. Nicotiana odorem referens; ac omnis dentium dolor evanuit. Mihi toto vitæ curriculo nec sanguis nec quid præter serosam pituitam e naribus fluxit unquam, ac nihil ego vidi hoc effluxo liquore flavedine altiori tinctum. Hactenus ille. Hæc & finilia vivus olim meus Præceptor, non sine summa veneratione mihi nominandus, summus Philosophus, Anatomicus, Botanicus ac Medicus insignis. S. R. M. Daniæ ac NORWAGIÆ Regis CHRISTIANI QUARTI gloriosissimæ & æternæ memoriæ Archiater *Henningus Arnisæus*, non negare de Tabaco quidem, sed insuper suo more perdocte, de omnifumo ore captato ita decernebat; nempe, cum ob acrimoniam esse penetrantem; atque adeo ceu per rectos cuniculos perrepere &*

C alterare universam cerebri massam, utramque meningem cerebri, omnis generis vasa & in iis contenta &c. Quicum semper ipso actu quoque esset calidus, dum ex calyce tubulorum ignito & flammante Tabacco ore exfugeretur, fieri per rerum Naturam aliter non posse, cum ex decretis Aristotelicis caloris esset, colligere homogonea & segregare heterogenea, quin funderetur pituita, ejus metropolis aut receptaculum glandularum quasi omnium maxima ab Hipp. cerebrum statuitur. Neque dubito (salvis aliorum opinionibus) rem ita se habere, ut *Arnisaus* decrevit. Nam puto, prodromos catarrhorum sternutationes, sputationes, salivationes omnes hos actus (non de generatione materiae, aut materiae morbificae causa loquor) à calore proficisci aut illū esse causam sine qua non catarrhorum. Sic incomparabilis *Hoffmannus lib. 3. institut. medic. cap. 193. p. 453. §. 610. Solum calorem, eumq, ut plurimum externum, ut est ignis Solis, ab exercitiis, à vino, aromatis, inter quae cinamomum & crocus est, quo tam libenter condimus cibos*; fundere pituitam aut acre serum; defendit. Quod si ergo quis ellychnio ex emunctorio corraso, funis igniarii militaris stupei praefegmine, vel denique terrae bituminosae fossilis, & praesertim Hollandicae frustulo calycem tubuli tabacarii, (wann einer wurde mit dem Taacht oder öset auß der kiechpucke hervor gesucht: ein stücklein von der luntren/oder des besten Holländischen Torfs/eine Tobacks Pfeiffe an statt des Tobacks anfüllen) loco tabaci (quibus dolis malis milites praesidiarii se invicem decipiunt) referferit: Utique non minus quis sputabit, qui singulorum horum incensorum fumum, per tubulum Tabacarium suget, quam si optimae notae Virgineano Tabaco calycem tubuli replevisset. Et nonne milites, vel nautarum operas cernis aut advertis, eandem ex incensa papyro vel voluptatem vel effectum percipere, quam si illorum cerebrum ipso tabaco infumaretur? Positis ergo his & concessis, nempe: acrem fumum & calorem quomeunque, dicto modo intromissum in cerebrum fundere pituitam, eamque, quā dantur portae, ut sunt os ethmoides & sphenoides ruere, ac illac praeter naturae institutum per nares emungi, hāc ac per palati coelum eandem percolari, ac oris beneficio naturaliter excerni, ut in disputatione mea anniversaria de catarrho, Rostoch. Anno 1637. thes. 23. 24. defendi. Quid ergo causae sit, ut statuatur

tuatur præ ceteris *Tabacum* mira ubertate ore ac naribus pituitam evocare, vel peculiari ratione cerebro esse dicatum, facile hæc viam affectare, ac ab omni inquinamento eluere, ut *Clariss. Heurnius* loquitur, causam nullam video?

Quod cum antea calidum, siccum, unctuosum ac penetrans esse demonstravi, nunc dico ob has qualitates facile flammam concipere. Ast cum idem præ aliquam multis simplicibus, insigni Narcotica vi sit præditum, hinc ratione sulphuris sui Narcotici stupefacit, & corrumpit cerebri temperiem, usque adeò, ut cum ex aliis simplicibus concitatis fumis, v. g. majoranæ, betonicæ, roris marini, succini mastiches & similibus pituita à cerebro citra noxam eliciatur, moderate usurpatus à Tabaco illius *πύρ* semper dissolvatur. Atque hæc narcotica Tabaci qualitas in causa est, ut Capnophili Tabacarii ad urnam usque sint sputatores vid. *Historiam pimpinellæ Class. secunda. Quadripartiti mei novissimæ editionis.* potius prisco ritu in rogo comburendi, quam hodierno tumultuandi, ut igne concrementur mortui, vivi quem veluti sitiverunt. Non ergo ideo, quia ab illius frequentiori usu mira ubertate pituitæ veluti stillat cerebrum, peculiari ratione cerebro id ceu specificum aliquod dicatum, sed quia narcoticum aut narcotico sulphure citra omnem controversiam abundat, totâ substantiâ cerebro ac nervis infensum ac noxium est; insignis ergo hic committitur causæ fallacia: nam contrarium verum. Hinc non solum permulti, ut antea demonstravi corruptis à sulphure Narcotico Tabaci olfactoriis nervis olfactu privantur; sed quoque Capnophilos Architabacarios, non exquisito esse gustu, quarto septimoque cerebri nervorum paribus affectis, quamvis obviam cerevisiam ingurgitare, vel etiam langventi esse appetitu, & stomacho sexto nervorum pari in eum descendente stupefacto, facile observabis, ceu qui ultro de his malis conqveruntur. Quis jam deinceps peculiari ratione Tabacum cerebro dicatum, seu ut ego accipio, esse cephalicum aut cerebro prodesse, aut ei salubre esse remedium, cum id usque adeò inimicum nervis sit, ut eos stupefaciat, unquam defendet? Quis non per bonam consequentiam sic argumentabitur? Tabacum est calidum, est valde tenuium partium, est maxime penetrans. Ergo ob hæc omnia, quia Narcoticum una est Tabacum, tanto est nocentius, quanto est penetrantius.

C tius. Cur? quia narcotica Tabaci vis, tarda alias, ceu cicutæ & opii ad agendum, ac veluti torpens beneficio recensitarum qualitaturn, exaltatur & in actum produciturn, seu ut apertè dicam quid velim, ratione acrimoniæ, quæ salî vel fixo vel volatili tribuiturn, narcoticum sulphur viribus omninò integris ad nervos capitis provehiturn. Permanere id autem satis diu integrum, & quidem in vivo corpore crocetus ille liquor, qui è naribus *Heurnij* postridie ab abusu decocti Tabaci; & florurn *Camomillæ* copiosè effluxit, *Nicotianæ* odorem adhuc referens, evincit. Nec Tu credas velim, quod simul ac nares tuæ non amplius fument Tabaco, tibi ab illius fumo sinciput non amplius caleat, omnem fumum evanuisse una, quem post biduum aut triduum, ubi sternutatus, oles aut exspiras. Hoc ergo narcoticum unctuosum olidum sulphur, membranarum adhærens cerebri, vel ventriculos, gyros, aut alios illius occultos meatus occupans, sibi soli relictum, cassum fumo, cassum calore, insensibiliter in vivo corpore magis ac magis universam cerebri massam corrumpit, unde jugiter screeare ac exspuere cogeris. Sputo verò abundantiori cerebro à narcotico fumo Tabaci debilitato cum neq; *meis* *judicis*, seu *arnadus*, neq; *Thymus* (de ejus usu neglecto ab aliis ego ex instituto in Digressione mea de febribus malignis §. 17. egi.) omnia apta nata ad imbibendum naturales excrementitios humores, ceu spongiæ amplius sufficiant, tum Architabacophili hiare, rauca ac stridula voce muginari, foetere animam, ceu lue Venerea infecti occipiunt: quibus Anatomis his meis demonstrationibus, ceu face, præluceo observationibus, de corruptis pulmonibus &c. heluonum, quorum in hac Digressione de Tabaco facta est mentio. Hæc cui non sufficiunt, is comparet sibi Neandri Tabacologiam.

Atque jam abunde satis factum esse puto sciscitantibus aut ex me querentibus, utrum præstet pulverem an fumum captare Tabaci. Fumum autem illius, ob allatas de narcotica vi rationes sese penetrantem intimè in cerebrum esse nocentiorern palam est. Verum quilibet abundet suo judicio, oblectet se cotidie tabaco, non intercedo, exorare tamen illum contendam, semper meminerit istius: *Latet anguis in herba*. Nam ut

Impia sub dulci melle venena latent,

Sic sub *παρρησια* generosi usuqve Tabaci,

Sæpe quod excruciat *παρρησιαν* esse solet.

Quæ omnia de Medicinali Tabaci sive abusu sive usu intellecta volo. Cæterò quoniam Tabaco fumantes Tabacophili, insignis Hieroglyphici loco vobis omnibus inferviunt, fragilitatis humanæ subinde nos admonentes, scilicet, quod filius meus carissimus *Jacobus Henricus Pauli* in suis non inficetis phaleucis in hymnum ad Tabacophilos à Carolo Bonamico conscriptum, ita ludens indicare voluit:

Quid sit vivere, quid reapse vesci

Sit illa ætheriâ Maronis aurâ,

Si cognoscere quem capit libido

Cum Tabacophilis bibat Tabacum.

Et tubo genitos trahere vapores,

Et reddet tenuem per ora fumum.

Recte conveniunt. Perinde vita

In leves cito dissipatur aurâs,

Quum non aëra spiritumq; nobis

Fas est, ulterius reciprocare,

Extincto Calido quod instar ignis

Omnes corporis impulit canales.

O pulchra effigies! uterq; tandem

Vergunt in cineres: Homo, Tabacum,

Herba nobilis & voluptuosa

Tantis deliciis.

B

Haftenus pro Europæorum valetudinē tanquā pro aris ac focis pugnavi, ac excubias agere toto pectore contendī, ne ipsi essent valetudinis imo suæ ipsorum vitæ prodigi quā Deo benedicente prorogare multimodò studio artequē nostra exoptamus. Verum si forsan Medicinæ Candidatus compererit: cis pauculos annos, aut proximis abhinc lustris ex Asia & orientalibus sive insulis, sive Regionibus ad nos Europæos, transportari cœptam esse, herbam Theæ vel Tchia dictam viribus Tabaci omnino contrariam, eeu quæ somnum prohibet omnino, quæ

C Tabacum conciliat, atqve adeo, ut illud infensum sit ob vim narcoticam cerebro, ita hanc videri ob multa multorum authorum elogia, ceu polychreston, capiti, nec non visceribus nutritioni dicatis gratissimam; meqve is rogaret super hac herba meam sententiam: Huic ob publica commoda promovenda, quæ unumquemqve maximè movere, haud propria debent, ut *Claudianus* præcipit, gratificarer perlubenter, modo mihi id liceret, ac certo mihi constaret, cujus generis aut speciei esset herba Theé, aut ad quam Europæarum herbarum speciem vel referenda vel comparanda esset. Tabacum enim Hyoscyami cognomine Peruvianum, Herba Theé nullo gaudet. ad quod genus Europæarum herbarum quæso ergo referes? Imo nec dum liquere ajo, Theé vel Tchia, herba sit Græcis *πία* dicta vel *θαμνίσκος* pusillus frutex aut suffrutex. Quæ vocabula Ruellius, Marantha, ac alij passim conqueruntur apud Dioscor. & Theophr. ac alios rei herbariæ Doctores sæpè confundi, unde etiam propemodum tam magnus controversiarum & litium botanographorum,

*Quam magnus numerus Libyssa harena,
Aut quam sidera multa cum tacet nox,*

D sunt, ut illa ex *Catulli Phaleucio* ad Lesbiam (sævium basiationum numerum comparata, huc transferam. Sic ex *Pinace Bauhini* §. 414. noto *Plinium lib. 24. Cap. XI.* Rhus suffruticem (celebratissimis Botanographis Clusio & Dodonæo arbitris) Belgis *Gagel* à nostratibus *Port* à Megapolitanis *Post* dictum, herbam appellare; Sic idem in *pinace pag. 70. refert Benzon. lib. 1. cap. 16.* Tabacum appellare arbutum, quod dupondius tyro in re botanica novit esse herbam. Præ omnibus tamen Authoribus, qui Latino sermone in herbam Theé commentati sunt, studiosissimè ex Hispanico, Gallico, Britannico, Belgico idiomate conscripta, in Latinum transtulisse vel in compendia contulisse, videri poterunt Nicolaus TVLPIVS & R. P. NICOLAUS TRIGAVTIVS, Magni nominis, nec minoris auctoritatis Viri, quos ipsos hic loci in scenam introducā, quo si fieri possit, illis veluti ducibus solerti conjectura assequar; *Primo* cujus generis aut speciei sit herba Theé *Secundo* an Asiæ soli sit propria aut omninò in Europa exulet vel non, vel *tertio* denique, quæ ex Euro-

Europæis herbis illius succedaneum esse possit, aut necessario illi surrogari debeat; idque tanto confidentius facio, quanto promptius tanta in confusione authorum, Vir Clariss. Dn. Olearius lib. V. *Der Persianischen Reise-Beschreibung* cap. 14. p. m. 600 semel atque iterum in hoc commentario laudatus, etiam suum Lectorem ad prioris Tulpii nempe lib. IV. observat. medicar. Cap. 59. pag. mihi 400. ableger.

Auscultemus ergo Tulpium: *india orientali* (inquit) *nihil familiarius est potione decepta ex herba quam Chineses Thee aut Japonij Tchia appellant.* Cujus notitiam ab illis qui cum summo imperio illic præfuerunt mihi communicatam equidem lubens posteritati tradam. Sunt itaque huic herbe ut folia oblonga, acuminata, & in ambitu crenata, sic radices fibrosæ ac in minimas particulas dispersæ, crescitque tantum non in Chinâ ac Japonia, verum etiam in Chiam. At eo discrimine quod Chinesis folia sint ex nigro viridia, Japonensis verò colore dilutior ac sapore gratiore. Unde fit, quod Japonensium Tchia longe pluris etiam æstimeretur quam Chinesium Thee; veneatque non raro una ipsius libra centum argenti libris. Quippe creditur hic passim, nihil hæc herba salubrius, cum ad vitam in extremam senectutem prorogandam; tum ad impedienda quæcunque sanitatis incommoda. Neque ipsam reddere solum corpora vegeta, atque arcere calculi dolores, quibus his neminem dicunt obnoxium, verum etiam tollere dolorem capitis, gravedinem, lippitudinem, destillationem, spiritus difficultatem, ventriculi imbecillitatem, intestinorum tormina, lassitudinem ac somnum, quem tam evidenter compefcit, ut sorbitionem hujus decocti assumentes, videas interdum integras noctes lucubrando consumere, ac sine ulla molestia evincere inexpugnabilem ceteroquin dormiendi necessitatem. Calefacit enim modicè & adstringendo ventriculi osculum, refrænât coercetque usque eo vaporum ad somnum conciliandum necessariorum adscensum, ut nihil impediementi offeratur illis, qui scribendo ac meditando satagunt noctes transigere

Videtur autem hæc planta non longe cognita fuisse Chinesibus, neque admodum diu in usu, defunt enim ipsis avita, quibus eam designent nomina; sive hieroglyphici illi characteres (quales ferme sunt omnes Chinesium literæ) quibus exprimant ipsius naturam.

C Differuntque etiam haud parum inter se discrepantes hæ nationes circa utendi rationem; permiscuntibus Japoniis pulverem *hujus plantæ* in lapide ophitide contritum aquæ calidæ; Chinenſibus verò *ipſam plantam* cum paucis ſalis ſaccharive granis exliqvore aliquo decoquentibus. Quod decoctum deinde calefactum officioſiſſimè propinant cum convivis invitatis, tum quibuscunqve honoris cauſa ipſos ſalutatum venientibus, idqve ea animorum inclinatione, ut principes etiam viri non detrectent, quin potius honori ducant, ſuis manibus hanc herbam vel amicis decoquere, vel alioquin ei miſcendæ temperandæve operam ſuam impendere. Exſtructis propterea in palatiorum ſuorum interioribus conclavibus ac fociſ ex pretioſiſſimis lapidibus ligniſve iſti operi ſpeciatiſimè dicatis, in quibus curioſè aſſervantur ollæ, tripodes, infundibula, calices, cochlearia aliaqve perpolita hujus culinæ inſtrumenta, *quæ aliquot aureorum millibus redempta ac ſerios integumentis involuta intimis ſolummodo amicis oſtendunt, neq; minori habent loco, quam apud nos adamantes, gemmas, ac braccata ſummi pretij monilia uti videre eſt apud Johannem Maſſæum rerum Indicarum lib. VI. & XII. & Ludovicum Almeidam ſelect. epiſt. lib. IV. & Petrum Jarricum Tom. II. lib. XI. cap. 17. & Matthæum Ricium de Chriſt. expedit. apud Sinas lib. I. Cap. VII. & Aloisium Frois in relat. Japonica & Jacobum Bontium dialog. VI. Med. Indorum & Johannem Linſcotum Cap. XXVI. Huc uſq; Tulpius.*

D Jam prodiſt R. P. Societatis Jeſu NICOLAVS TRIGAVTIVS, qui in ſuo tractatu *de Regno Chinae. Cap. 3. cui titulus aut inſcriptio: quarum rerum ſit ſerax Sinenſis ager pag. 34. de Thee hæc refert: Omitto neceſſaria multa, marmora diſtincta coloribus, pyropoſ alioſqve lapilloſ & gemmas, coloreſ ad pingendum non ineptos, odorifera ligna & bitumina aliaque ſexcenta. Sed tamen prætermittere nec poſſum nec debeo, duo triave noſtris incognita. Ac primum ſit frutex quidam ex cujuſ frondibus celebris illa Sinarum Japonumqve ac finitimarum gentium potio, quam *Cia* vocant, decoquitur. Ejuſ uſuſ apud Sinas omnino eſſe non poteſt antiquiſſimuſ. Nam in yetuſtiſ eorum voluminibus, nulluſ ad eam ſignificandam hieroglyphicuſ character [qualeſ ſunt omneſ Sinarum literæ] reperitur. Unde fortaſſe noſtroſ etiam hac fronde ſaltuſ mi-*

nimi

nimè carere licet suspicari (Europæus autem Trigautius ; per rō nostris & saltus nostros Europæos, & Europam intelligens) Hæc folia verno cœlo legunt, eaque in umbra exiccant, & ad qvotidianam decoctionem asservant, qvam propè continuò in potum adhibent, non sub mensa solum, sed qvoties in ædēs hospes, amicū vīsurus ingreditur. Hac enim portione invitatur, eaqvè secundo ac tertio, si moram aliquam fecerit colloqvendo. Calida semper bibitur aut potius sorbetur & palato non est temperata qvadam amaritudine, insvavis, sed revera salutaris, & ad multa frequentater illius usus. Nec una est huius *frondis* præstantia, alia aliam solet superare, atqve ita *libram uno aureo*, & *sape duobus ac tribus* si præstantior habita fuerit, comparabis; apud Japones præstantissima *decem aut sape duodecim aureis venit*, apud qvos etiam illius usus aliquantō differt à Sinensi. Nam Japones folia hæc in pulverem redacta, ferventis aquæ cyatho immiscent, quantum duobus aut tribus cochlearibus continetur, eamqve potionem ita permistam epotant. Sinæ vero in aquæ ferventis vasculum, aliquot ejusmodi folia injiciunt, inde calida posteaquam horum vim imbibit, epotatur, ipsa verò folia relinquuntur &c. *Capite verò septimo, cujus inscriptio de Sinarum ritibus non nullis p. 158. hæc exstant*: cum quispiam ad solemne epulum invitatur, pridie vel etiam pluribus diebus, ante convivij diem, is qui alterum invitat, libellum mittit ex iis, qvos supra descripsimus &c. cum in convivij domum ventum est, solitis salutationum ritibus, ut supra, expletis, in prima aula confident, & suum illud Cia bibunt: inde ad convivij locum itur. Solet is splendide adornari, non peristromatis, qvorum apud eos nullus est usus, sed picturis, floribus, vasis, & ejusmodi antiqva supellestile; Hactenus ille. Atq; hæc sufficere qvidem vulgo possent, sed haud Medicinæ Candidatis, qui à me plura expectant, ceu qui adhuc ignari sunt, herba sit an frutex, an suffrutex Thee vel T'chia. Qvippe hi modo nominati authores, & qvos loquentes introduxi inter se non conveniunt, qvorum prior seu Tulpus & Thee Chinense vel Chiniticum *herbam esse dicit foliis ex nigro viridibus, oblongis, acuminatis, ac in ambitu crenatis, radice fibrosâ ac in minimas particulas dispersâ*: Japonensem aut Japonicam *foliis colore dilutiore ac sapore esse gratiore* &c. posterior verò

- C** Trigautius *fruticem esse* asserit, ex cujus frondibus celebris illa Sinarum Japonumque *Cia* decoquitur. Prior Theé herbam *crescere non tantum in China ac Japonia, verum etiam in Chiam*: posterior etiam putat *suspiciari licere* (arrigite quæso aures Philobotani Medicinæ Candidati) *nostros etiam* (intelligo per eos Europæos) *saltus minimè hac fronde carere*. Quæ inferius mox mihi excutienda accuratius veniunt. Noto interim ex Oleario l. c. p. 600. Maffæum de rebus Indicis testari Japonios ex herba quadam expressum liquorem nomine *Chia* admodum salutarem haurire; *Linschotanium* de Insula Japonia ex herba quadam Chaa sibi potum parare. Atque hi Authores neque fruticis neque frondium meminerunt, sed uno ore Theé herbam esse asserunt. *Jacobus Bontius* in Indiis orientalibus, civitatis Bataviæ novæ in insula Java Medicus ordinarius de Medic. Indor. lib. 2. de conserv. valetud. Dialog. VI. p. m. 97. dicit. *Herbulam unde Theé conficitur bellidis seu cōsolide minoris folia referre cum parvis in ambitu incisuris*. Quem sane miror, cum sequenti capite pag. 100. referat, homines istic in cæteris rebus Idiotas, tam exactam herbarum ac stirpium nancisci scientiam, ut si vel doctissimus Pavius nostri ævi Botanicorum princeps è mortuis resurgens huc veniret, miraretur se ab his hominibus barbaris doceri posse, quod spreta illorum informatione adeò perfunctoricè ac fecit descripserit nobis Europæis Theé, cæteris seu Historiographis cum id vitio non dari, ipsi verò committanti in Indicas plantas possit. Gratia tamen illi agenda, quod ex parte delineet ac pingvi Minerva depingat Theé, quod pro herba aut ~~non~~ habere occiperem propemodum, quippe illius folia cum bellidis perpuisillæ herbæ comparat, *parvis in ambitu incisuris* quas Tulpus etiam ei tribuit. Observatu dignum Tulpium, Trigautium ac Bontium aliosque authores ad unum omnes unanimiter in eo convenire, quod decoctum Theé subamarum aut non ingrati amari saporis sit. Subsidium ergo mihi submittatur: causa quam ago postulat. quò mihi venit *Reverendus Pater Alexander de Rhodes de la compagnie de Jesus*, in suo tractatulo cui titulus: *Sommaire des divers voyages & Missions Apostoliques Du R. P. Alexandre de Rhodes de la compagnie de Jesus à la Chine & autres Royaumes de l' Orient, avec son retour de la Chine, à Rome; De puis l' année 1618. jusques à l' Année 1653. à Paris, Chez Floren*

Florentin Lambert, rue saint Jaques devant S. Yver à l' image saint Paul M. DCLIII. Privilege du Roy, loco pag. 25. qucm locum ut Philobotani ac Medicinæ Candidati nondum Gallicè aut Italicè docti, accurate intelligerent, S. R. M. Daniæ ac Norvvagiæ Regis ac Dni. Dni. mei clementissimi Secretarius ab epistolis Latinis Monsieur Thierri Günther Friederici F. Gallicam adeo accurate callens lingvam, ut vernacula illi videri qveat, ita in Latinum transtulit; sunt ergo tam periti Gallicæ lingvæ interpretis hæc ipsissima verba: Ex rebus hujus regionis raritate nobilibus est Tay, cujus usum universo Orienti communem, etiam Europæ innotescere videmus, estqve sane inter res maxime salubres quas ego quidem in hac regione conspexerim, merito numeranda, & haud scio an ex præcipuis causis firmæ qua hic populus utitur valetudinis, ultimagq; ad quam ut plurimum pervenit senectutis. Folium id est magnitudine folia nostræ malipunica æquans arbuscularum myrto simillarum. Nec in universo orbe præterquam in duabus Chinæ provinciis, Nanqvin videlicet & Chim, Cheau, reperitur, quarum incolæ horum foliorum mæstibus perinde ac nostri (intellige Europæos) vindemiis suis occupantur. collectam siccant in furnis, asservantqve in vasis diligenter obturatis. Frequens ejus in universa China, Japonia, Tunqvino, aliisque Regnis usus est, tantusq; proventus, ut exiguo pretio veneat; qvapropter & sæpius in die, vel ut verius dicam singulis horis eâ utuntur in hunc modum: folia in ferventem aquam conjiciunt, quam eo ipso tempore ab igne retrahunt, mox in imum defidentibus foliis, quod intra horæ quadrantem fieri consuevit, hauriunt hanc aquam, quam possunt calidissimam, ejusque tres experiuntur admirandas virtutes, quarum prima est, quod caput levet, reprimatq; vapores; Ego quando hemicrania vel alio quodam capitis malo infestarer, potu hujus aquæ ita omni dolore liberabar, ac si detractum manu morbum mihi aliquis ademisset; Cogebam sæpius audiendis confessionibus nocte integram vigilare, utebar eodem remedio, quo adhibito non modo per totam noctem somno non premebar, sed & die sequenti, perinde ac si omnino non vigilassem, nihil sentiebam molestiæ, volui aliquando hujus rei per sex noctes continuas experimentum facere, sed ut verum fatear, lassum oppido me factum sensi. Secunda hujus aquæ aut decocti virtus

C *virtus est, ventriculum corroborare; Tertia renes calculo & arenulis expurgare &c. Haftenus Alexander de Rhodes. Subsidio etiam mihi venit Bernhardus Varenius Med. D. in descriptione Regni Japoniae cap. 23. p. 161. his suis ipsius verbis; ubi inquit; inprimis verò ipsi (Japonenses) non minus ac Chineses delectantur haustibus aquae penè ferventis, inperso pulvere Tsiæ. Herba est Tsiæ non tantum ipsa viridis coloris, sed quemlibet etiam liquorem eò imbuens colore, in certis; non omnibus crescit regionibus, ejus quadam præstantiora folia magno censentur pretio. Divites hæc in urceis duarum Hollandicarum mensurarum vel quatuor asservant, in singulis nimirum unum vel alterum optimæ speciei parvum vasciculum injiciunt, & deinde accurate orificium claudunt ad aëris ingressum prohibendum. Teruntur illa folia in pulverem &c. & paucis intermissis saluberrimum hoc potionis genus, & gustu sive esse dicitur, imprimis pro delendis crapula præcedentis diei molestiis & omnibus pituitosis affectibus, & vulgus proverbio dicere solet de divitibus: Ille ne sanus non sit? bibit de optima Tsiæ &c. Paulo superius clarissimi Olearii quidem memini ac retuli ex eo, ipsum amandare lectorem suum, cognitionis herbæ Theæ avidum ad alios auctores; verum quæ ipse de Theæ in Persico itinéraire commentatus est, his illius verbis loco citato pag. 599. accipite. Es ist oben / (nemblich im 6. Capittel pag. 558.) dieses Buchs gedacht worden / daß zu Isphahan am Maydan unter anderen Krügen auch einer sey / welchen sie Tzai, Chattai, Chane heißen / im selbigen / wie auch an andern Orten trincken sie (nemblich die Perser) ein heiß schwarzes Wasser welches gekocht wird auß einem Kraut / so die Osbeckischen Tartaren / von Chattai in Persien bringen. Es hat länglichte spise Blätter / etwa ein Zoll lang und einen halben breit / siehet wann es gedürret schwarzlich / rollet und krummet sich als Wärme zusammen / es ist aber eben das / was die Sineser Thee / die Japaner und Indianer Chia und Cha nennen / dann bey diesen Nationen diß Kraut in hohen Werth gehalten wird / die Perser kochen es mit klarem Wasser / Anis oder Fenchel / etliche thun auch wenig Nigellen darzu / und versüßens es mit Zucker / hat eine constringierende oder zusammenziehende Art. Es wird diesem Wasser von den Persern / Chinesern / Japonern und Indianern eine fürtreffliche Krafft und Wirkung zugeschrieben: Es soll dem Magen / Lunge und Leber / dem Geblüte / ja allen visceribus des Menschen heylsam seyn / selbige reinigen / stärken und den Stein vertreiben / das Hauptwehe vnd alle übrige Feuchtigkeiten / wordurch der Mensch trüg und schläffrig wird benehmen. Einer der diß Was-*

ser fleißig gebraucht/ soll etliche Nacht munter und wachsam ohne beschwe-
 rung des Schlaffs sitzen/ und Kopff/ Arbeit mit lust verrichten können. Wen
 es mäßig genossen wird/ soll es den Menschen nicht allein allezeit bey guter Gesund-
 heit erhalten/ sondern auch zu einen hohen Alter bringen. Es ist dieses Kraut Thee
 nunmehr auch in Holland wohlbekandt/ und bringen es die Ost. Indien. Jah-
 rers mit herauß/ man kan es zu Amsterdam habhaft werden / wiewol noch nicht in
 grosser Menge / weilen wie ich bin berichtet worden / die Frangosen es sehr an sich
 kaufen. Haëtenus Clarissimus Olearius. Quicum Uzbeckorum Tar-

tarorum meminit, liceat mihi qvædam ab instituto meo non aliena, ex
 Johann. de Laët description. Persiæ Cap. 1. p. 115. petita, hic intercalare, pro-
 gressuro actutum ad alia, ut sermoni de Thee finis aut modus sit; cujus
 hæc sunt; Uzbeek, (inquit Teixera) *amplissima provincia qua licet superi-*
oribus seculis Persiæ fuerit subjecta, hodie non tantum ab ea separata est, sed
& Persis bellum infert, & nonnullam partem Persiæ decerpit. Sed juvat

qvoque nonnulla accersere ex popularis mei *Nobilissimi Viri Johannis Al-*
berti von Mandelslo Megapolitani itinerario Indiæ Orientalis, cujus immat-
 uram mortem tanto fero familiarius, quanto illius Parens *Vir Nobilissi-*
mus Dominus Ernestus à Mandelslo cum meo Parente *Henrico Paulli* olim
 vixit conjunctus, atqve adeo prærepta nobis occasio sit, ut ob viven-
 tem post funera virtutem, parentum utrinque suscitare pectoribus in no-
 stris consveti parentū amoris igniculi non potuerint. Sed ad rem. Is verò
 postquam summam humanitatem & benevolentiam imparem Præfecti
 Britannorum, qua ipsum Surata in Indiâ advenam excepit & complexus
 est, memoraasset, de herba Thee libri citati Cap. XI. p. 42. memoratu digna
 hæc memoriæ consecravit.

Sonst gebräuchten wir bey vnseren täglichen Zu-
 sammenkunft des Abends viel von dem schwarzen Wasser / so auß dem Kraut
 Thee gekocht wird/ dieses Thee Wasser trincken ist in Indien gar gemein/ und wird
 nicht allein von den Indianern / sondern auch von den Engelländern und Hollän-
 dern sehr belibet und genüget/ soll allen faulen Schleim aufführen/ den Magen wär-
 men/ und die Däwing befördern/ wir truncken dasselbe täglich dremahl/ nemb-
 lich des Morgens frühe/ nach der Mittags Mahlzeit/ und auff den Abend/
 die Perser trincken auch ein schwarz Wasser Cahvve genandt/ ist diesem an der Far-
 be gleich/ müssen beyde gar heß getruncken werden/ haben aber wiederwertige Wir-
 kungen/ dann das Kahvve soll sehr kühlen/ und daher die Natur anfruchtbar
 machen/ deswegen es auch die galen Perser gerne gebrauchten; dieses Thee aber

C soll den Magen / und die innerlichen Glieder mäßig wärmen und stärken: Und halte ich gänzlich dafür / daß vom Gebrauch dieses Thee, weil es eine zusammenziehende Krafft hat / meine Leibesbeschwerung sich änderte / und der Bauchschluß ansschörete. *Hactenus Nobilissimus Dominus Johannes Albertus à Mandeslo.* Opportunè hic loci recordor Dn. TVLP IV M ex relatione eorum qui cum summo imperio Indiæ Orientalis provinciis præfuerunt, ea posteritati tradidisse, quæ cum ipso de herba Thee communicarunt; Quem merito in præsens imitor, in fidem & testimonium ea quoque producens, quæ *Nostras & Patria Danus Wilhelm Leil* / per literas hoc officium à me rogatus post suum ex India orientali reditum hic Hafniæ mecum communicavit, cujus hæc sunt: **Weitern Bericht von dem Kraut Cha oder Thee;** Wilhelm Leil / gewesener Gubernator und Commandant in Ost-India / wegen Ihre Königl. Majest. zu Dännemarck / Norwegen etc. auff dero Festung Danisburg / und was daran dependiret, und sonst in vielen Jahren höchstgedachter Königl. Majestät Diensten in gedachten Ost-India in vielen Deyhern / so wol in Terra firma als in den Inseln / (aber nicht in China, weil keine fremde Nation da kommen möchte) frequentieret, berichtet wie er von den Chinesern auff der Insul Java major, item Macascar, in Celebes, und andern Deyhern informiret / das gedachte Cha oder Thee in China un Cathaya wachse; das beste aber auß Cathaya komme / welches Land den Tartarn gehört / und wird selbiges Kraut genandt in der Chinesischer / Japonischer / Tartarischer / Persischer / Arabischer / Türckischer und Hindustanischer Sprache / und allen den Ländern Chà, wornebenst zu wissen / daß das Ch-eben also wie es von den Spaniern und Engländern pronuncieret; in der Persischen / Arabischen und Türckischen aber es mit ihren Buchstaben also **چ** geschrieben werde. Aber von etlichen Chinesern die an das Meer gelegen / wird es genandt Thè. Es wird jährlich unglaubliches Geld an selbiges Kraut in obgedachten Ländern consumieret, dessen Krafft und Wirkung ist: Daß es den Magen conservire, un mache gute digestion, erwärme die Glieder, trucknet alle böse Feuchtigkeiten / reibe dieselbe auch durch die Urin / und sonst forthin weg / hindert und benimmt den calculum, vertreibt den Stein und graveel, und alle Podagrische Flüsse / also daß ich selbst in so vielen Jahren ich allda gewohnet / durch dessen Gebrauch nechst Göttlichen Segen / keine Plage von den podagrischen humören gehabt / wormit ich ißiger Zeit / und so bald ich wider in Europam gekommen / nicht wenig belästiget werde. Und wissen die Chineser in China, daß auch notabel von keinem calculo zu sagen: Summa das The erhält den Leib frisch und gesund: Und wann jemand trunken ist / macht es bald hernach wieder nüchtern; Item wosern man begehret in
der

der Nacht oder sonst wachend zu seyn / so gebrauchte man seiner. Es erhält also dann einen lange weile wachend; oder vigilant und lustig zu seiner Berrichtung. Man gebrauchet aber nur das Wasser davon / und zwar so warm getruncken / als möglich ist / jedesmahl einen Pögel bis anderthalb weniger oder mehr / nach deme einen jeden gelüster; des Morgens nüchtern mit ein wenig eingemachter confectur von Ingår, oder sonsten des Mittags nach der Mahlzeit / auch wol zwischen der Mahlzeit / Item des Abends nach der Mahlzeit / oder sonst wie es einem gellebet / weil es keinen Schaden thut / ob man es schon viel gebrauchet / dessen decoctum muß also geschehen: In einem Topff genommen einen halben Port gut Wasser / dasselbe gekocht / und alsdann einen Löffel voll von selbigen Kraut darinn gerhan / den Topff wol zugedecket / und lassen dasselbe eine viertel Stunde stehen / und immitteilst etliche mahl umbgeschüttelt; hernach das Wasser allein getruncken / und wer es wegen des bitteren Geschmacks so nicht trincken kan / der thue darben Zuckercandis / wann er es auß dem Becher trincken will; aber es wirket besser außserhalb des Zuckers / und also kan selbiges Kraut zweymahl im Wasser erwärmet / und mit Nüssen gebräucher werden / gibt aber nicht mehr Kräfte / als zu zweymahlen von sich. Aber die Vornehmsten in China wie auch insonderheit die Japoni haben ihre besonderliche Kesseln darzu / kochend das Wasser absonderlich / und werffen das Kraut absonderlich in ander Geschirr / begießen darinn selbiges Kraut mit dem heißen Wasser / decken es wohl zu / und lassen es also ein viertel Stunde stehen / immitteilst schütteln sie es bisweilen umb / darnach trincken sie es / und gebrauchens täglich.

W. Leyl.

Jam porro mihi subsidij nihil reliqui est, quo indagare aut assequi valeam quid sit Thee aut T'chia Chinensum: quippe qui instar Herculis Xenophontij in Bivio constituti, dubius sum alterutrum defendam; herbane seu *πῶα*, an *Θαμνίσκος* seu pusillus sit frutex Thee, sed prius inquirendum an, ut paulo ante innui, in Asia sola (non profiteor Geographica nomine Asia omnes regiones seu continentem, insulas, peninsulas Orientis, Tartariae partem complectens, aut eas regiones, quarum in prioribus facta est mentio) an etiam in Europa eadem germinet; aut si non: Quænam Europæarum plantarum deinceps succidaneum (ut pharmacopæi loquuntur) esse possit modo dictæ sive herbæ sive suffruticis Thee. Excutio ergo priorum authorum de Thee commentaria, quo seu punctis seu

- C seu suffragiis illorum collectis, per majora ut Jāti loqvuntur, concludatur; herba sit aut suffrutex Theé. Obtestor autem hic Medicinæ Candidatos, ut non partium studiis occupatis, sed omnino desœcatis animis, nec nisi perlecto *Hipp. libro de aëre, aquis & locis* ad mea hæc legenda animum appellant, qvo gnari sint, quantum omnia hæc inter se conveniant, aut discrepent, ac eadem plus minusve in hac vel alia Regione valeant, aut varient, quæ compendificasse *Celeberrimus Hoffmannus lib. 2. de medicament. officinalib. cap. 15. p. 469. §. 10.* de myrto verba faciens, his verbis videri poterit, cujus hæc sunt: *non negligendus est locus natalis plantæ, ob quem vel lattor vel strigosior est, & consequenter facultates non sunt eadem*; qvòd ego in Quadripartito meo passim, præsertim verò in historia Bëtonicæ ac Gallij sub finem; itemq; exemplo Cardui benedicti, Cochleariæ, Trifolij fibrini, Ari, Cæpæ, Cicutæ, Dracontij, Scillæ veluti ad oculum demonstravi. Verum hæc qvid sibi velint, nec dum capere possunt Medicinæ Candidati; sed scitote ô mei, eo hæc collimare, ut seu defendam ñ Theé esse herbam, vel esse suffruticem, credibile videri non
- D solum Orientalis Indiæ Regiones aut insulas, quarum in prioribus sequutus vestigia laudatorum authorum feci mentionem, ut sunt China, Japonia, Chian, Nanqvin, Cham, Chian ejus esse fertiles, sed qvoqve ex ingeniosa conjectura *R.P. Nicolai Trigautij suspicari nobis licere, fortasse se nostros etiam hac fronde saltus* (nempe Europæos) *minimè Theé carere*, in quam sententiam ideo facilis propendeo, qvòd *Clariss. Olearius* retulerit, *Uzbekenses Tartaros* (qvòs divisum imperium cum Persis habere auctoritate Clarissimi Viri *Johannis de Laet* superius demonstratum est) Theé ex Cattajo in Persiam importare; sed qvoqve *S. R. M. Dania ac Norvragia arcis Regiæ Danisburgicæ in Carmandel Præfectum Dn. VVilhelmum Leyl* Nostratem magna auctoritatis & fidei plenum, in suis literis ad metestari, se in Java majori, Macassar & Celebes ab inqvilinis doctum esse, qvòd qvidem ñ Cha sive Thè in China & Cathajò crescat; ast optimum ex Cathajo Regione Tartaris parente exportari. Notum autem est, Tartariam ob poli elevationem in multis cum Europæis provinciis sub eodem climate sitis convenire, adeo, ut minime absurdum videri debeat, complures arbores, frutices, herbas æqvè latè in his septentri-

oni subjectis Regionibus succrescere, quam in Tartaria, variâ facie, cli-
 vosâ, saltuosâ montanâ, campestri, aprica, irrigua. Sane cum *Tulpus*
 una cum *R. P. Nicolao Trigautio* defendat, videri Thee non longè cogni-
 tum fuisse Chinenfibus, nec admodum diu in usu fuisse, ideo quod ipsis
 avita nomina, quibus hanc plantam designent, sive hieroglyphici illi
 characteres desint, quibus illius Naturam exprimant, utique ex *Olearij*
Itinerario Persico & nostratis VVilhelmi Leyl literis magis magisque con-
 firmor, Cha sive Thee longè uberius in Cathajo, quam ipsa in China
 succrescere, qui docent, Cha Tartaricum esse vocabulum, & teste *W. Leyl*,
 quosdam solum Chinenfium ad littus sitorum occepisse & Cha appella-
 re Tè. Cum itaque Europæi sive Chinam ipsam vel certe adjacentes
 ei insulas longè frequentius frequentent, quam Tartariam, Chinenfès
 verò Cha Tartarorum sua & vernacula lingua Thee appellant, hinc usu
 venire arbitror, ut Tartariæ alias indigenæ, sive herbæ sive suffruticis fo-
 liola, ætate imperfecta & lacera, & quasi dimidiata, rarissimè integra,
 posthabito Tartarico vocabulo, Chinenfibus familiari, Thee nempe Eu-
 ropæis vendantur. Notandum autem quod *Tulpus* referat, Japonensi-
 um T'chiam longè pluris æstimari, quam Chinenfium Thee; venireque
 ipsius unam libram centum argenti libris id est, ut ego interpretor 40
 Joachimicis seu quadraginta unciis argenteis: Trigautium verò asserere,
 longe viliori pretio, nempe libram unam, uno aureo, sæpe duobus aut
 tribus; apud Japonenses præstantissimam decem aut sæpe duodecim au-
 reis venire; Contra *R. P. Alexandrum Rhodium* tradidisse, nuspiam in
 universo orbe, præterquam in duabus Chinæ provinciis Nanquim &
 Chim Cheau reperiri, mox tamen addere ob uberrimum proventum
 exiguo venire pretio. Hæc quidem non cohærent, quæ alij concilia-
 bunt, ac mea nondum refert vili an magno aut quanto pretio Thee ve-
 neat. Ego solum id studui hætenus, ut demonstrarem Cha T'chiam
 aut Thee Tartariæ indigenam esse sive suffruticem sive herbam; Quam
 cum ab Heroicis usque temporibus non notam fuisse Chinenfibus *Tul-
 pius & Trigautius* ostenderint; *Olearius verò & VVilhelm Leyl* testentur
 ex Tartaria in Persiam æquè ac in Chinam importari; in eam devenio
 sententiam, fortè ab irruptione admodum nupera Tartarorum, seu

C quam China 1644. sustinuit, occepisse eam inclarescere, ac ex Orientali India in Europam transportari primulum : aut quia ij authores, quorum mentionem fecit Olearius atque adeo ante hanc irruptionem testenter notum fuisse Theé Chinenfium; Tartari verò non semel devastarint Chinam, defendi tamen posse videtur, usum Theé à Tartaris ptimum esse doctos; ut nos hodie cum à Chinenfibus docemur, nullius ut puto in Tartaria pretij fruticis. Nam si tanto pretio, quanto *Tulpius* refert in China Theé veneat, vel etiam ejus unica libra ipsa in Japonia decem, sæpe etiam duodecim aureis si præstantius sit Theé venire soleat, quæ Amstelrodami vel Hamburgi libra octo Joachimicis venundari possit non video: mercatorum cum proprium sit (in quarto modo) semper lucrum facere teste Mercurio Plautini Amphitruonis. Cum itaque longe lateque Tartariæ Regnum pateat, ac in quibusdam illius provinciis Theé Chinenfium succrescat; verosimile videri arbitror, id etiam in ericetis aut fruticetis aut similibus incultis Europæis locis, ratione cœli solique cum climate Tartariæ congruentibus repertum iri. Jam ergo quæritur: Quid sit ñ Theé herbane an suffrutex? præter illos authores, quos ex Itinerario Persico Olearii introduxi; affirmantes esse herbam; *Bontius, Varenius, Olearius, Johannes Albertus von Mandelslo, denig, VVilhelm Leyl*, quoque herbam id appellant; Ast Rever. Patres Jesuitæ *Trigautius & Alexander Rhodius* fruticem arbusculamve Theé esse pronuntiant. Si ergo majora vota primas obtinent, firmiter concludendum Theé esse herbam. Ast cum *pluris sit oculatus testis unus quam auriti decem*, ut illa ex Truculento Plauti huc accersam, ac modo dicti R. Patres ipsi Indiam orientalem peragrarint, quis non his duobus potius quam cæteris omnibus (pace & sine illorum ingratis illa & præficine dixerim) fidem haberet; cæteri ad unum omnes (quorum authoritati ne quidem tantillum, quantum ramentum plumæ pendet detractum velim) inter Botanicos nomina non profitentes sua, tuto delitescere, veluti sub umbone vocabulorum improprio significato, & omnis erroris absolvi possunt; quæ sæpiculè confundi apud botanographos superius in historia Tabaci demonstratum est. Proin consarcinanda omnia illa utrinque sunt ex relatione priorum authorum petita, quo post habi-

tis Logicorum tricis Academicis, Botanicis, solemnī more, quasi quædam sive definitio, sive descriptio compingatur, & quidem primò Herbæ Thee suffruticis; Nemo mihi quod vitio vortet. Nam cum Geographi de nova Zembla, & Australi terra incognita quædam commententur, quamvis eas regiones ipsi nunquam oculis usurparunt, cur mihi, etiamsi in Asiam nunquam delatus sim, non liceret quoque delineare ex parte Asiaticæ sive herbæ sive suffruticis folia, Thee dicta in Musæo meo, quod prohibeam deinceps, ne ob abusum Thee, quæ magna copia in Europam importari, & in officinis passim venundari occipit, universa iterum Europa orbis Regina, simili pestilenti sidere hoc sæculo ex Oriente affletur, quam Patrum nostrorum memoria ex America sustinuit, atque utinam sustinuisset, sed adhuc sustinet, modoque eam non affligeret: id est ut verbulo me expediam, Corrupta America priscos nostros Europæos mores & diætā, olido Tabaco: Jam Asia suum Thee quidem Chinesibus saluberrimum mittit medicamentum, attamen obtrudit id nobis ignaris, quid sit & Thee. Quod ita ceu herbam mox ceu suffruticem describere ausim; Nempe *Thee est herba foliis oblongis, acuminatis ac in ambitu crenatis, unciam quasi longis (quæ & pollex mechanicis dicitur) latis dimidiam, in China ex nigro viridibus, sapore amaris, in Japonia natis, colore dilutiore ac gratiore sapore; viridi colore quemlibet liquorem imbuentibus, quæ exiccata nigricant, seque vermis in modum conglomerant; radice fibrosa ac in minimas particulas dispersa.* Hui! videris ipsam Beticam his verbis ceu penicillo depingere quis dixerit? sic est, non intercedo, imo Europæis potius persuadendum, hanc usurpare occipiant, ceu innumerarum virtutum notissimam herbam, quam ut pèrgant eis omninò ignotum Thee Chinesium, magnis sumptibus redemptum decoquere; & cum eâ sua bona; cujus moderatus usus, ut mirificè cerebrum ac nervosum genus, insigniter citra insignem calorem reficit & exiccat: Ita immoderatus non potest non esse nobis Europæis non minus noxius quam vini. Thee verò ceu suffrutex ita describi poterit, nempe: *Thee est frutex quidam myrti formis, aut myrto similissimus ex nigro viridibus foliis, magnitudine folia mali punice seu granate æquantibus, sed parvis in ambitu incisuris, in bellidis foliorum ambitu conspicuis similibus,*

C quæ studiose verno tempore collecta in umbra vel etiam furnis exiccata in vas-
 sis aut urceis satis capacibus diligenter obturatis, aut accuratè illorum orifi-
 ciis clausis ad aëris ingressum prohibendum in China servantur. En jam Ti-
 bi fruticis Theé maximis sumptibus in China redempta foliola. Cate-
 rum si mihi idem quis, quod Laberius *Mimus* teste *Macrob. septim. satur-
 nal. c. 3. p. m. 480.* Cicerone ipsum ad confessum non recepturo, hic loci
 objiceret, nempe, me duabus sellis sedere, ac modo ñ Theé in herbarum
 classẽ, modo suffruticum conjicere, is hoc responsum à me auferret,
me non quidem anguste sedere, ut Cic. illi respondebat (nam inter Da-
 niam & Cathajo Tartariæ provinciam satis ampla illi mecum est sessio,
 ut quasi in hemicycliis confidentes sermones ultro citroque super folia
 Theé possim⁹ cõferre) *sed neq, me esse fide lubrica* quod tanto viro ac Con-
 suli Romano *Mimus* ille objiciebat; ac me neque in definitionibus istis
 duabus plusculum quam concedit veritas, indulgisse rationi, ut cuilibet
 replicanti priora, ac utrasque descriptiones concinnatas ex Virorum pro-
 batæ fidei relationibus inter se comparanti manifestissime constabit:

D Nisi mihi idem objiciat. *Bontium* describere herbam haut fruticem;
 aut asseverare Theé esse herbam, atqve adeo me quæ corrigere velãm, ea
 depravare videri, quod olim vitio Epicuro dabatur dogmata Democri-
 ti tractanti; Quæ tamen parcius mihi objicienda meminerit; Qui contra
 ipsi *Bontio* Botanico summo, non mihi imputabit; quod brevi loquen-
 tiam colens obscurarit historiam Theé, folia illius ex parte crenata ad
 bellidis herbusculæ parvis in ambitu incisuris comparans; & cur non
 potius cum fruticis aut suffruticis alicujus foliis comparavit? Atqui hæte-
 nus animj oculis satis superque tecum contemplati sumus Theé, Medi-
 cinæ Candidati inqvient, qui Pyrrhonium aut scepticæ sectæ me addi-
 ctum clamabunt; ceu semper pergentem aliud ex alio cogitare, rem
 considerare, nec unquam discernere: *Quamvis propterea secta hac* (ut in-
 comparabilis *Johannis Vossi* sermonem usurpem) *non in totum damnan-
 da: quando etsi multa certa sunt, longe tamen plura sunt incerta, quæ permi-
 sta veris similitudine veri fallant, in cujusmodi utile est in xiv ac verum ru-
 spari.* Cic. lib. 1. de Natur. Deorum: *Non sumus ij, quibus nihil verum esse
 videatur, sed ij, qui omnibus veris falsa quedam adjuncta esse dicamus, tan-
 ta si-*

ta similitudine, ut in iis nulla insit certa judicandi ac assentiendi nota. vid. Voss. de sectis philosoph. cap. 20. p. 108. Nunc ergo omnibus duabus rationationibus relictis, rem si vobis integrum decernam, Vos Didonis apud Maronem verbis invitans.

Quare agite, ô tectis juvenes succedite nostris,
 ut capeffamus Dodonæum, ac ex eo conferamus descriptionem Betonice herbæ, itemque chamelæagni fruticis, cum utrisque meis, quas dedi, π Thee Chinici descriptionibus Et posthabito partium studio illorum attributa, & præsertim Chamelæagni, π Thee Chinesi accuratè, aut ad ungve[m] examinatæ, convenire arbitror, non curans me hæc defendentem multum quis rideat, jam Dei gratia sexagesimum secundum agitantem annum; cum me admodum adolescentem Epictetus docuerit in suo Enchiridio cap. 29. p. 17. nempe. *Sapientia[m] studium suscipere cupis? statim te para, quasi futurum sit ut deridearis, ut multi te subsannent: ut dicant Te subito philosophum extitisse: ut rogent, unde supercilium istud. Tu autem supercilium ne habito, ea verò quæ optima tibi videbuntur, sic teneto, quasi a Deo sis in ea statione collocatus. Caterum memento te si in eodem statu permanseris, iis tandem admirationi fore, qui te prius deriserunt, sin eis succubueris dupliciter fore deridendum.* Sed Epicteto relicto, revertor ad Dodon. à quo Betonica quoad folia & radices his verbis pemptad. 1. lib. 2. c. 20. p. m. 30. describitur. *Betonica foliis exit oblongis, latis, virentibus, aliquantulum asperis per ambitum serræ modo incisiss quercus cujusdam similibus, sed tamen minoribus &c.* Si autem priorum recordaris, nosti ex Tulpio Folia Thee esse oblonga, acuminata & in ambitu serrata, eadem ex Oleario pollicem quasi esse longa, lata dimidium; iterum ex Tulpio eadem esse in China ex nigro viridia, in Japonia vero colore dilutiore, videntur secundum hanc descriptionem Thee Betonice sit similis. Idem Dodon. stirp. Histor. pemptad. 6. lib. 2. c. 20 p. 780. *Chameleagrum ita depingit. Chameleagnus humilis & exiguus est frutex, cubiti altitudinem raro attingens: ramulos promit nonnullos; foliola circa hos latiuscula, oblonga myrti foliis haud multum dissimilia, sed duriora, & subinde longiora &c.* Totus frutex cum gravitate quadam odoratus est, præsertim særen & ejus oleosa pingvetudo gaudet locis incultis & ericastris, aliquantulum

Cum aquosis & palustribus. Quæ ad florem spectant sciens volensque hic loci prætereo. Nihil enim de floribus seu semine Cha t'en Theé in commentariis eorum authorum quos replicui, historiam Theé ut convenienter pertractarem, relatum comperi; nec etiam si accuratè illustraverim omne Theé quod in arcubis Fleischerianæ officinæ aliquando Hamburgo advectum servabatur, ne quidem foliolum unicum floris, stamen, apicem, vel denique calycem; neque julum, neque semen, alit feminis siliqvas, neque bacculas, aut quicquid his singulis vel omnibus analogon reperi præter unum itemque alterum prælegmen albicantis caricis aut arundinacei graminis, unde inferre licet Chinen sium Theé, æquè ericeta aqvosa & palustria amare loca ac nostratam Chamæleagnum. Jam conferatur hæc Dodonæi Chamæleagni descriptio, (nam cur Theé quoque cum Betonica compararim, inferius patecet cum mea adumbrata fruticis Theé figura; quam R. R. P. P. *Trigantio*, *Alexandro Rhodio*, & clariss. Viro *Bontio* foeneror. Et nonne prior patrum *folia Theé ex frondibus fruticis cujusdam carpta aut lecta* inservire Sinis Japonibusque ac finitimis gentibus ait, ut *celebrem illam potionem, quam Ciar vocant, sibi ex eis decoquant?* Nonne posterior Theé folium esse fatetur arbutularum myrto simillimarum, mali punicæ folia æquans? quæ studiose crenata depingo, licet *Dodoneus* in descriptione Chamæleagni, neque ipsi modo laudati R. R. P. P. Jesuitæ ne vel literula crenarum in fruticis Theé foliis conspicuarum meminerint, quæ *Olearius* circiter *pollicem longa, dimidium lata*. *Etwa etnen Zoll lang und einen halben breit siccata nigricare.* (nigricant quoque chamæleagni folia siccata, & longitudinè pollicem quasi æquant) *Tulpius* ex nigro viridia, oblonga, acuminata, & in ambitu crenata: *Bontius parvis in ambitu incisuris instar bellidum describit*: Cætera quæ ad natale solum pertinent, à *Dodoneo* allata ipsius excute; & conferto cum mea descriptione, ac mecum accuratius perpende, anne probabilia tibi videantur illa, ad quæ superius digitum intendi, nempe in Tartaria quoque nasci chamæleagnum; mihi certe probabilissima (ut ita dicam) ea videntur, ac Cha Tartarorum seu Theé Chinen sium nihil esse aliud, quam nostratam vulgarem Chamæleagnum, seu myrtum Brabanticam Danicè *Þors* in Germania inferiori

Post in Belgio Sagel dictam. Quam cur crenatam depingam, huius rei hanc rationem accipite. Qvod grandiuscula Thee Chinenfis folia ex Oriente ad nos in officinas nostrates allata; cocta, ac utcunqve explicata crenata appareant, ac nostratis Chamæleagni complura folia licet non omnia crenata sint: æqvè ac non omnia Thee folia, sed solum inter ea majora crenata legantur. Interim oggeris *Dodonæum* velle, qvod Chamæleagni folia *myrti haud multum sunt dissimilia*. Myrtum autem veram non esse crenatis foliis. Sic est; & catè me mones, sed horum non immemorem. Tu quoqve recorderis obtestor te, quisquis es, Botanicorum Roscium ac Homerum celebratissimum *Casparum Bauhinum* desiderare quædam in figura chamæleagni latinæ editionis Dodonæi, adeoq; figuram Belgicæ editionis huic præferre; me verò requirere ejusdem studium tam in figura Chamæleagni, quam in illius descriptione, nempe qvod neqve verbulo crenarum, neq; lusus Naturæ (qvod palmarium in hac causa, in Chamæleagni foliis meminerit, neque qvod ea modo & potissimum in apicibus crenata, præsertim si nondum ad statam ætatem ac justam magnitudinem pervenerunt proferat. Sed similis lusus quibusdam plantis non omnibus familiaris est. Exempla desideras Philalethes? En tibi malvam folio variantem Bauhini, in qua ne unicum quidem folium alteri simile in uno eodemqve individuo; sic cannabilla Indica *Bodæi à Stapelen*, sive Eupatorium Canadense foliis Enulæ *Jacobi Cornuti*; sic *Lyfimachia* lutea major minorqve, ac *Pseudolyfimachia* mirè in foliorum formis ac numero eorum ludunt; & quem fugit, ut admirabilis Peruvianæ flos in Nobilissimo Europæo hoc Daniæ Regno, admirando Naturæ artificio plus minusve pingatur aut variet; quam in Americano Peru. Nec tamen quis asseret, specie eam differre ab Americana; quippe solum numero inter se differunt. Et nos, cum vel his in Europæ provinciis ac Regnis oppido ludat in foliis Chamæleagnus; omnia nostratis chamæleagni folia ad ungvem examinata, aut lynceis oculis ad Tartaricum aut Chinense Thee, vel illud contra ad Chamæleagnum comparata, lustraveris, si forsitan tantillum, & solum secundum magis & minus in magnitudine, colore ac crenis varient, illicò non eundem specie suffruticem, cum Asiaticâ Chamæleagno seu Chiâ ut Sinenfi Thee dicemus? Tu urges ac instas; illa non ex meo solius cerebro deprompta hic congeram.

- C** geram, sed ut autoritate Botanographorum, quod ita ludat nostras Chamæleagnus probeam. Probabo id & quidem ex modo laudato *Bauhino*, sed doleo, quod neque in novissima *Tabernamontani* editione, neque in *Ebrodunensi herbario* hujus Chamæleagni ut deceret, habita sit ratio, & exuberantius tibi possem satisfacere. Sed Bauhinus nobis sit instar omnium, qui in Pinace XL. annorum magni ac indefessi studij ac judicij acris opere Lib. XI. sect. IV. p. 415. in Chamæleagno hæc observavit: *Rhus Myrtifolia Belgica* (seu Chamæleagnus) *variat foliis aliquando latioribus, aliquando angustioribus; aliquando foliorum arbuti instar crenatis, ut Rosiochio nomine Rosmarini Septentrionalium, seu myrti nostratis à Doctore Backmeistero accepimus.* Hactenus Bauhin⁹. Hujus Chamæleagni Megapolitanæ surculū anno 1622. in ericetis Rostochiensibus (in *der Rostocker Heyde*) mea ipsius manū verno tempore, aut certe nondum se in florem induentis defractum ramulum, cum in botanotheca mea mihi servē illiusq; foliola seu teneritudinē seu magnitudinē seu colorem, seu crenas spectes, omnimodè Theé Chinenensis foliolis similia sunt, proin Megapolitanæ Chamæleagni unicum tenerum & venum foliolum itemque aliud & æstivum, seu durius & numeris omnibus absolutum ex officina Dni. *Christophori Herfordij* petiitum, quibus par foliorum in China natorum junxi quò candidus Lector veritatem causæ cognosceret, quam fieri potuit accuratissimè æri incidendum curavi, cui⁹ figuram reperies in eadem tabula depictam, quæ Cochlearias Amagrienſes continet, vid. ergo historiam Cochleariæ Nō. VI. Nō. VII. Nō. VIII. Nō. IX. Nō. X. in Quadripartito meo Betanico secundæ editionis. Sed ultimo prodit Argus Philathes practicæ Medicinæ deditus, multis dubiis onustus, inqviens, forsā ita se reshabet, ut ampliter demonstraſti, nempe Theé Chinenſe diſcrepare ideo à noſtrati Theé seu Chamæleagno, aut Myrto Brabantica; quod illius folia primo vere, & quod mirandum in Nanquin & Chim Cheau tanta hominum frequentia aut studio legantur teste *Rev. Patre Alexandro Rhodio*, quanto Europæi in vindemiis suis occupantur, quæ studiosè vel in umbra. vel in furno siccata, ita conglomerantur, potius ut oculos aut gemmas fruticum arborumve exiccatas, quam folium repræsentent. Noſtratis contra Chamæleagni ramulos vel media vel ſera æſtate

stare suspendi in officinis una cum foliolis, vel neglectos jacere ac exicca-
 ri nulla arte, floribus, seminibus, quod maximo observandum opere,
 veluti foetos cum cernas. Sic est, hæc quoque mens mea, & sic animum
 induco meum, nempe quod ob has circumstantias magnum intercedat
 discrimen inter recensita folia. Atque nostri lætis arbitris, lenem circum-
 stantiam variare totum casum, & tamen quis decerneret nullum inter
 Chinenſis Chamæleagni & nostratis Europææ discrimen virium aut qua-
 litatum adverti? Idem Argus porro quærit, an expediat nostris Europæis
 loco Thee Chinenſis nostratē myrtum Brabanticam aut Chamælea-
 gnum commendare. Maximè expedit. Atque ferit caput, inq̃vies, fe-
 rit & caput Betonica, & hilaritatem aut potius agilitatem cerebro &
 membrīs conciliat. Ob quam specificam facultatem tantopere Thee
 Chinenſium expetitur à publicis Personis Reipublicæ causa ablegatis,
 quo suppres sint expediundis negotiis jungentes intempeſtas noctes so-
 lidis diebus; quibus (sed id jocularium, nec indementius id dictum, aut
 ob hoc ringi quenquam eorum velim) *Plato lib. 3. de Republ. p. 433. D. i-*
temque publicis Medicis solis indulget, ut mentiantur, inq̃vies: Revera
Diis inutile est mendacium, hominibus autem pro medicamento est utile, qua-
re publicis Medicis concedendum, privatis autem hominibus minime atting-
endum. Patet. Igitur Rempublicam administrantibus præcipue, si quibus aliis,
menti convenit, vel hostium vel civium causa ad civitatis utilitatem. At-
 que regeris; perhibent Danicum nostrum *Porſ* vel Megapolitanum *Post*
 vel Belgicum *Gagel* seu Chamæleagnum Dodon. cerevisiæ coqvendæ
 remissam, enormes ciere capitis dolores, unde *in*fers, sulphur illud capi-
 ti esse noxium. Heus tu, nonne nostri ex Seneca, *etiam optimarum rerum*
esse quandam intemperantiam & nōne oppido tibi caput dolet abusu vini
 Rubildæi, vel in quod pimpinellam sanguis orbam maceraveris, quæ o-
 mnia nolo hic repetere altius. vid. illorum historias loco proprio in
 meo Quadripartito Botanico secundæ editionis. Sic si minimum Cha-
 mæleagni cerevisiæ coqvendæ remisueris semine gravidatæ, illa te de-
 mentabit, si tantillum condimenti instar reficiet non minus dubio pro-
 cul tibi hic in Europa spiritus, quam si in Asia degeres ubi Thee audit; hic
 Hafniæ sinapi vocatur *Senney* in Belgio *Mustard*: est tamen sinapi & ma-
 net sinapi seu eadem specie herba Inauditum sed insigne paradoxo dixe-

Cris. Scio. Tu verò pergito callidissimam Chinenfium nationem in omnibus imitari, nec tu minus hic in Europa observes velim, commodum Chamæleagnifoliorum colligendi tempus, quam in Asia Chinenfes (noſti autem ex prioribus id verum eſſe) & accurate ea in umbra aut furno ſicca, reconde in vaſcula capacia probè operculanda; poſt dein conſidera, quæ ex *Hipp. libr. de aëre, aqua & locis* ſuperius citato doctus es, utiqve ingentem quidem inter Aſiam & Europam cœli differentiam intercedere, diſſiteri mecum non poteris, aſt me quoqve probaſſe ex cœli poſitu Tartariam ac Daniæ Regnum & vicina loca non multum declinare à Tartarorum climate, qui promi condi eſſe videntur ſui Tha quod in China itemqve Perſia Theé audit. Hæc ſi contuleris inter ſe invicem, ſtudio porrò non requires meum ſcio, acherbam mihi ſive preſſo ſive contorto pollice porriges. Concedo itaqve: porrò Argus noſter argutabitur, Chamæleagnum myrtumve noſtratam ſylveſtrem, ſeu noſtrate *Porſi* / ſeu Saxonicum *Poſt* ipſiſſimum eſſe Tha Tartarorum, & The Chinenſium Perſarumqve: Attamen per ipſum tuum Hippocratem per bonam conſequentiam convinceris inquit Argus Philalethes nunquam tam præſtantem Chamæleagnum ſive hic in Dania ſive Germania aut univerſa Europa repertum aut obſervatum iri, quam ſive in Tartaria ſive China: quod forſan de China conceſſero, de Tartaria non item, obrationes antea allatas & cœli clima; in qua dubio procul exiguo imo vel omnino nullo venit pretio, Tartaris Botanophagis ut ex

Deruditiffimo *Joh. Antonij Magini commentario novarum Geographicarum Tabularum Venetiis Anno 1596. edito p. m. 231.* conſtat, cujus hæc ſunt: *Vitæ immundiſſimi ſunt ac ſordidi (Tartari) mappis enim non utuntur, non mantilibus niſi per pauci: bibunt aquam lac ac cereviſiam ex milio coctam. Vinum apud eos ut plurimum non naſcitur: advectum ſicut cæteri homines avidiſſimè bibunt uſq; ad ebrietatem, quæ apud eos eſt gloriq. Laudant acetofum lac, quia ſtomachum eorum confortat, & medicina purgativa vim habet. Herbis variis maxime autem iis quæ juxta Tanaim creſcunt, ſuaviter veſcuntur, & inter cæteras magnificiunt herbam illam quam vocant BAL-TRACAN, quæ maxime eos nutrit, vigoremq; eis præſtat: cum igitur hæc herba fructum producit (Anonymus in Dod. Author. part. 2. lib. 20. cap. 12.*

p. 495. de radice id affirmat non de fructu) libenter Tartari sua desertis & solitudines permeant, in quibus nihil pro victu invenitur. Nam si alium vi-
 etum non habent, hac sola herba ipsis sufficit, quam frequenter inveniunt ac
 super currus & equos eam deferunt. Sed pascantur herbis Tartari, non
 curo, suis: ego nostratē myrtum seu Chamæleagnum ut cæpi, contem-
 plabor accuratius. Constat aut palam est in Islandia nostrati, cœlō ri-
 gidiſſimō, præstantiſſimam totius Europæ Angelicam crescere; itemq;
 Norrvagiæ nobiliſſimum Regnum, Islandico cœlo quidem mitius, aſt
 hyeme valde inclemens, tamen, unde

non dulces educat vvas

Gentianam optimam proferre quidem tanta abundantia, ut quotannis
 Rhopolæ ex Germania & Belgio advenæ, illius (una cum aliis medi-
 cinalibus herbis, pyrolis, & similibus) ingentem copiam ex Norrvagiæ
 exportent: Et nostratē myrtum Danicam, aut Chamæleagnum nulli-
 us usus aut pretii dicemus? viribus præstantiſſimis, ut mox innotescet.
 Sed Chinenſium Thee aut Chamæleagnus, inquit, Argus inclaruit, aut
 potius Tartarorum Cattay Regionis (de qua ſcio diſceptare inter ſe Ge-
 ographos, quorum ego litem meam non faciam, qui de herbis in eâ na-
 ſcentibus, non de finibus his ſermonem hic inſtituo) aſt Europæa Cha-
 mæleagnus nondum. Conſequentiam nullam video, quæ ita argumen-
 teris; & quod illa prior inlaſcere cœpit, quid hoc ad temperiem aut
 qualitatē illius attinet? Sic noſtras Islandica Angelica, ſic Gentiana
 Norrvagica clarent, quibus ſimiles ac bonitate noſtratibus minime ce-
 dentes ipſa Tartaria, aliæque regiones, quibus nobiſcum idem clima, du-
 bio procul proferent, modo periclitari illarum vires incolis earum eſſet
 integrum. Si verò hic loci, ubi maximè ſeria tracto, Socraticum in mo-
 rem, joci mihi licitum, dico Thee Chinenſium idem accidere, quod
 in proverbium apud nos Danos abiit (*det er kommen for Orde ſom Konge
 hanſter*) non quod Koagienſes Chirotecæ præſtent Britannicis aut Ita-
 licis ambram, moſchum, ſtaſten, caſiam redolentibus, ſed ideo clarent,
 quia prius inclaruerunt, antequam ex Heſperia, Britannia & Italia ſvaviſ-
 ſima ſvaveolentiâ & tenerrimâ alutâ ad nos perlata ſunt Chirothecæ.
 Tantum valet, ubi inſedit ac inveteravit in pectoribus aut venis aut me-

Cullis præconcepta opinio ! vix ut furcâ expelli possit. Mera ergo est opinio, nostratem Chamæleagnum seu myrtum Danicam aut Cimbri-
câ præstantia ac viribus cedere Tartariæ Tha vel Cha, Chinenſibus Theé dictæ: aut eam omnino esse negligendam neu in officinas introducendâ:
Aut nisi ipsa est ipsissimum Theé Chiniticum, ideo, quia hætenus à nemine mortalium (licet alias lupuli loco quibusdam Europæis inserviat) unquam eum in modum decocta est, quomodo Theé suum decoquunt Chinenſes aut quia obscuri ac ignobilis huc usque fuit usus, deinceps neque eam Chiniticum in modum coqui, vel surrogari Theé Chinenſium vel posse vel debere. Ego non diffiteor, me descendere in hanc sententiam (à quâ tamen perlubenter rationibus melioribus me dimoveri patiar) commodissime myrtum nostratem, seu nostrum **Porſi**, aut Megapolitanum **Post**, Chinenſi Theé surrogari posse. Sic Scordium Creticum omnium quidem præstantissimum creditur, Creta quod profert. Ast diu Germania ac Dania desierunt id ex Creta usque aut Venetiis petere, postquam iis verum Scordium innotuit, cujus tanta in Lalandia nostra copia & abundantia, ut ejus veluti uberrimam messem instituire possis, nec minor quoque AriAsiatico æquivalens copia in ea reperitur, ita ut Asiaticum meritissimò præ nostrati spernamus. Sic ubi explorata & probata absynthii nostratis vulgaris & rustici vires aut qualitates sunt, ac certum sit id illi non cedere, quod in Ponto Asiæ ad mare Euxinum nascitur, neque quod Romæ unde Romanum dicitur, unquam amplius id vel Roma vel ex Ponto petimus. Sufficiunt montes (dexterrime de his judicans, Incomparabilis Hoffmannus. inquit *lib. 2. de med. offic. p. 101. §. 5to.*) *Europæi qua maxime perflaziles sunt. Nobis quidem præbent agri nostri. Ponticum autem seu Romanum hortus Medicus* Ast Theé vel Chiniticam Chamæleagnum Europæi ex Asia petunt tamen, præ foribus illis quæ crescit in Europa ! *Sapere quidem est*, teste Comico, *non quod ante pedes modo est videre, sed etiam illa quæ futura sunt prospicere*; ast desipere est, domi suæ esse divitem, & foris stipem colligere; aut despicere patria, prospicere exotica. Abundamus Chamæleagno Europæa & Chiniticam seu Theé à Chinenſibus emendicamus, & magno pretio redimimus virib⁹ propemodum cassum, uti infra demon-

strabitur. Verum quantopere tu commendes Chamæleagnum, velis-
 que id ipsissimum esse Cha Tartarorum vel Theé Chinenſium, me ta-
 men inquit Argus Philalethes in partes tuas non trahes: nisi tuam Da-
 nicam vel Germanicam Chamæleagnum, aut myrtum aut potius illius
 folia decoxeris, coxerisque Theé, colaveris, ſapueris an inter ſe conveni-
 ant. Hic me argute, mi Arge, obtundere velle videris, tametsi intelligas
 quid velim; quaſi non conſtaret ex prioribus, me velle prius ſtato tem-
 pore myrtum noſtratam ſeu Chamæleagnum & colligendam, & ſecun-
 dum omnes circumſtantias, & ex præſcripto Chinenſium exactiſſimè e-
 andem hic in Europa eſſe tractandam. Quæ dudum periclitatus fuiſſem,
 niſi menſibus hybernis hæc commentarer: Condonabis ergo mihi & ſe-
 xagenario majori ob vitæ ſummam brevem, ſi potius hoc loco conſili-
 umdem, quam ut perfunctorie ac feſtinanter, ceu canis è Nilo bibere fer-
 tur, pertentem omnia; & quam multa dubia obtruderet propterea Phi-
 lalethes. Diſſindendus dies eſt, ubi non liquet Jurisperiti ajunt, & ego
 aliquantisper ſolum hæc differri poſtulo: ipſus Horatius cum velit, quæ
 quisquam ſcripſerit nonum uſque in annum eſſe premenda: hic cum
 periculum in mora ſit, quippe cum agatur cauſa toti Europæ lucroſa; ne
 Aſia deinceps pecuniâ nos emungere pergat. Rogo itaque, i-
 mo obteſtor omnes quotquot in Europa degunt ſive Medicos præcticos
 ſive Pharmacopæos, non philargyros, ſolicitius, ſi Deo per miſericordi-
 am ſuam placuerit, mihi deſloccato jam ſeni, vitam prorogare ulterius
 meam, explorare data in rem eam oportunitate mecum ſtudeant, vera
 aut vero ſolum ſimilia poſteritati tradiderim. Norunt enim ex priori-
 bus Ciceronem decreviſſe, omnibus veris falſa quædam adjuncta eſſe;
 Atque Philalethes inſtabit, ac multa quidem movere, ſed parum pro-
 movere me dicet, meque monſtrare ſolum aliis viam ceu Hermæ ſolent,
 quam ipſi nunquam ingrediuntur. Sic eſt: verum in præſens Te ſalve-
 re valereque jubeo Arge, qui poſt dein non indignabor, ſi perges
 ut cœpiſti ſuper herba Theé verba publicitus mecum commutare: mihi
 in præſens cum Medicis præcticis in arenam cum deſcendendum ſit. In-
 ſtabunt ergo illi, ac me ſummæ temeritatis poſtulabunt, quod Theé Chi-
 nitico noſtratam ſive Danicam ſive Germanicam ſylveſtrem ſeu Cha-

Chamæleagnum substitutam, quæ ut caput tentet vël vulgo notum est. Sed pace illorum mihi porro liceat vagari latius, qui non puto hoc in passu me errare, humanum quod est, quod neque à me alienum in aliis puto. Notum autem ex prioribus est, Reverendos Patres Jesuitarum testari folia esse fruticis myrti habitu; quæ altius repetenda sunt. Atque nonne nostrati Danicæ ac Germanicæ Chamæleagno folia perfectæ aut maturæ æstatis seu æstivæ; nisi quod crenata sint in apicibus, myrto usque adeo sunt similia, quam ovum ovo? Quæ effectum si consideras, quoque myrti foliis similem edunt. Committenda ergo hic Theé Chinense; myrtus vera & sylvestris seu Chamæleagnus sunt; ut instituta inter Theé Chinense & Myrtum veram ac Chamæleagnum seu nostratam myrtum sylvestrem comparatione, de horum trium fruticum foliorum sive viribus sive facultatibus nobis constet accuratissimè. Vires autem ac facultates Theé sunt testibus prioribus Authoribus & quidem Tulpio, *Corpora reddere vegeta, atq; arcere calculi dolores, quibus nemo Chinensium obnoxius est; tollere dolorem capitis, gravedinem, lippitudinem, destillationem, spiritus difficultatem, ventriculi imbecillitatem, intestinorum tormina, lassitudinem ac somnum evidenter comescere; calfacere modicè & adstringendo ventriculi osculum, refranare, coërcereq; vaporum in caput adscensum; cujus potionem calidam Trigautius revera ad multa salutare esse putat.* Quæ ut non nego, ita ut ipsi Chineses credunt & perhibent, nihil esse foliis Theé ad vitam in extremam senectutem prorogandam conducibilius aut salubrius, λόγος sunt, & ad hyperbolen Rhetoricam pertinens locutio est; cui similis illa, quando ipse Cicero in L. Calpurn. Pisonem p. m. 753. de reditu suo glorioso ita disserit; *mihi ipsa Roma prope sedibus convulsa ad contemplandum conservatorem suum procedere visa est; quem ita accepit, ut etiam mœnia ipsa viderentur ac tecta urbis ac templa lætari;* Cum hæc Chinensium felicitas aut μακροβιότης unice sit accepta ferenda, ut causis secundis, Chinensium cœli clementiæ, & longe tenuiori eorum victus rationi, propemodum ad Pythagoræorum accedenti (non loquor de Tartaris humana facie beluis) quæ apud nos Europæos longe plenior, ac proin morborum quoque feracior. Unde mecastor, incomparabilis noster BARTHOLINVS amicorum summus, affinium honoratissimus, salu-

berri-

berrimum quoque omnibus nobis in Europa degentibus consilium sufficere in consilio suo Medico de Cometa præclaræ eruditionis sive ingenii sui singularis lusu, videtur, tenuem cum commendet diætā, plenam cum dissuadeat; Cujus hæc sunt. l. c. pag. 145. *Carnium esus parcior imperandus, inde enim putredines ingentes, & multorum malorum origo. Neq; enim ex masophagis, dicebat Diogenes apud Porphyrium de Abstin. l. 1. fures & milites, sed ex $\alpha\pi\omega\alpha\pi\iota\varsigma$ sycophantæ. Hinc quadragesimale jejunium imperatur in concil. Laodicen. Canon. 50. cum $\xi\pi\omega\alpha\pi\alpha$ seu pane, sale & aqua, ut ex Epiphania explicat Christoph. Justellus. Parum igitur carnis, plusculum juris expedit.* Hinc tenuis nempe diætā, Asiaticos ad grandævam senectam provehit; nostra hæc seu plena nos Europæos gradu quasi dejecit, contententes ad illam captandam. Tantum coelum & diætā ad vitam prorogandā, & potius vitam aut valetudines conservandas valent; non solum Thee vel etiam Chocolata; quorum prius ex Orientali, posterius ex Occidentali India allatum, inclarescere occipit, de quo Antonij Colmeri de Ledesma opusculum ex Hispanico in Latinum translatus Marco Aurelio Severino interprete legi potest; Meum est pergere hic loci in historia Thee: Quod verò illud sit admirandarum virtutum (ut R. P. Alexander Rhodius docet) quodq; caput levet reprimatq; vapores, usque adeo ut specificum in hemicrania videri possit, ceu qui ipsius cum eā vel alio quodam capitis malo infestatus esset, à potu hujus aquæ ita omni dolore liberatus sit, ac si detractum manu morbum ipsi aliquis ademisset; Quodque somnum inhibeat, quodq; ventriculum corroboret, quodq; renes calculo & arenulis expurget; Quodq; (ut Bernhardus Varenius loquitur) inprimis pro delendis crapula præcedentis diei molestiis & omnibus pituitosis affectibus sit saluberrimum; Quodque (ut Olearius affirmat) constringendi & adstringendi facultate sit præditum; quodq; ventriculo, pulmoni, hepati, sanguini imo omnibus visceribus humanis sit saluberrimum; eaque extergeat, corroboret, calculum pellat; quodque dolores capitis omnesque exuberantes humiditates, quæ causantur homini pigritiem, & somnolentiam auferat: quodque popularis meus à Mandelslo referat; quod Thee datam, (liceat mihi ita loqui ipsius hic loci interpreti) illam aquam non solum Indiani, sed quoque Belgæ plurimi faciant, & frequenter

Cquenter usurpent, ceu educentem omnem pituitam, corroborantem ventriculum, & omnia viscera calfacientem ac corroborantem; Qvoddqve ipsus sibi omninò persvadeat, qvòd ab usu Theé, cujus aquam cotidie tribus vicibus sorbuerit Surattæ, qvia constringendi facultate sit præditum Theé, corporis sui molestia ac Diarrhæ accessarit; Qvoddqve nostras *Vilhelmus à Leyl* testetur, qvòd ventriculum corroboret, ac concoctionem illius adjuvet, calfaciat membra, exciet omnes excrementitios humores, expellat eos per urinam vel aliam viam; qvoddqve præcaveat, ne quis calculo neu podagrâ infestetur, ut in se ipso præside Castri Danisburgici in provincia Carmandel Indiæ Orientalis comperit; qvoddqve redux in Europam podagrâ tortus sit; qvoddqve ebrietatem abigat; qvoddqve agiles ad tolerandos labores efficiat, somnumqve inhibeat, horum omnium nihil in dubium vocabo: Ast si iisdem viribus, imò insuper aliis egregiis, Myrtum esse præditam comprobavero, Theé cum videri myrti species qveat; imo sit: nonne cum myrtus nostras Danica & Germanica Chamæleagnos aliàs dicta, ut ex prioribus constat, naturaliter quidem ludens in foliis; simillima facie sit Theé, imo eam ipsissimum esse Theé arbitrer, deinceps concludere licet, congruere etiam inter se Theé Myrti ac Chamæleagni vires? Qvòd mihi probandum incumbit in hoc meo *παρρησιῶ* Botanico. Dum ergo excutio Hipp. ac illius autoritate indago, quantum valeat in medendis ac expellendis morbis, myrtus; docet ille *de superfectione sect. 3. pag. m. 46. v. 40.* Ubi uteri osculum connivet (miror interim, cur rerum Chinenfium Scriptores verbulo non meminerint an vel non Theé utriqve sexui proffit) dehisccere illum à suffitu, ad quem adhibet inter alia *myrti folia viridia contusa*; cur viridia, non arida? illa sale & sulphure maxime volatilibus abundant, hæc minus, sed vehementer ob partes terrestres, & simul tantillum calidas, ut ex Gal. constat, exciant, ob quam illius crasin & partium diversitatem cum leviter ac vix calida sit, etiam frigidam myrtum appellat Gal. de quo loqvendi Gal. modo memini alicubi in *Quadripartito* meo me pluribus egisse. Hic ergo effectus, quem nos Hipp. docet, tenuium esse partium myrtum, eamqve valenter siccare evincit. Idem Hipp. lib. 1. de morb. mulier. sect. V.

pag. m. 193. *versu sexto* inter alia corruptum foetum ejicientia, myrti bac-
cas, juncum odoratum & lentes in vino decoquit; ac paulo post foliorum
myrti acetabulum in eundem finem commendat; vide iterum eundem
de Natur. muliebr. sect. V. p. 135. v. 35. ubi ad subdititium, & uterum aperi-
ens medicamentum parandum Myrti nigri fructum aquâ maceratum po-
lentâ immisâ bibendum exhibet. Galenus verò noster 7. simpl. 123. p. 128.
aperte docet: Myrtum plantam ex contrariis constare substantiis, vincere
tamen in ea frigidum terrenum. Habere verò etiam tenue quoddam cali-
dum, itaq; violenter desiccare. Porro tum folia, tum germina, tum fructus
tum succum, non parum inter se in adstrictione dissidere. Folia item arida
viridibus plus desiccare &c. ac restringendi vim hæc omnia habere, tum so-
ris imposita, tum intra sumpta in corpus &c. Idem lib. 2. de aliment. facult.
cap. 18. p. 68. Tom. 2. decernit, fructum myrti nutrire tenuiter, æque ac
fructum Juniperi, facultatem tamen habere contrariam. Quandoqui-
dem valenter adstringit, & ob id ipsum alvum sistit; non tamen pro ratione
adstrictionis frigidius facultate est (hæc maximè consideranda & perpen-
denda sunt in excutienda herbæ Thee, Myrti ac chamæleagni tempe-
rie, ut mox constabit) propterea quod adstrictionem habet non solam, sed a-
crimoniam etiam quadam admistam. Porro cibus omnibus, qui qualitatem
medicamentosam habent vehementem, est commune, ut cum eam qualitatem
(velim iterum asterisco aut ungui impresso notentur, aut ut cum Barba-
ris barbarizem Notabentur hæc Gal. verba) coctione aut assatione aut
maceratione deposuerint, exiguum corpori dent alimentum, prius autem pror-
sus non nutrire. Id enim ipsum & cæpis & porris accidit. Atque hæc ex
Gal. de myrto, Dioscorid. hæc sunt. lib. 1. cap. 156. mihi 160. ita scriben-
tis. Vis & myrti & seminis adstringit &c. Succus virentibus baccis ex-
pressus eodem effectus exhibet, stomacho utilis, urinam cit, prodest contra
phalangij morsum & scorpionis ictum in mero &c. Sed penè omiseram
quod ex eodem Dioscor. constet, myrtum duum esse generum; Et Thee
duum generum in Europam quoque mittitur à Sinensibus. Verum ab-
eo ad Athenai Deipnosophistarum lib. decim. quintum p. mihi 675. C. ubi
refert apud Græcos in Symposiis, iis quorum caput meri potione tentare-
tur, opus remedio fuisse. Promptissimum id est ex florum fasciculis ac sertis

C præsertim Natura duce atq; magistra. Nam ut inquit Andreas, cum aliquem forte dolor capitis urgeret, ejus compressu levatus, vinculum intellexit esse doloris præsens auxilium. (hoc experimentum proh! quantum lumen accipere ex non ita pridem invento Harvæano & sanguinis circulatione posset?) Hac igitur medicina opitulantes, eorum qui nimium bibissent, caput revinciebant, hederacea præcipuè coronâ, quæ planta citra cultum ubivis copiosa provenit, facie alioqui non invenusta, corymbis & foliis virentibus frontem opacat; astrictionisq; vehementiam patitur, & postremo refrigerat citra odoris gravitatem. Ob hanc rationem coronam illam, vita (βίη) Baccho dedicasse videtur, qui & potum invenerit, & malis inde nascentibus succurrat. At jam inde voluptatibus illecti homines præter eam vim quâ ebrietatis incommodis medetur, & confert ejusmodi corona, oculorum quoq; & narium delectationem expetiverunt: ac tum myrteam coronam quæ adstringit, & vini exhalationes arceat, tum è rosis quæ & gravitatem capitis nonnihil sedat, & æstuentes potionem refrigerat, usurparunt: lauream verò quæ calfacit, & gravem odorem spirat, computationibus inutilem esse judicant.

D tum etiam violas, quæ odore caput feriunt, & quicquid gravare aut opplere alioqui posset, rejecerunt &c. postea p. 675. C. Philonidis sententiæ: his verbis subscribit, inquit: Verumq; id prorsus arbitror à Philonide proditum è myrto coronam meri vapores prohibere; à rosis autem refrigerare & gravitatem capitis lenire. Noto ex Eruditiss. Bodæi à Stapelen Comment. lib. IV. Histor. Plantar. Theophr. p 376. ipsum ex Clement. Alexandr. observasse, myrtum efficacem esse provocando risui, qui plerumq; est comes Veneris additque: fingi myrtum adeo gratam fuisse Veneri, ut omnes qui Veneri celebrandæ operam impenderunt, redimiti fuerint myrtea corona. Idem p. 377. ex Athenæo probat, Lesbios myrti ramulis implexis se coronasse, quos hypothymidas vocarunt, refertque Nomen hoc accepisse, quod cerebrū sua fragrantia quasi suffiant ac refocillent. Insuper cui hæc nōdum sufficiant, aut qui plura de myrti viribus cognoscere cupit, is adeat velim histor. plantar. universal. Ebrodunensium herbariorum lib. V. c. 1. p. 507. & perlegat usque ad pag. 517. in qua vel priora confirmantur, vel iis similia proponuntur. Restat ut nunc vires & qualitates nostratis myrti seu Πορφ. aut Megapolitanæ Πορφ. aliàs quoque myrtus Brabantica &

Chamæcagnus dictæ indagem ac scruter. De huius quidem myrti viribus, quæ quoque Botanicorum Principi Bauhino Rhus myrtifolia Belgica appellatur, usque adeo multa, quam de vera & priori in commentariis veterum neu recentium authorum relata non sunt, attamen præstantissimarum esse virium inde constat, quod ipse Plinius lib. 24. Cap. XI. p. mihi 1108. referat quod *Rhus ipsi herba dicta*, quæque interpretibus ac arbitris summis botanicis Clus. & Dodon. Chamæcagnos nostras est, *venena & tineas pellat*, insigni argumentô: eam sive viridem aut recentem, sive exsuccam aut siccam, singulari sale & sulphure utrisque volatilibus abundare; partim quod ejus acerrimus odor, at non ingratus, & sapor amarus; partim effectus quos edit comprobat. Vultis Viri experientissimi id autoritate aliorum comprobem? faxo: Præsto adest Dodon. qui loco superius citato cum de forma Chamæcagni agerem, perdocte de viribus aut qualitatibus illius hunc in modum differit: *hujus semina* (inquit) *impensè calida & sicca sunt, ad tertium usq; gradum accedunt. Folia quoq; calida & faculrate sicca sunt, sed multo minus. Fructus cerebro molestus, cerevisiæ inter coquendum additus (quod à plerisq; fit) admodum caput tentantem, & cito ebrietatem adferentem eam reddit. Totus frutex cum fructu aridus, vestimentis interpositus, à tineis & vermibus ea tuetur*; addo glires abigere vid. historiam Chamæcagni in Classe secunda mei Quadripartiti. Præterea ab Illustri Heroë Germano Barone, Holfato Patriâ, optime mihi cupiente ac favente studiis, bonâ & præfâ fide relatum est: Polonos doctos esse, usu Chamæcagni seu myrti nostratis enecare pediculos porcorum. Si enim suis in hâris subternas Chamæcagnum spatio aliquot horarum pediculi intermoriuntur omnes, nec lendes post de in animantur. Quin & in saltibus in quibus Chamæcagnus crescit, nunquam stabulantur, aut cubilia sua habent serpentes; imo ne quidem accedere ad eos, multo minus eos perreptare unquam visi sunt. quam singularem observationem scænetor sylvarum Regio præfecto, olim domestico meo ad secundum ab hâc urbe lapidem habitanti. Quis nunc negabit, Chamæcagnum præstantissimarum esse virium, hæc quæ præstare & alia adhuc potis est. Audiamus ergo quæ in eam herbarij Lugdunensis Author seu Celeberrimus Dalecham

C plus lib. i. cap. 38. pag. 110. est commentatus: *Rhus sylvestris Dodonæi & Plinij Rhus altera videtur esse planta, quam alij myrtum vocant alij Pseudo-myrsinen & myrtum Brabanticam German. Gagel. Humilis ea est, lignosa, durasurculis multis, in quibus folia longiuscula, Buxi arboris foliis satis similia. Inter surculos ramuli exoriuntur, multas veluti spicas ferentes primum flosculis multis onustas, deinde seminibus multis congestis, angulosis pingvi quodam liquore refertis, saporis foliorum, florum, fructus surculorum amarissimi, sed odoris jucundi. Rhotomagenses in quorum agro plurimus hic frutex nascitur, per saltus herbidos & uligine madentes vocant sua lingua, Piment Royal, quasi Melyssophyllum Regium. Rustici æstate surculos foliosos, & seminibus onustos, in manuales fasciculos collectos, vendunt, non ad alium usum, quam ut vestes odoris suavitate commendent, & à rodentium vermiculorum noxa custodiant. Sapor tamen egregie amarus insignem habere vim siccandi & discutiendi monstrat, sed præsertim valere tam sumptum quam admotum ad lumbricos necandos & pellendos. Majo mense & Junio floret, Julio & Augusto fructum perficit. Ex anonymo Auctariorum in Dodon. Authore noto hæc Belgico idiomate: Deesen Gagel heet oock Gold in t' engelsch nae de goudgeele Bloemen, oft klamme geelē solferachtige vettigheydt, die men tuschen de Saeden oft schelferen vindt, &c. den Gagel vvordt van sommige voor goed gehouden in al' t ghenē daer men den oprechten Myrtus toe ghebruyckt; doch t onrecht. De Bloemen, ende oock de Klamme solferachtiche vettigheydt, die tusschen de schelfern der Saeden schy schuylt, achten sommige veel teghen de uytteeringhe, ende alle Gebreeken van de borst; Jac oock in' t goudt maecken. Andere ghebruicken dit heel ghevvas teghen't vergift. Sommige doen Gagel in't Bier, om de Hoppe te sparen, als gheseydt is; maer andere doen hem in den most, segghende dat den VVyn daer door vvel rieckende vvordt, de maghe sterckt, ende de hersenen niet en beschadicht. Haftenusille. Quæ ultima hujus anonymi verba proh! quam præclare nostratis Chamæleagni vires præclaras describunt, quibus cum Thee Chinenfi congruunt, præsertim cum ante docuerit, multo lento sublu-teoque rore, aut roscido sulphure eam seare, despiciatui haftenus habitam, quasi nullis alijs polleret viribus, quam ut rusticis nostratibus,*

& Germanicis inferviat lupuli loco, quo ocyus eos inebriet, qui effectus exuperanti in Chamæleagno Sulphuri unice acceptus est ferendus. Verum adverto me abripi ad chymica principia, ad quæ explicanda hic loci iterum non abibo, cum publica monumenta præclaræ eruditionis Viro- rum abunde testentur, me ipsis satisfecisse in digressionem meam de febribus malignis, salis ac sulphuris præsertim volatilis, naturam, genium, indolem, & illorum effectus ex instituto excutientem: quo nomine, seu quod adeo benigne hoc meum studium interpretati sint, hoc loco publicitus ingenteis ago & habeo gratias; post dein mihi ipsi grator, quod huc usque, dum ab anno 1629, quædam in rem medicam commentatus sum, nec dum compererim, quenquam in dubium revocasse ea. Quid jam mihi fiet, dum hoc profero paradoxon de Thee. præstolabor, personam induens Apellis pictam tabulam in pergula suspendentis, sed

dixerit insanum quis me totidem audiet

ut proverbium vetus habet. Quæ cum ita sint; ac ex instituta inter Thee Chinesem, myrtum veram ac Brabanticam seu nostrate Danicum **Pors/** ac Germanicum **Post/** comparatione, evidentissime constet, quod, ut Thee cum myrto congruat quoad formam, ita etiam concordet cum ea quoad vires & facultates: Chamæleagnus etiam similis sit myrto, ut Thee simile est myrto, imo succedere in veri myrti locum, aut ei surrogari, aut illius succedaneum esse possit, Quis ergo, cum Chamæleagnus nostras ipsissimum sit Cha Tartarorum, aut Thee Chinesium (quod puto me abunde probasse) deinceps patrium suum & Europæum Thee quam Chiniticum pluris non faciet, aut domi natum non longe petito præferet? Esse autem Thee nostratem Chamæleagnum, hoc syllogismo insuper probatur;

Quæcunque formæ & viribus conveniunt illa specie sunt eadem,

Atqui hæc Cha Tartarorum & Thee Chinesium & nostras Chamæleagnus, formæ & viribus conveniunt,

E. illa specie sunt eadem.

& per consequens minimè inter se differunt, seu ut Botanici loquuntur, unius ejusdemque generis aut speciei suffrutices sunt, solum numero non speciei differentes: Atque Medicinæ practicæ Doctores Celeberrimi

C mi dicent, me hæc defendentem adhuc instar Herculis alicujus sub onere laborare tamen ob contrarios effectus, quos Theé Chinenſe; seu Chamæleagnos Chinitica, & nostra Europæa Danica aut Germanica &c. edunt; Quippe cum omnes effectus, quos Chinenſes aut Indi Theé ſuo tribuunt, ex partium diverſitate modice calidarum, & impenſe ſiccari, crassarum & ſubtilium æquè ac veræ myrti proficiſci videantur: hinc utraque nempe Theé & myrtus vera præſervat ab ebrietate, imò Theé infuſum, in ſpecie admirando Naturæ opere in China citra ullum incommodum ſorbentes aliquot noctes inſomnes ſervat. Quin & iidem obſcient mihi, tantum abeſſe ut Chamæleagnos noſtra Europæa ebrietatem diſpellat, ut cereviſiam in qua ea decocta eſt, bibentem aſcutum inebriet; qui effectus è diametro ſibi oppoſiti ſunt; æque ac hi ſibi contrariantur invicem, nempe quod Theé Chinenſium inſtar incitamenti hemicraniam & ſimiles capitis dolores diſcutere ſit obſervatum, quos Chamæleagnos Europæa cauſatur. Sic eſt Viri experientiſſimi. Non nego; fateor quidem Galenum paſſim demonſtrare, quantum in uno miſto diverſitas partium valeat, & id inſignito exemplo nucum juglandium cum in vigore eſſent, *de compoſit. medicamentor. ſecund. loc. 1. lib. 6. c. 2. p. 652.* omniū optimè nos docere, quam tamen ſolam ad edendos iſtos effectus, quos Theé ac myrtus noſtras Brabantica edunt, ſufficere haud affirmaverim; ſed utraque hæc tota ſubſtantiâ & ſecundum, his utriſque proprium, miſtionis modum agere, me defendere potius poſſe, quam ut imbecilli illorum calori, ſed excellentiſſimæ ſiccitati, atque ad eo ſolis illorum primis aut ſecundis qualitatibus effectus hos tranſcribendos arbitrer. Sed veritas ipſa quæ nuda in plano pugnare dicitur meæ huic patrocina bitur cauſæ, ut probem, unde hæc qualitatum diſcordantia ſuam ſortiantur originem. Sciendum autem ſale & ſulphure, eoque maximè glutinoſo, ut præ cæteris curioſè Anonymus in Dod. Author obſervavit, maximè Chamæleagnum exuberare, quo nec ipſus Dod. per bonam conſequentiam deſtitui illius ſemina fructumque negat; ſed quod ſulphur minime inſentum meo arbitrato cerebro nervisque eſt: imò quod inſtar myrti ramulorum implexorum quos Leſbij hypothimidas vocarunt, *cerebrum ſua fragrantia quaſi ſuffiat ac reſocillet.*

A
Secus enim si res se haberet, non video, qvi non fatiscerent infomnes noctes sæpiculè transigentes Regum Principumqve ac Rerumpublicarum ablegari ad exteras provincias, qvorum fidei fides habenda, sed in-terim experientia eam vel confirmabit, vel in dubium vocabit. Sic De-mocritum per aliquot dies cibum non cepisse; sed solo nidore panis ex-furno recens extracti sustentatum fuisse, accepimus, ut *Diogenes Laërtius* his verbis p. m. 657. Editionis *Caufaboniana* testatur: nos sic de eo lusimus:

Quisnam tam sapiens visus, qui tale patrarit

Unquam, quale sciens omnia Democritus.

Qui per tres tenuit præsentia fata dies &

Ille recens cocti panis odore aluit.

B
Sic moderatus vini usus nos reficit & nervos corroborat, & sulphure suo exiccat, quod nec citharædos nec saltatores latet, ceu qvi ut corroborent nervos, qvos expeditos ad phonsorum tactum habere discupitant, sæpicule manus & pedes vino lavant; illi ut blando chordarum tactu, tremulo sono aures demulceant; hi ut reciprocis pedibus altum saltent, venusteque. Qvos si imitarentur Magnates, nempe ut lavarent quandoque manus & pedes vino, vel Roris marini, Salviæ, Betoniciæ &c. dici non potest, quantum hoc expediret ipsorum valetudini, imo ex acci-denti fieri potest, ut hoc euporisto à malignis præserventur morbis; qvodd in Anatomica schola demonstrandum est. Hæc ergo sulphuris volatilis Chamæleagno specifiçi abundantia, qvodd vel eminus sese pro-dit, ac nares in ericetis errantium ferit, cerebrum turbat ceu temetum, unde temulentia illa & capitis dolor. Sic in cellis vinariis, longè faci-lius quam alias inebriamur, ob vini in doliis licet contenti, in cellas vi-narias exhalantes sulphureas sive atomos sive partes, visum effugientes. Tartaros quidem importasse in Chinam suum Cha aut Chamæleagnum, (ut ex prioribus constat) certum est, ast incertum, an iid cum in mo-dum præparent, ut Chinenes qvodd mihi vero non fit simile. Nam si mores ac diætam Tartarorum spectes, ij ebrietati impensè sunt dediti, & tamen firma valetudine. Hinc cum illi herbis & vescantur crudis, & e-asdem decoquant v. g. suum Baltracan (de qvo *Anonymus in Dod. p. 195.* est legendus), credibile est insuper illos habere torreant, aut arte suum Cha.

C Cha exiccent, vel non, crudi sint à crapula vel non, caput doleant vel non; modo illi æque ac nostrates, ac aliorum Europæorum Rustici à decocto Cha seu Chamæleagni inebrientur. Hoc vitium in Chamæleagno cæteroquin admirandarum virtutum herba (loquor cum vulgo) cum corrigi posse putarint ingeniosissimi Chineses, verno tempore legenda esse Chamæleagni seu sui Thee foliola, non æstate statuerunt, posteaque solerter exiccare periclitati sunt. Quam facile verò sulphureæ herbarum partes exhalent, ex Chymicis observationibus notum est. Quod nec Galenum nostrum fugit, si modo loci superius ex *lib. illius de aliment. facultatib. cap. 18.* citati recorderis, in quo docetur vehementem medicamentosam qualitatem id est me interprete salinas & sulphureas partes 1. *coctigne.* 2. *assatione.* & 3. *maceratione* corrigi, vel salinas sulphureasque partes volatiles medicamentorum abigi. Hinc assant, aut inclibano studiosissime suum Thee exiccant Chineses, hinc in calidâ quadrantem horæ id macerant, minimè id coquentes, veriti ne omnibus viribus id cocturâ aut ebullitione privent. Sic vos ipsi Viri Celeberrimi novistis Rhabarbarum, Senæque Alexandrinæ optimæ notæ folia omni purgandi facultate privari; illud si assaveris aut torrueris; hæc si coquantur exprimanturque justo fortius. Quod si ergo Europæi quoque Chineses imitarentur, ut superius innui, nec nisi verno tempore lecta folia, ceu quorum messis tunc temporis adhuc in herba; non fruticem ipsum multo minus lætè efflorescentem, semineque locupletem lupuli loco in aqua coqvendæ cerevisiæ decoquerent; sed solum macerarent: utique credibile, nec nostratam Chamæleagnum, tam facile ac jam usu venit, eos inebriatum ire, præsertim (iteratò illa moneo,) si omni caret semine. Tantum valet sulphur, quod tamen in aliis herbis aut fruticibus abundantius, ut in nostrati Chamæleagno, in aliis plus minus reperitur, idq; volatilius aliud fixius. Sic sivevolentia Moschatellæ Cordi frequentiori odoratu omnis deperit. Geranium moschatū non nisi marcidum ea se commendat, quam ut arte procures, percutiendū semel atq; iterum sinistra manus dorsum Geranio est, aut utrisq; manibus confricandum blanditer, si enim nimis contriveris opera in eò luditur. Sic ruta valde &

de & usque adeo volatili est sulphure, ut exiccata sit *doquē*, seu omni colore carens, semine oleoso & sulphureo. Absinthium medio modo se habet, uno valde volatili præditum, sed quod maxime ferit caput (unde nonnulli volunt, quo id eluatur, aut potius evanescat, immergendum esse calidæ prius quam recipiatur ad parandum ex eo vinum absinthites) altero superfluo & fixiore una cum sale volatili & fixo. Sic serpillum, allium, laurus, maxime sulphure æquè ac Chamæleagnus, quam præ manu habeo abundant, quod tanto difficilius in Chamæleagno evanescit, quanto id lentius, ut ex prioribus constat. Quas in Chamæleagno sive vires sive facultates, cum in officina *Regij Pharmacopæi DN. Christophori Herfordij* explorare sagaciter contenderem, eamque una cum foliis ac semine incenderem, opera in eam rem usus duorum artis pharmaceutices studioforum liberaliter ipsi servientium, nempe *Ernesti Christophori Cnorrij Turingi, & Severini Sartorij Silesij* parum absuit, quin accensa non quidem ocysime ceu Juniperus; aut instar betulæ fragoribus intermissis crepans conflagraret. cuius fumus cum universum laboratorium oppleret odoratu acris; propemodum betulæ accensos ramos te olfecisse dixisses, sulphuris abundantissimos: unde inferitur sulphure saleque volatili plurimo constare Chamæleagnum. Ex his ergo in medium allatis rationibus ac experimentis nunc constare arbitror, cur Chinesium Chamæleagnos cerebro grato sulphure, sed arte attemperato aut correcto insigniter spiritus eorum ita reficiat, ut insomnes noctes circa dispendium valetudinis transigere possint in China degentes (exemplum habes in Alexandro Rhodio) nullo capitis dolore infestari; imò ab eo vindicari; nostras seu Europæa Chamæleagnus & præsertim ætate perfecta, floribus semineque maturis cerevisiæ incocta, cum inebriet eam bibentes, ac iis ceu temulentis somnum conciliet, capitisque dolores ciat. Quibus ad rationis stateram exquisitè examinatis, nunc ego omnis temeritatis absolvor, si post habita pretiosa Chinesium Chamæleagnò, illi vili pretio & huc usque vitiosa nuce non pretiosorem Chamæleagnum substituendam decernam: fruticem præstantissimarum virtutum adversus venena & serpentes, ut antea ex ipso Plinio probatū: quippe qui ne quidem odorem illius ferre possunt commendabilem.

C Quas illius Asiaticis adhuc ignotas qualitates nos Europæi eos doceamus, illis cum debeamus, quod infomnes noctes illius beneficio seu Thee Asiaticæ citra detrimentum valetudinis transigere nos posse creduli hic in Europa credamus.

Verum videor mihi necdum rationibus ac experimentis his satisfecisse experientissimis DN. Practicis, nisi cum in officinas passim duum generum herbæ Thee inferri advertant, alterum nigricantius, alterum viridius, alterum crenatum, alterum minus, ego quoque Orbī Europæo palam faciam, quæ Thee Chinesium ita variet. Quibus hunc in modum responsum volo: Constare quidem ex Tulpio Chinesi Thee folia esse ex nigro viridia, Japonensi verò colore dilutiore, ac sapore gratiore; hinc posterius libram unam non raro centum argenti libris in India vel etiam Teste Trigautio solum decem ac sæpe duodecim aureis venire. Et tamen aromatopolæ Amstelrodamenses & Hamburgenses tam pretiosissimæ, & quæ pecunia æstimari nequit, herbæ, (loquor cum Vulgo) integram libram octo Joachimicis, octo Joachimicis dico divendunt, ut superius indicavi.

D Hic verò loci aliter facere non possum, quàm ut sagax ac solers studium indagandi formam & vires Thee *Celebratissimi Viri DN. D. Olai Vormij, olim Collegæ mei* condignè laudem, cui quæ in *Musæo s. Lugduni Batavorum Anno 1655. edito lib. 2. Cap. 14. p. 165.* se etiam accepisse duum generum Thee, eorumque aliquot folia aliquantisper macerasse calidâ refert, quorum unum explicuit colore viridi opaco, figura referens folium fruticis rosarum crenatum, oblongum, per longitudinem nervulum extensum habens uncia ferme longitudine. vid. figuram l. c. Cujus ego solertiam studiose data opera imitatus sum. Rogavi namque DN. *Herfridum Regium Pharmacopolam*, daret hoc mihi publica curanti comoda, ut si utraqve Thee Chinesium genera possideret, mihi utraqve lustranda concederet accuratius. Qui indulgere mihi hæc omnia, ac duo scrinia satis capacia Thee repleta jubet depromenda diversorum colorum, in quorum altero, & quod ejus generis Thee repletum erat, (cui simile ut ex prioribus constat in Fleischeriana officina scrutatus eram) ne hylum quidem aut festucam alterius sive plantæ sive herbæ neu pediculos

culos neu semina reperi, quam mera solaque Thee folia; alterum quoque scrinium continens nigricantiora foliola, cum invertissem ac ex eo in mensam profudissem omne Thee, idque veluti rusparer, ecce ex universo illius cumulo colligo tres pediculos myrti pediculis usque adeo simillimos, ut non solum meo solius arbitrato, sed quoque Herfordij ac antea laudatorum artis pharmaceutices studiosorum, pro ipsissimæ myrti haud alterius suffruticis fructus pediculis haberi possent. Magnum autem id argumentum in tam dubia causa, myrto adulterari, aut potius substitui eam herbæ Thee Chinenfium, ceu quod, ut antea demonstratum est, cum myrto conveniat. Atque hoc genus, aut hanc speciem (nolo hic quenquam λογμαχῆν) Thee, nisi ipsa myrtus, quia nigricantior, eam esse auguror, quæ ipsos inter Indos, longè vilis, quam Thee herba viridior, venit. Sed cum modo laudatus Celeberrimus nostras *Olaus Wormius* suspicetur, ob tantam diversitatem, quæ in foliis Thee apparet, fraudem subesse, ac multa hic apud nos pro foliis Thee vendi quæ alterius sunt planta: (cui fraudi affinis ea est, quam in foliis Tabaci, cum de iis agerem perstrinxi) utique non solum *ὁμοψυχοι* me hinc habet, sed quoque lampade mihi ab ipso quasi tradita, non committam hic a quoquam mortalium studium in me requiri meum; præsertim cum Hippocr. velit *μυρτὴν πυροποιῆν, μυρτὴν ἐκινῆ*. Ne ergo quis me temeritatis postulare posset, ceu fraudis insimulantem Asiaticos, egoque malè audirem, meum esse partium duxi acerrimè ac oculis maximè intentis porro contemplari Thee Chinenfium. Exoravi proin *DNo. Herfordio* liberaliter servientes prædictos juvenes, ut permissu ipsorum Heri, [neque enim nos Medici adeo feroces aut imperiosi sumus, quasi in illos vel etiam Chirurgos ceu beluas imperium habeamus, ob artis Medicæ dignitatem, alias nobis reverentiâ, cultu, legibus obstrictos, iussu nostra ceu patrum exequi, sed non bajulare nos instar leſticariorum, aut nobis foccos detrudere instar subhastatorum sive servorum sive mancipiorum] majuscula & perfectiora Thee folia seligerent, aqua calida maceranda, post accuratissime explicanda dein charta bubula exiccanda ac complananda, quò suis studiis mea sublevarent, atque ita traderemus operas mutuas; mihi cum ob graviora negotia vacare huic uni studio non liceret. Ob-

C sequuntur illi meæ voluntati, & negotium hoc ex sententia conficiunt, ac ex aliquot numero paucula quædam decem plus minus non lacera neu contrita mihi exhibent, ex quibus duo eaqve perfectissima Regius *γλῶττις Albertus Halweg* satis accurate calavit, ut quilibet curiosis oculis perspiciet. Vid. Histor. Cochleariæ in 4ta Classe Quadripartiti mei, diversa facie & magnitudine, unum verò seu prius illorum usque adeo Chamæleagno Megapolitanæ folio verno consimile, ut vix quisquam habeat comparata inter se invicem, quod desideret. Cætera variant & potius alterius, quam genuini Theë, imo quoque sunt alterius nisi oculi mei fallunt, plantæ aut fruticis, specie à Chamæleagno sive Tartarico, sive nostratis differentis folia, quanto autem minora cum tenera atque ita imperfecta verno tempore legantur, tanto magis pro genuinis Theë foliis esse habenda reor.

D Veruntamen ne quis hic loci erret moneo, [cum antea ex incomparabili Bauhino probaverim, interveniente autopsia, oppidò variare in foliis unum idemque individuum Chamæleagni seu myrti nostratis sylvestris, seu nostratis *Πορφ* ac Megapolitanorum *Πορφ* illudque mirè in foliis ludere] dicatque probabile id quoque usu venire Tartarico Chavel etiam Chinitico Theë; unde inferri possit per bonam consequentiam; in China non adulterari Theë; Tu quod defendis esse ipsissimam Tartaricam Chamæleagnum. Bonum sanè factum quod Tu priorum adhuc recorderis Philalethes, aut Philomathes; & ego quoque Tibi respondeo, permanere me adhuc in ea sententia, at nunquam voluisse neu me docuisse, ita variare aut ludere naturam in fruticis Chamæleagni seu Tartaricæ seu Europææ foliis posse, ut folia specie omninò diversa proferat. Monstrum enim fruticum dixeris his foliis, quamvis arte cernas unā eandemq; prunum, pruna nigra & surdo colore, luteo seu flavo; mala Persica, Amerina, amygdalas dulces ac amaras; itemque illarum arborum folia proferre. Hic sane mihi aqua hære, neque auxilii neque consilij mihi copia. Capeßenda ergo iterum mea mihi Botanotheca erat, quam tribus millibus plantis abhinc quadraginta & amplius annis divitavi, ut Accij hic vocem usurpem. Replico eam à capite usque ad calcem, non semel, sed semel atque iterum, contempnans arguto oculò,

culô, eô animo, ut anne ex his omnib⁹ aliquam, quæ ad spurij Thee Chinitici, seu qvo genuinum adulteratur, aut quod ei remiscetur, illi analogon, ex tot herbarum numero possem invenire similem plantam. Et ecce duorum suffruticum ramulorum folia inter eas observo foliis spurij Thee persimillima. Sunt autem ij qui apud solum & unicum Botanicum incomparabilem æternâ memoriâ Carolum Clusium occurrunt, & prior est; *pyrola ipsi tertia vel fruticans dicta, lib. 5. rarior plantar. Hist. cap. 20. pag. 117. descripta*, quam pari fama & autoritate Celeberrimus *Bauhinus* in Pinace appellat *pyrolam frutescentem arbuti folio*. Posterior suffrutex *Spiræa Theophrasti est, à Clusio lib. 1. Hist. plantar. cap. 53. p. 84. picta ac descripta: Bauhino, Frutex spicatus foliis salignis serratis dictus*. Cum verò antea expedire & ère Medicinæ Candidatorum esse existimaverim, ut post meam, quam hinc inde confarcinaram Thee Chinitici descriptionem, eam, cum Betonicæ herbæ & Chamæleagni fruticis descriptionibus, ex Dodonæo depromptis conferrem: ita huic loco non inconveniens puto utrorumque descriptiones auctore Clusio hic Inferere, qvo Medicinæ Candidatorū & hoc Authore carentium desiderium expleam. B Quod *Viri clarissimi ac experientissimi* vestris sine ingratis fiat, meo ipsius & illorum omnium nomine rogatos vos venio; Quorum tempora meis his legendis non morarer diutius, nisi causæ quam tracto pondus & difficultas, ejusmodi verborum circuitiones requirerent, qvo non, dum breviseffe laborem, obturus fiam. Definitio verò prior seu pyrolæ fruticantis Clusio dictæ hæc est; *Elegantissimum* (inquit, intellige pyrolæ) *est alterum genus interdum quodammodo fruticans; nam novelli breves ramuli, singulis annis succrescentes, aliquot annos firmi viridesq, permanent, & supra tellurem eminent, donec tandem pondere suo depressi, humi procumbant, & musco se condant, fibrasq, interdum agant: folia ut plurimum ad singula internodia, ubi novi ramuli succrescunt, bina terna ad quaternaria habent carnosâ, supernè saturatius virentia & splendens Chamadaphnes* (quam vulgus laureolam vocat) *foliis forma & magnitudine propè similia, in ambitu tamen serrata, gustu admodum exiccante, deinde amaricante, ut reliquarum pyrolarum folia &c.* inter quæ ultima verba probè considerent velim Medicinæ Candidati. Idem Clusius lib. 1. rarior

C plantar. l. c. hunc in modum spiræam describit: *Duorum cubitorum altitudine assurgit, tenuibus ramis seu virgis puniceo cortice obductis, per quos sine ullo ordine sparsa sunt frequentia, longiuscula & angusta folia, salignis proxima per ambitum serrata, superne dilutiore viriditate prædita, inferne veluti æruginè aspersa exiccantis cum quadam amaritudine conjuncti gustus &c.* & hujus descriptionis ultima verba maximè consideranda sunt; qui unicuique decernendum relinquo, cum herba Theé, præterquam quod ferratis sit foliis, gustus sit *exiccantis cum quadam amaritudine conjuncti*, nec non fruticans pyrola Clusij itemque illius spiræa Theophrasti, seu utraque hæc & præsertim pyrola *admodum exiccante deinde amaricante sit gustu*, anne valde probabile videri possit vel alterutro, vel utrisque commodissime & facillime Theé à Chinesibus præsertim cum quò ad formam ex parte inter se conveniant, non sapore solum posse adulterari? sed prioris seu pyrolæ solum foliolum in tabula æri insculpta & historiæ Cochleariæ Quadripartiti mei annexa Nō. IX, depictum aut sculptum, & eipersimile Nō. X. in China nati reperies; curassem una eademque opera quoque spirææ cælandum, sed cum capax ejus non esset tabula, botanophilos visat ipse figuram spirææ apud Clusium, vel etiam ejus accuratius depictum aut sculptum unicum foliolum inter æri insculptas vasculorum pretiosissimorum cum fictilium, tum æneorum Chinesium figuras, sub finem hujus mei stochasmi Botanici insertas pag. nempe. Ubi duo Chinesis Theé foliola, cælata exhibentur; quorum majus usque adeo persimile spirææ Theophrasti est, tam si longitudinem latitudinem, quam venarum ductum, crenarumque seriem aut magnitudinem spectes, vix ac ne vix quidem, ea ab invicem discernere ut possis. Ast quàm dissimilia utraque hæc sunt ei foliolo Theé, quod primo loco seu Nō. VII. in modo laudatâ tabula una cum Cochlearia Danica cælandum curavi: alterum vero pusillum illud sed omninò non crenatum Theé Chinesis foliolum pro h'ut illud simile Chamælcagno Megapolitanæ; quam mire ludere in foliis ex Bauhino docui: Hoc ergo pro genuino, illud quod spiræam repræsentat, pro spurio habendum esse reor. Verum cum mihi, neu vobis Viri Experientissimi constet, horum cremiorum, pyrolæ nempe, ac fruticum spirææ Theophrasti fertilis sit Tartaria

ria vel etiam China, (quod tamen mihi valde probabile) vestra æqua-³²
 nimitas faciet, vitio minime mihi vertatur, si dicam hic nos decere *οὐκ ἔστιν* A
ἐπιχειρῆν Interim verissimum, manifestissime apparere non omnia ad
 nos delata Thee folia esse unius ejusdemque suffruticis foliola, & per
 consequens nullum est dubium, quin adulterata aut alia eis remissa sint,
 si non sunt vel pyrolæ vel spirææ.

Cæterum hucusque cum in hoc meo *τοῦ χαρµιδίου* botanico provectus
 essem, commodum ad me invisit fallendi temporis causa Rev. Pater Dn.
Hieronymus Mölmannus, Jesuitarum ordinis Theologiae Doctor, bonorum
 amicitia dignissimus, quam inter nos auspiciis *Perillustri Herois liberi*
Baronis ac DN. DN. Johannis de Goes literarum ac eas colentium Patroni
summi initam, præclara illius eruditio conservat; cui cum inauditum
 paradoxon de Thee herba revelassem, ac quantopere ipsius ordinis socii
 me legendis ipsorum descriptis peregrinationibus Indiæ Orientalis, ad-
 juvissent, præ cæteris verò laudarem *Nicolaum Trigantium ac Alexand.*
Rhodium eiqve quædam hujus meæ digressionis de herba Thee prælegis-
 sem; bene se ista omnia quidem habent (inquit) at rectius Amice Tibi B
 non consules tamen, quam ut Tibi comparēs nostri *R. P. Martini*
MARTINII novum Atlantem Sinensem, novè seu solum abhinc decenni-
 um Amstelrodami à DN. Bleau editum, ceu omnium novissimum In-
 diæ Orientalis aut potius Chinæ scriptorem. Verum cum nemo sive
 amicorum sive collegarum olim meorum celeberrimæ hujus Acade-
 miæ cum possideret, (neque enim quisquam eum mihi denegasset) ro-
 gavi *S. R. M. Regis ac DN. DN. mei Clementissimi* Bibliothecarium, Vi-
 rum Clarissimum *Petrum Schumacherum*, intromitteret me in Regiam
 omnigenarum lingvarum, artium, scientiarum, selectissimorum autho-
 rum locupletissimam Bibliothecam, quod perfacile ab homine facilli-
 morum morum obtinui illicò. Dum ergo in Regia hac Bibliotheca
 modo laudati Patris *Martini Martinij* novum Atlantem replicarem,
 ac ad magni Sinarum imperij Nonam provinciam, vulgo Nanking di-
 ctam pervenissem, ipsumque in descriptione istius provinciae decimæ
 quartæ urbis Hoëjcheu dictæ, adverterem pag. 106. Cha mentionem fa-
 cere; ac affirmare illius folium nusquam alibi quàm in ea esse præstan-
 tius

C tius &c. illiusque historiam (mox huic loco inferendam) perlegissem, tanto animi mei prolubio id factum, vix ut mihi præ lætitia constiterim, non diffiteor; imo vix majori delibutum gaudio incessisse ex agro domū reversum Timonem hariolor, postquam in eo thesaurum invenisset, quanto ego cum *R. P. Martinij* hunc locum. Quin nec diffiteor & me quoque postmodum exax! exclamare, ac instar Archimedis ^{ἐυεργα, ἐυεργα} illud ingeminare capisse; cū quod ipsum Martinium haberem ^{ὁμοφύκτον} Cha aut Theé Chinenſium aperte docentem ad Rhus pertinere, vel ipsi persimile esse, quod antea ex Plinio, Clusio, Dodon. Dalechamptio & Anonymo in Dod. Belgicæ editionis auctore docui, nostratem esse Chamæleagnum; seu Danicum *Porſi* seu Saxonicum *Postum* ut *Martinij* autoritate Chinenſes non solum fraudis & imposturæ accusari, sed quoque illius criminis convinci queant, æque ac apud *Vitruvium lib. 9. cap. 3.* aurifex ille furti vincitur, qui argento adulterarat auream coronam, quam Hiero auctus regia potestate, Syracusis rebus bene gestis, Diis immortalibus votivam, in fanō quodam constituisse ponendam.

D Sed contemplemur descriptionem Theé fruticis, authore *Martino*, cujus hæc sunt verba l. c. *Folium Cha nominatissimum, nusquam alibi quam hic præstantius est* (intellige in provincia Kiangnan vulgo Nanking dictam) id in gratiam curiosi lectoris ac botanices studiosi brevibus describam: foliolum est omnino illi simile, quod Rhus coriaria profert, imo illius quandam esse speciem, tantum non mihi persuadeo, non tamen sylvestre illud, sed cultum est, non arbor sed virgultum est, quod in ramulos varios ut virgulas potius sese diffundit, nec flore admodum differt, nisi quod hujus albedo non nihil magis ad flavedinem declinet; æstate primum florem emittit levi odore fragrantem, sequitur bacca viridior, mox nigricans: pro potione Cha coquenda expetitur folium primum vernum ac mollius, quod studiosè ac sigillatim unum post alterum manu carpunt; mox in ferreo cacabo tenui ac lento igne aliquantulum calefaciunt, deinde super stoream subtilem ac levem manibus propellendo, involvunt, atq; involutum iterum exponunt igni, ac denuo confricant, donec intortum rursus & conglomeratum plane siccum sit: Quod servant in vasis plerūq; stanneis ab omni humiditate diligentissime & evaporatione custoditum. hoc cum in ebullientem aquam conjicitur, etiam post diurnam

turnam asservationem ad pristinum virorem redit, seque expandit, aquam odore suavi si optimum est, saporem non ingrato, præsertim ubi assueveris, ac colore subviridi inficit. Multis hujus calidi potus vires ac virtutem deprædicant Sina, qui eò noctu & inter diu frequentissimè utuntur, hospitesque excipiunt. Tanta autem ejus varietas ac præstantia discrimen est, ut libra pretium apud ipsos Sinas ab obolo ascendat ad duos pluresque aureos: Illi potissimum adscribitur, quod Sina podagram ac calculum nesciant; post cibos sumptum omnem indigestionem ac cruditatem stomachi tollit: maxime enim concoctionem juvat, quin & ab ebris adhibitum levamen iis, novasque ad potidandum vires adfert, adeoque & crapula omnes molestias levat, siquidem exiccat & abstergit superfluos humores, ac vigilare cupientibus somniferos vapores expellit, oppressionemque somni studiis vacare volentibus arcet. Varia apud Sinas habet nomina juxta varia loca, eamque quam obtinet præstantiam, hujus urbis præclarissimam Sunglocha vocari solet. Plenior si quis illius descriptionem desideret, consulat Gallicè editum R. P. Alexandrum de Rhodes, qui illud fusiùs describit de regno Tunking part. I. c. 15. Hactenus R. P. Martinus Martinus. Qui etiam paulo ante docet, nonam urbem Lucheu, nonæ provinciæ Kiangnan pag. 104. tum à præstantia tum copia herbæ Cha commendari.

Hicaliter facere non possum, quam ut Vos, Viri Experientissimi, quotquot passim in Europa degitis prologi Terentiani & quidem Hecyræ verbis compellem, nempe

facite ut vestra autoritas

Meæ autoritati faultrix, adjutrixque sit.

Si nunquam avare statui pretium arti meæ,

Et eum esse questum in duxi maximum,

Quam maxime servire vestris commodis &c.

Qui sic, dixeritis? Anne hic oculatus testis præter Trigautium & Alexand. Rhodium, priora omnia illa confirmat, nempe Cha esse Rhun Coriariam, aut illius quandam esse speciem, cujus descriptæ qualitates itemque accidentia cætera nota repetuntur ex prioribus: verbo dixerim me minime dubitare quin Cha Tartarorum vel Theæ Sinensium ipsissima nostras Chamæleagnos sit, vel Rhus herba Plinij, Danicè Þors Germ.

C Post/Belgice *Bagel* dicta, præsertim cum vel prioris seculi Botanorum Pater atque princeps celeberrimus *Carolus Clusius* in auctar. exoticor. libror. p. m. 376. liquidissimis verbis asseruerit, se ex figuris quorundam, Sinensium librorum, quos mercatores, quorum res in India orientali versantur, ipsi *Iosepho Scaligero* ac *Petro Puvio* dono dedissent, tametsi rudibus & crassa Minerva expressis, animadvertere potuisse, multas plantas apud Sinenses nasci, iis quæ apud nos reperiuntur, valde similes &c. Quod interim magnum pro me argumentum; probabile esse, nec ipsam Chinam carere nostrati Chamæcagno Tartariæ conterminam. Doleo autem & quidem vehementer, quod cum DN. *Martinus Martinij* cis pauculos annos ex Norvvagia hac in Imperium Romanum contenderit, ut super laudatus R. P. DN. *Môlmannus* mihi retulit, mihi illius huc adventum non innotuisse, cæteroquin ipsum ceu alterum & Germanicum Ulysses simili humanitate invitassent, quæ Syrenes Homericum, Cic. interpr. 5. de finib. pag. m. 153. quarum hæc est cantilena svavissima:

D O decus Argolicum, quin puppim flectis Ulysses
Auribus ut nostros possis agnoscere cantus!
Nam nemo hac unquam est transvectus carula cursu
Quin prius adstiterit vocum dulcedine captus,
Post varias avido satiatus pectore musis.

quo ille *ἀντίπρῳς* unius horulæ quadrantulo, omnia illa me longè rectius docere potuisset (verus profecto sermo est, quem plerique artifices in ore habent, quod non idem sit, neque simile à viva voce discere, & ex libro legere Gal. inquit lib. 6. de compos. medic. secund. locos cap. 3. p. 627.) quam quæ ego ad præmorfos calamos ac ungves, jactone me? solam rationem secutus, meditatus sum; cujus tamen mei studij me nec dum poenitet; maximè cum ex Cornel. Tacito 15. annalium p. 373. constet; *Multa experiendo fieri, quæ seignibus ardua videantur.* Sic audendo atque agendo rem Romanam crevisse: Legendo atque tentando *Columbum* Americam detexisse palam est. & quem eruditorum fugit, Par Mathematicorum incomparabile, *Copernicum* & incomparabilem Heroa, Patriæ suæ Daniæ ingens decus ac ornamentum, *Illustrem Tychonem Braheum*, seu quorum

Gloria ad Herculeas innotuit usq; columnas,
 majoribus nostris non invisa solum, sed quoque inaudita, ingenio & per-
 peticaci labore in Mathesi, & invenisse, & demonstrationibus Mathe-
 maticis confirmasse; cujusmodi in arte nostra non dantur, nec quis-
 quam (ignoscat mihi hic loci Argus Philalethes) à me, nisi rana gyrina
 sapientior sit, ut proverbium habet, exiget. Ut taceam, *illustrem Hoff-*
mannum in paraleipomenis officinalibus, dum illius studium integrè in in-
 vestiganda mineralium aquarum natura, investigatu perdifficili versa-
 tur, cap. ult. pag. 696. se tueri adversus hoc genus hominum videri, his
 verbis: *ita moris est in foro philosophico; hoc usquequæ est Platon. Aristot. Gal.*
omnium sapientum, probabilia quis dixit, satis est. Sed præfiscine dixerim,
 ac pace R. P. *Martinij* fiat, ceu cujus præclare eruditioni meritissimò ali-
 à assurgo, quod tamen paucula quædam in descriptione herbæ Thee ne
 remorentur. Nam non capio illa, quod Rhun coriariam illam (no-
 tandum Matthiolum, Bauhinum, Hoffmannum nolle differentiam in-
 ter Rhun coriariam & culinariam, quamvis Gal. inter eas distinxerit, in-
 tercedere, quæ Cha aut Thee aliàs Trigautio & Rhodio appellatur) no-
 lit esse sylvestrem, sed ex sylvestri cultam faciat (id est ut ego accipio, stu-
 diosè cam excoli à Chinenfibus) necessario aliquot jugera occupantem,
 maximèque luxuriantem. Quod si verò solum verbulo meminisset
 myrti, conjicerem DN. *Martinium* secutum alios Botanographos, exclu-
 dentes ex myrtorum verarum consortio, myrtum Diosc. sylvestrem, in
 officinis Ruscum aut Bruscum dictam (de quo Deo volente in quarta
 classe mei Quadripartiti convenienti loco agam) nomine sylvestris Ru-
 scum intelligere. Sic Incomparabilis Florentinus Secretarius *Marcel-*
lus Vergilius in eruditissimis commentariis Diosc. lib. 1. cap. 132. pag. 143. per-
 doctè demonstrat, inter illum & myrtum veram ingens discrimen exi-
 stere, inveniens: *quæ à Plinio & à nobis sativa myrtus hoc capite dicta est,*
nullam habet ut in cæteris plantis consitionis aut loci rationem. Nec quia
aut artificio humano, in hortis confita meliore scat, aut quia incultis desertis-
que locis proveniens, hoc tantum alia à sativa sit, eo discrimine in dicata est,
sed quod toto genere ab agresti, quam Græci oxymyrfinem, Latini Ruscum
vocant, diversa, eo nominis honore à Dioscoride Plinioq; & à nobis ornari de-
buit:

C *buit: rusco enim comparata myrtus mitior, & quod Græci dicunt ῥυσκός est. illa enim cuspidatis foliis, vulnerans magis quam pungens, asperior & indomita merito habenda fuit: qualis autem Ruscus sit, & cur agrestem myrtum veteres eam dixerunt, cum de oxymyr sine agetur, certius patebit &c.* Cujusmodi censuram nec dum unquam sustinuisse nostratem Chamæleagnum, sed semper eam, veræ myrto, aut cognomento sylvestrem, fuisse annumeratam, à Botanographis recorder. Quod verò eam celebratissimus *Martinus* cultam nominet, atque adeo ea non sylvestris, sed hortensis videri possit frutex, puto non nisi *ῥυσκός* hoc epitheton illi competere: Neutiquam dubitans, quod cum sagacissimi Sinenses advertant, adeo inhiare nos Europæos usui aquæ Theæ, & quasi sitire eam ficcis faucibus & lingua aspera, ut posthabitis Europæis medicamentis præstantissimis, omne præsidium longævitatæ in Theæ, una cum Sinis collocemus; quin lucri causa (cujus Chineses sunt cupidissimi, ut *Martinus* me docuit) Chineses illi non minori studio aut solerti cultura, sylvestrem hanc myrtum, aut Rhun *Martinij* suffruticem aut virgultum excolere occipiant, sponte sua alias & ruri succrescentem, aut in China natam, quam nos Europæi vitem ob vinum; Persæ morum arborem ob fericum; Galli Galliæ Narbonensis ac Provinciæ fruticem Ilicem cocci geram ob coccum baphicā, Tabacum plantam ob fumum nobis Europæis vendendum: Megapolitani mei & præsertim Brandenburgenses Lupulum ad coquendum optimæ notæ Rostochiensem cerevisiam, longe lateque per totam Europam olim divenditam: Bambergenses glyzorrhizam, quæ Hispaniæ bonitate non cedit; Silesij ac Alsati rubiam tinctorum, ad rubro colore tingendos pannos; Thuringi satidem cœruleo &c. Sed cum *Frigantius* antea non sine ratione subdubitarit, non impossibile videri, etiam Theæ in Europæis plagis succrescere posse; (velim benevolus lector non fugiente oculo hæc legat) *Alexander Rhodius* id tanto cum apparatu à Chinesibus, quanto Europæi vindemiarum tempore occupentur, colligi affirmat (unde superius intuli jugera aliquot veluti eò; Theæ nempe consita conspici) ipsi decernite, anne rationi & loquendi modo vulgatori congruentius, Theæ appellare, aut esse sylvestrem fruticem, quam cultum; ita ut sint opposita vocabula: sed non

non diffiteor hic in Europā quoque nos dicere excolere vineam, vineæ ipsæ cum vix hortenses spatiosa satis spatia occupantes, appellari vel possint, vel debeant. Verum satis de verbis altercatus sum cum *Martino*. Idem Chineses cum *singula folia* (eodem teste) seu unum post alterum, eaq; non omnia, sed sola prima, verna & mollia (unde colligo maximè dispari esse forma ab æstivis, quod quoque in nostrate Chamæleagno observatur, ita ut verna æstivis dissimilia mollitie, lavore, colore sint) manu carpant, mirum nemini videri debet, si Chinesium Chamæleagnos, seu ipsorum Thee, nostrate Chamæleagnô, aut omni Europâ sit mitior, nobis (quod ad nauseam usque repetivi) nihil eorum observantibus, vel in colligenda vel siccanda, vel coquenda nostrati Chamæleagno, illi quæ studiosissimè procurant, & mox in ferreo cacabo tenui ac lento igni calefaciunt aliquantulum, dein supra stoream subtilem ac levem manibus propellendo involvunt, atq; involutum iterum exponunt igni, ac denuo confricant, donec intortunrursus & conglomeratum plane siccum sit &c. Hinc quoque usu venit, quod nostras Chamæleagnos in calida macerata, non eundem colorem, odorem, saporem, minimè tamen ab iis diversos effectus habeat, sed secundum magis & minus solum eos variare, ac easdem qualitates in eâ quidem, sed iusto intentiores, quam in Chinesî Chamæleagno seu Thee, deprehendamus. Eja, facite ergo, obtestor vos, me primo monitore, per communia quæ mihi vobiscum sunt studia, ingens in emolumentum totius Europæ, & rei herbariæ incrementum (quo nomine tamen à vobis Ego

nec mi aurum posco, nec mihi pretium dederitis).

Jubetote, imperatote pro imperio, quod in pharmacopæos mecum habetis (quorum aliàs aliqui usque adeo sapienti potentes sunt, ut nozint scilicet, quomodo Jupiter Junonem duxerit, ipsis Medicis unâ cum superbis barbitonsoribus sese protervè præponentes) ut Pharmacopæi vobis obsecundent, ut observatis omnibus circumstantiis, aut si illi vobis erunt immorigeri, potius eorum Rhizotomi aut Rhopopolæ ita deinceps Chamæleagnum Europæam tractent, ut admiranda curiositate, & improbo labore Chineses suum Thee; Nec dubito, quin Deo fortunante similes aut eosdem effectus cæteris paribus edat, nostra Chamæleagnos,

Cleagnos, quam Chinenſis. Secus enim ſi quis faxit, quĩ eodem effectus ab una eadẽq; herba expectet, præſertim ſi altera primo Vere, altera ſera æſtate, altera domi arte, altera ruri Sole ſub ardente ſiccata, altera herbeſcente viriditate, altera ſulphureo rore roſcida, floribus ac ſemine prægnans legatur. Hinc cedro digna illa ſummi philoſophi, ac ad *Ariſtotelis* famam pergentis *Scherbij* ſententia eſt; Nempe ubicunq; multa concurrunt ad unum effectum, ibi omnia oportet exacte ſint eadem. Cujus beneficio ſolvi poſſe putat pari fama *Illuſtris Hoffmannus difficultatem illam, quæ ſæpe nobis objicitur in individuis, in quibus nulla apparet ad ſenſum differentia; cum in effectũ ſit maxima.* Nimirum hoc eſt illud, quod facit proprietatem quam vocant individualement, nullo calamo, nulla lingua dicibilem. Hanc memini (pergit *Hoffmannus*) Præceptorem incomparabilem *DN. Phil. Scherbiũ* exponere hoc ſimili: Facit fuſor aliquis viginti tintinnabula, ex eadem materiã, in eodem typõ, eodem locõ & tempore, neq; tamen ullum illorum habet ſonum, alteri prorsus ſimilem: quæ cauſa eſt? Artifex eſt idem, materia eſt eadem, ignis eſt idem, typus eſt idem, omnia conſpirant ad eundem plane effectum: neq; tamen idem plane eſt effectus. Et tu ſi oculos conſulas, ſi tactum, ſi pondus, ſi alia, non dixeris ullam eſſe inter omnia tintinnabula differentiam: differentiam tamen eſſe arguit ſonus. Sunt quædam (ajebat Præceptor) quæ neq; ſcribi poſſunt, neq; dici: & tales ſunt differentiæ iſtæ. Fortè nõ eſt æquabilis materiæ craſſities, quod ignis nõ æquabiliter pervaserit omnes particulas. Fortè non eſt ſuperficies utrobiquẽ, æqualis, quod materiæ fuſilis jam eſſet aliquantulum refrigerata. Forte alia ſunt. Nam niſi omnia concurrant ad exactiſſimã amuſſim, non ſit idem ſonus &c. &c. et hæc libuit mihi hãc occaſione afferre, ut minuam tantum admirationem, *Hoffmannus* inquit in *Comment. lib. VII. de V. P. Nõ. 444.* quem vide; itemque illius inſtitutiones *Med. lib. V. cap. 27. §. 5.* Ego verò ideo hæc *Hoffmanni* afferre volui, quo ſi fortè quis *Chamæleagnum* noſtratẽ, ſeu noſtrate *Porſaut* German. *Post*, vel denique *Belgarum Bagel*, in quibusdam accidentalibus differentiis, effectũ differre à *Thà Tartarorum*, vel *Theé Sinarum*, obſervet, ne is illico in dubium vocet, an frutex ſit ejusdem ſpeciei cum *Chinenſium Theé*, quod hætenus mihi probandum incubuit. Eſt ergo & manet *Theé Chiniticum*, & *Chamæleagnos* noſtras unius ejusdemq; ſpeciei frutex, cujus cauſã, nos vectores

*Per varios casus per tot discrimina rerum
Tendimus in Chinam*

caput bonæ spei (penè dixissem) bonæ mentis promontorium præter vecti, tot ærumnas sustinemus, quater Æquatorem subeuntes, bis in Indiam euntes, bis ex eâ reduces, ita, ut animus illarum meminisse horreat, quibus sustinendis vix Hercules impiger sufficeret, ob quas revera dici nos possumus, jactari nos mari malorum omnium. Quid autem ex eâ reportamus domum? certe non atreum vellus; sed foliolum hætenus ignoti fruticis, minime quod hic in Europa iis viribus aut qualitatibus pollet, quam quibus sese Chinenſibus in China commendat; multis paraſangis cui nostras Europæa Betonica est præferenda; Thee verò ipsum deinceps ubi Chamæleagnos nostras magis magisque inclarescet, non magis opus habemus hoc seculo ex Chinâ petere, quam ex Asiâ arum, ex Ponto absinthium, ex Cretâ Scordium, de quibus superius ampliter actum est. Sed tandem claudendi sunt rivoli, qui in hunc Botanicum ~~saeculum~~ influxerunt largiter.

Ultimo restat, exponam quibus virtutibus maximè sese commendat Thee, ipsi pro Europæis plantis, ut vulgus putat, singularibus, quas dico nullas in illo singulares reperiri, quas non participant Europæa plantæ. (Nam vitam prorogare posse, fabulæ Chiniticæ aut gerræ germanæ sunt, ut paulo ante innui.) Compendifecisse autem illius virtutes præ cæteris videri possunt *Alexand. Rhodius* ac *DN. Martinus* easque veluti restrinxisse ad tria capita: & prima illius virtutum est, ut *Alex. Rhodius* testatur, quod caput levet, reprimatque vapores: Secunda est ventriculum roborare: Tertia renes calculo & arenulis expurgare; quas *Martinus* hæc serie recenset, inquiens: hujus calido potui potissimum adſcribitur, quod Sinæ podagram ac calculum nesciant (ut jam pridem ex textu Martinij constat) ac post cibum sumptum omnem indigestionem & cruditatem stomachi tollat: Quin & ab ebriis adhibitum levamen iis novasque ad potandum vires afferat, adeoque & crapulæ omnes molestias levet, siquidem exsiccat ac abstergat superfluos humores, ac vigilare cupientibus soporiferos vapores expellat, oppressionemque somni studiis vacare volentibus arceat. Hæc ergo omnia in præsens accuratius

Ctius examinanda sunt; Quæ verò hic de illius qualitatibus temperiem sequentibus afferuntur, ea iterum sub incudem non revocabo, qui superius defendi, totâ substantia gratum esse Theë cerebro, sed docui quoque ex singulari & rara observatione, betonicam ejusdem esse genij, aut indolis.

Primò tribuitur Theë quod crapulæ molestias levet, siquidem excicet ac abstergat superfluos humores (loquor cum prioribus recensitis authoribus) eadem & præstat betonica; ast quod soporiferos vapores expellat, oppressionemque somni studiis vacare volentibus arceat, tale quid de myrto verâ frequentius, quam Betonica traditur, ut ex prioribus constat, quamvis etiam ipsa betonica, ut mox palàm fiet, adversus ebrietatem commendetur.

Secunda Theë in aquâ caldâ macerati virtus est, ventriculum roborare; roborat & quidem insignite Betonica ventriculum.

D Tertia renes calculo & arenulis expurgare; hinc ut *Martinus* loquitur, Sinenses podagram & calculum nescire; insigniter & Betonica renes calculo & arenulis expurgat, quod dum facit etiam unâ à podagrâ & arthritide nos præservat. Ceteræ qualitates Theë, quas ex aliis authoribus supra recensui, me non morabuntur hic loci, diutius ut comparem cum Betonica: sed si volupe est Tibi, historiam Betonicæ, *mei Quadripartiti* evolve, & *Antonij Musæ libellum de Betonica* l. c. illi infertum replica, qui testatur Betonicam tantum posse effectum, ut etiam septem & quadraginta morbos remediet, licet fieri possit, ut omnibus vitiis prodesse queat, quod nondum asseverare de suo Theë *Chinenses* ausi sunt. Longe ergo laus Theë Asiatici infra Betonicæ Europææ subsidet. Author verò tibi *Antonius Musa* est loco citato §. 31. *Ne fias ebrius, Betonicam prius sumas;* (proh! qualem laudo Virum, non erroneum Medicum, aut Receptorum conscribillatorem, compilatoremve, aut pharmacopæorum ac Chirurgorum mancipium, ut in programmate meo, de Regiæ ac Nobilissimæ Artis Medicæ abusu cum *Celeberrimo Arnifao Mari Agrippa ipsius Caesaris Augusti generi Archiatrum*, cuique teste *Svetonio* pag. m. 102. cum Augustus illius opera ex ancipiti morbo convaluisset, statuam ære collato, juxta signum *Æsculapii* statue-

statuerunt) quibus verbis testatur Musā prohibere crapulam, & per consequens à somno nos vindicare, tota substantiā suā, uti puto, æquē ac Theē cerebrum reficientem. Atque utinam magni usus & multæ experientiæ hic Cæsarius Medicus nos docuisset una ad expellendam ebrietatem, usurpandi Betonicæ modum, tum deinum Europæis omnibus persuaderi posset aut certè iis, qui præsupina negligentia supersedebunt, usque adeo accuratè vel colligere, vel à majusculis foliis minora & teneriora seligere, vel artificiosè exiccare, contorquere ac conglomerare sive manibus, sive digitis, Chamæleagni aut myrti nostratis folia, ac suum Theē Chinenſes, ut non fastidirent, nostratis Chamæleagni foliorum decoctum, sicuticis præstantissimarum virtutum, ut ex prioribus constat; vel si obstinatè alij protererent, ac conculcarent nostratem Chamæleagnum, aut sibi metuerent ab illius usu, (qui tamen per secula clarus incanuit, præsertim apud nostrates & inferioris Saxonix cives & rusticos; Theē cum novus sit) Betonicam iis maximopere commendari, eamq; Theē veluti succenturiari commodissimè posse auguror. Verum si Medicus Europæorum alicui, imò infimæ sortis homini, v. g. cerdoni, Lanioni, fulloni, carbonario, fâlsamentario imperaret Betonicam in aqua macerandam, eamque post dein noctu interdium frequentissimè (ut Martinius de Chinenſibus perhibet) caldā propinandam, nã ille indignaretur, diceretve, torvètuens, servaret ipse sibi balneariam istam aquam Medicus; Wann er wolte Badewasser sauffen, wuſte er es selber wohl zu tochen/vnd darzu hätte er keines Arzten Noth oder angeben vonnöthen. Ego verò quid dicam, aut commemorabo? Theē bibendi aut ejus utendi modus solū quia novus, imo ipsorum Chinenſium Patrum aut avorum memoria incognitus aut ignotus, quia exoticus, quia peregrinus, & quia ex Asia in Europam immigravit; hinc Europæis civibus, summatibus Viris atque infimatibus, decoctum Theē, illorum palato adeo gratum, quasi nectar vel biberent, vel Ambrosiā, aut ipsā ætherea vescerentur aurā, ingrati, amari, & subastringentis quod est saporis. Idem de Chocolata Indæ & Cahvæ Persarum aqua asserendum est, & hæc tria decocta palato nostro vulgò aliàs non gratiora sunt, quam vilium pyrorum Europæorum decoctum, & ut verbo dixerim vnd schmecken das Gerinſte nicht besser/als eine geringe Hochreutsche Hockel-Brühe oder Suppe.

C Hic verò loci, cum Medicinæ Candidatis paulò superius de *Chocolata Antonij Colmeri de Ledesma opusculum* legendum commendarim, eosdem expectare à me mihi videtur, paucula quædam de Cahvæ aquæ præparatione & usu plerisque illorum adhuc ignotis afferam, quibus perlubenter gratificabor, præsertim cum, quod ego sciam à nemine sive Botanicorum, sive Medicorum, ex instituto, sed sparsim; & intercisè solum Cahvæ historia tractata sit; quos moneo hoc loco meminere non solum Chocolatæ, sed quoque Cahvæ potionem parcius cõmendare, præsertim delicatulis, (quamvis utriusque vires & qualitates non ab doctis & rudibus in rectionibus, aut fœce plebis infimæ, sed vel primariis civibus maximo cõmendentur opere;) Quippe *Hieronymus Benzo*, qui teste *Dalechampio lib. XVIII. Hist. general. plant. Lugdun. edit. cap. XCIII. p. 1857.* miles aliquot annis in novi orbis, seu Americæ provinciis vixit, testetur: *Porcorum eam verius esse colluviem, quam hominum potionem*, qui cum Nicaraguan in America provinciâ peragrasset, plus quam integrum annum ab tali lora abhorruit; sed cum ipsi vini copia non esset, ne semper aquam bibere cogeretur, alios imitari didicit. Ea sapore aliquantulum amarò satiat & refrigerat corpus: minimè tamen inebriat. hæc præcipuâ & carissima merx earum Regionum est, neque quicquam aliud Indi majore in pretio habent, ubi quidem in usu est. *vid. in hanc sententiam etiam Carolum Clusium lib. 2. exoticor. cap. 29. pag. 56.* itemque *Anonym. auctarij in Dod. Authorem.* Sanè ego cum Benzone ei puram aquam longè prætulerim, aut bibere malim quam hoc ingratum *νεχμα*: Quo æque ac Cossi itemq; Thei Europæi, modo vellēt, citra ullam jacturam valetudinis carere possent. Atque utinam vel singulorum, vel omnium horum usu & præsertim nimio eam non irent corruptum, medicamentis diversarum partium & tota substantia agentibus, atque adeo non ratione, sed teste Gal. per empiriam inventis. Atque hæc & similia faciunt (quorum etiam mentionem feci in histor. Tabaci) quod hoc seculo vel omnino novis vel contumaciōribus corripimur morbis, de quibus in commentariis veterum nihil relatum est. Hinc prudentissimè *Nostras Bartholinus polyhistor*, loco paulo ante ex Cometa illius præclarissimæ eruditionis citato præcipit: pag. 146. Pro-

scribenda esse aromata, bellorum in Europa & in corpore incendiorum causa. Per vices vero foliis coluthee, fumariâ, nasturtio &c. sanguinem esse emundandum. Antidotum eligendum familiaris usus, non Theriacam, cujus ad faba magnitudinem manè sumebat ANTONINUS Imperator, nec Mithridaticum, quia & calore nocent, & nobis aliena; sed conservam Rosarum nostrarum, Rob sambucinum, electuaria Calendula, Morum Norwagicam & cæterarum herbarum inquilinarum temperamento nostro convenientium. Sed diductius tractari ea hic loci non possunt. Verum usus herbæ Thee, si recens ex China in Europam inferri posset, præ reliquis duobus medicamentis Chocolada & Coffi tolerandus adhuc esset; ast Coffi minimè omnium, seu cujus decoctum Chavvæ, corpora, animosque Persarum omnino effoeminat, quos cum imitamur, hoc cene est indurare corpora, quod studium in Germanis nobis tantopere olim Jul. Cæsar, & Cornel. Tacitus prædicarunt?

Ex superioribus cum de abusu Tabaci agerem, notum ex Viganeni libro de moribus Turcarum Amurethem IVtum Orientalis imperij Tyrannum ideo subditis suis capitali edicto interdixisse omnem Tabaci usum, quod veritus sit, ne nancisceretur steriles subditos. Et nos Europæi incauti ob usum Cahvæ aut Coffi aquæ, aut decocti pergemus, ut ita dicam emasculare nos instar Persarum, qui sterile conjugium foecundando præferunt, longè Europæis, Teste Oleario, libidinofiores. Qvivaleant, & suum sibi Coffi, aut Cahvæ aquam habeant, sorbeant ad satietatem usque, dum inepti conjugio sint. Sed de hoc admirando effectumox iterato agetur.

Cæterum cum apud laudatos auctores l. c. Cacao five Cacavate fructus, qui amygdalas repræsentat (hinc Bauhinus in pinace p. 442. arborem illius appellat amygdalis similem Gvatimalensem) & basis modo recensiti *кожура* seu Chocolatæ est, figuræ aut icones satis graphice cœlatæ sint, imo etiam eadem apud *Tabernamont. lib. 3. cap. XVI. p. 1338. ultima* seu *Anni 1664. editionis* existent, supersedeo lubens novè eas celandi studio; qui contra potius dedita opera, id studui, cum semen Bon vel Ban, quod & Buna vel Buncho, imo & Bunca etiam dicitur, seu ex quo potius Coava, Caova, Cayve, Choava Cahvæ, (qui procul dubio

C corruptus, Coffe, vel Coffi Gallis, Italis, Britannis, Belgis ac nobis hodie audit) paratur, neqve *Dalechampsii lib. cit. cap. 31. p. 1794. Clusius lib. cit. cap. 31. p. 236. neq; Anonymus in Dod. Author pag. m. 1144.* id semen omnibus numeris absolutum aut exasciatum nobis exhibuerint, ut ego ad vivum illud depingendum ac sculpendum curarem, atqve ita illius iconem laudatorum authorum substituerem, quam B. L. inter alios fructus herbarum ac fruticum folia, post historiam Cochlearia: mei Quadripartiti Botanici Classe tertia reperiet Nō. XI. XII. & 11-12.

Sed qværat ex me Medicinæ Candidatus, ad quam simplicium classẽ hęc planta referenda, an ad herbarum vel arborum, quæ Bon semen profert ex quo Chavvæ aqua paratur: cujus etiam *celeberrimus Olearius lib. 5. itinerarij Persici cap. 17. p. 597.* mentionem facit. Sane rei herbariæ imperitus, facile eo abiret; ut cum ille id cum semine frumenti Turcici, seu frumenti Indici Mays Bauhino dicti vel etiam nostrate tritico compareret, sciscitaret esse herbam, cum tamen non, sed arbor sit, cujus hęc sunt verba; *Wey dem Toback trincken haben sie (nempe Persæ) daß hellschwarze Wasser Chavvæ alsbald zur hand. Ist eine Frucht/so sie auß Weisser oder Egvpten bekommen/ander substantz dem Türckischen an äußerlicher Gestalt unserm Weizen nicht unähnlich/ an größe aber einer Türckischen Bohnen gleich/ gibt weiß Mähl. Die Körner braten oder brennen sie vielmehr in einer ruckenen Pfannen/reibens klein/sochen es vnd trincken das Wasser/ es hat einen brandigen vnd vnangenehmen Geschmack. Es soll sehr kälten/ vnd die Natur vnfruchtbar machen/destwegen es die meisten trincken. Wann man aber solches Chavvæ Wasser zu viel gebraucht/so es die fleischliche Begierde ganz aufleschen. Hæcenus ille. quod autem semen Bon vel Ban ex arbore ipsi cognomine, & sui generis colligatur, unicus nobis instar omnium oculatus testis est inclutissimæ famæ & immortalis nominis *Prosp. Alpin. lib. de plantis Aegyptiis cap. 16. pag. 63.* qui in Aegypto aliquot annos Medicinam exercens, hanc arborem vidit in *Viridario Haly Bei Turcæ*, cujus integram descriptionem, illiusque iconem l. e. itemque apud *Ebrodunenses Herbarios Tomo primo lib. 4to. Histor. plantar univers. cap. 5. p. 422.* reperies. Cum ergo Alpinus hanc arborem cum Euonymo nostrate compareret, ac ei similem esse doceat, hinc *incomparabilis Botanicus Casparus Bauhinus in pinace suo p. 428.* quarto seu ultimo loco inter Euonymi species collocat, & eam appel-*

appellat: *Euonymo similem Ægyptiacam, fructu baccis lauri similem, Bon vel Ban ex cujus semine Ægyptij potum Coarva conficiunt.* Quibus ut sane hic fructus simillimus est, figuram, corticem illiusque colorem si spectes; ita longe magnitudine baccis lauri cedit. Qui meo arbitrato omnium optime proin cum semine admirabilis Peruvianæ deinceps comparari poterit, illi in omnibus simillimo; cuius decoctum orientales Nationes Ægyptij, Turcæ, Persæ ad roborandum ventriculum frigidiorum, adjuvandamque coctionem; & ad auferendas viscerum obstructions, itemque in tumoribus hepatis lienisque frigidis, ac antiquis obstructionibus felici cum successu multos dies experiuntur. Quod etiam, eodem Alpino teste, utrum respicere videtur: ipsum enim excalfacit, obstructionsque ab eo aufert. sic enim in familiari usu est apud omnes Ægyptias Arabasque mulieres, ut semper, dum fluunt menses, ipsorum vacationi usus huius decocti ferventis purgato corpore multis diebus utilissimus sit. vid. Alpinum. Obiter autem noto, ob hos effectus, (uti Persæ putant, ut ex *Clariff. Oleario* docti sumus) minimè Cahvæ aquam eos frigefacere nisi quoque agnum castum, etiam sterilitatem inducentem, frigidâ esse temperie dicamus. Sed mox enodabitur hoc dubium. Optandum verò celeberrimo *Johanni Veslingio* tam licuisset esse felici, etiam in Ægypto qui peregrinatus est, ut in viridariis Ægyptiorum arborem hanc conspexisset, & nâ ille accuratiorem illius descriptionem, quam hactenus desideramus, nobiscum communicasset! Qui in commentar. modo laudati Alpini pag. 21. testatur, fructum illius ex Jamin seu Arabia feliciore in Ægyptum deferri, & potum ex huius decoctione paratum in aliquot mille tabernis in urbe Memphi divendi, quem vide; itemque *Prosperi Alpini* librum singularem de *Medicina Ægyptiorum lib. 4. cap. 3. p. 125. b.* ubi de decoctis, quibus Ægyptij tum in sanis, tum in ægrotis corporibus utuntur, agitur, & quidem primò locò decocti Chovæ dicti, ex tunicis seminis Bon; secundo ex semine torrefacto & conrosto, præparationem satis accurate describit, quod frumentum, fecale, hordeum adustum Europæum, vel etiam pisa nostratia in prunas coniecta ac ustulata redolet. Defendit autem perdocte Alpinus, modo dicta semina Bon, ex duplici substantiâ, altera crassâ & terrea, qua cogunt-

B

C et roborant; altera calida in tenui substantiâ fundatâ constare, quæ cal-
faciunt, abstergunt, obstruâtaque aperiunt. Quæ ut siccare valde con-
cesserim, ita cur in iisdem frigiditas modice prævaleat, ut Alpinus vult,
capere non possum. Tota enim substantia ea agere, & ratione salis &
sulphuris utriusq; generis modo recensitos effectus edere, rationi valde
probabile videtur; ob ingratum nempe cum odorem tum saporem. Sed
corrigi hic saccharo traditur. Sic est. Nam Weslingius docet, *non de-
esse, qui saccharo potionis amaritudinem diluant, nucleumq; fructus integrum
saccharo incrustatum inter bellaria sua debellent. Neque id in Ægypto tan-
tum sed & finitimis etiam vasti illius imperij provinciis usu frequentissimum
existit. Quæ res & pretij magnitudinem induit, & inter Europæos utilif-
simi alioquin medicamenti raritatem efficit.* Quorum posterius, nempe
quod Europæis utilissimum hoc sit medicamentum, Weslingius defen-
dat, non ego, qui diversus ab illo abeo. Sic non solum Cahvæ aut
Cossi decoctum, sed Chocoladæ, denique herbæ Theæ Europæi condire
saccharo instituti sunt, manifesto argumento, non tam eos sollicitos esse
indagent, quantum adversus recensitos sive morbos debellandos, sive
D ad conservandam valetudinem omnia vel singula hæc valeant, quam ut
solum ad recensitorum Asiaticorum & Americanorum consuetudinem
fallendi temporis, cœlum palati aut fauces decocto sachari edulcati ti-
tillent.

Sed Theophilorum quis, (nam ad illos me in præsens recipio)
mihi hic regerat: Tunc recordaris Tulpium docuisse, ipsos Chinenſes in
infuso Theæ pauca salis saccharive grana diluere? Probe, inquam, horum
omnium, Te etiam me non monente, recordor: Verum hic non quæri-
tur quid fiat? sed quid fieri debeat, non quid gulæ inserviat, sed quid na-
turæ conducibile, sive ad conservandam bonam, sive ad corrigendam
adversam valetudinem. Quam rectè ergo Chinenſes in fuso Theæ sac-
charum remisceant, ipsi viderint, sâlem non improbo at saccharum o-
mninò. Quam pessimè verò nostrum Europæorum, & præsertim Se-
ptentrioni subiectorum valetudini consulatur, dum sinapi & embam-
mati ex aceto & Raphano majori, saccharum remiscemus, quo præfer-
vemur à scorbuto, hujus ingentis erroris mentionem feci in historiâ Si-
napi,

napi, in Classe tertia mei *Quadripartiti*, pertractatâ, & ob eandem rationem saccharum si remiscueris infuso Theétatò, illius vires infringis, & res eo propemodum rēdit, simplicem coctam Europæam haud medicatam aquam, sed saccharo solum edulcatam ut ebibas. Egregiam mecum flor medicinam adversus ebrietatem dico posteritati commendandam! Sed an putas, me Te illudere Argē Philalethes; minime: Legē auctores priscos & recentes, qui de aquâ commentati sunt, aut obiter illius mentionem fecerunt: nemo eorum negabit, si ebrius frigidam biberit, quin eâ ebrietatem dispellat aut fuget; imò eadem etiam ebrietatem infantiæ similem discutit, si testes aut scrotum linteis frigida madefactis involvantur. Quid ergo? quid opus est hunc in finem, tantis sumptibus, terra mariqve, ex Tartariâ, ex Chinâ, ex Japoniâ Thee petere? ad quid ista non ferenda prodigalitas, aut pecuniarum profusio; nonne longè satius esset pauperibus, quam in eos usus ex crumenis nostris istam erogare pecuniâ? Sed Persius olim veridicus, dum ita indignatur

O curas hominum quantum est in rebus inane!

O tempora! O mores Europæorum, diversissimos ab iis quos olim Hippocr. noster l. c. descripsit, nondum Asiatica mollitie corruptos! Verum concedi Europæis Thee saccharo edulcati vel non, usus posset, liceretqve illis imitari Indos, noctu, interdium seu ab occiduo usque ad Solem orientem caldum id bibentes; modo nobis Europæis cum Asiaticis communis esset diæta; (quo nomine sex res non naturales diætæ, ut sunt: 1. aer, 2. cibus & potus. 3. excreta & retenta. 4. Motus & quies. 5. seminus & vigilia. 6. Animi pathemata intelligendæ sunt, medicarum phrasium ignaris) quæ quàm diversissima à nostrati seu Europæa sit, id pressius agentî mihi pluribus hic loci demonstrare non licet; legē R. P. *Martinum* ac priores alios auctores, qui in Indiâ commentati sunt, & præsertim popularis mei *Nobilissimi à Mandelslo Indiâ Orientalem*. Ast quem fugit, Hippocratem nostrum, Virum in omnibus admirandum, compendeficisse ea omnia in libro superius à me citato, cui titulus de *aere, aquis & locis*, prudenter tria hæc conjungentem, aut subjungentem ea uni titulo, quæ ratione magis, quam reapse aut ipso actu (nolo hic cavilleris argute Argē Philalethes) separantur. Sic cum aer suas & sibi pro-

C proprias, aqua suas & sibi proprias; terra suas & sibi proprias atomos possideant, hisque perpetuo veluti halent fumentque, aut de se eas spargant, & veluti evibrent, & quidem *ad immensa spatia* diffundant, ut cum *Celeberrimo nostro Bartholino*, amicorum intimo ex illius Cometa p. 19. loquar, docente post *Erycium Mohy* beneficio atomorum ad 1000. milia *aria* propagari *sphaerā actionis sympatheticae* &c. &c. accidit, aut circa æquinoctia & solstitia, quo tempore subitæ in significatione cœli orbe mutationes fiunt, dum Sol appetit ac recedit igneus in loco terræ proprio quem regionem appellamus, illæ ipsæ atomi terræ aquæ ac loci seu Regionis, ad iuræ igneis Solis atomis, vel crudæ quasi circa Ver, ipsa in terra quidem, terræ calore utcunq; coctæ, ac nec dum sufficienter Solis calore attemperatæ crumpant; vel quæ æstate sese in autumnum præcipitante, nimis exustæ, & quasi tostæ, sulphureæq; sed graves suis deorsum ponderibus tendentes seseque præcipitantes variè omnem sexum ætatemque alterant. Quid quod? vel vernis mensibus ejusmodi exhalationes aut sulphureæ atomi quandoque cœlo præcipitentur: Cujus rei insigne exemplum S. R. M. *nostra*, *Summus Belli Dux præsidiariorum militum Norrvagiarum*, *Perilustris Heros DN. NICOLAUS* ab *ALEFELD*, pro ea quæ adversum me est singulari & humanitate & benivolentia, interprete ac parario *Johanne Martino Stobæo* Medico practico & insigni Chymico, pronuper ad me perscribendum jussit. Nam cum *Friderici* poli *Norrvagiæ* hujus anni 1665. 19. Maij inter quintam & sextam vespertinam, insolens tempestas oborta esset, tonitru horrendo & densis nimbis intermistis, cœlo cecidit sulphuri simillima materia, quæ postmodum aquis innata esse, nec non terram conspersisse, imò eam quasi obduxisse visa est. Quam cum decenter tractasset *DNus Stobæus*, exiccasset, cribrasset, cribratam in tigillum coniecisset, is observavit, eandem, simul ac leniter solum incaluisse, spirare fetentem fumum, colore ipsi similem, quem inter destillandum nitri spiritus induit; quæ tamen sulphurea materia ne quidem fortissimo igne eo adigi potuit, ut fluxa evaderet aut flueret. Quæ antequam cum sustinisset graveolens vilissimum pulveratum sulphur, postmodum inodora, fulvæ arenæ simillima evasit: Quæ an sale quodam fixo adhuc prægnans sit, id porro indagabitur. Refert idem author in suis ad me datis

datis literis, quod si ab igni fortissimo in tigillo candenti huic materiæ, tantillum recentis, quantum mucro cultri capit, fuisset adjectum, eam sponte sua fuisse incensam aliquo modo detorsisse, ac crepuisse exhalantem subrubicundum foetentem fumum.

Hanc crudæ sulphureæ materiæ aut terræ portionem, postero die *DN. Stobæus* per se aut sine ullo additamento sublimare periclitatus est, quo certo sibi constaret, an flores sulphuris ex eâ parari possent, sed irritò conamine. Nam licet decenter seu per ignis gradus incanduerit ea, nihil florum, sed solum & primo halitus, qui in alembico subrutilus apparuit, in aquam fusco & ferrugineo colore abiit; post dein auctiori igni, spiritus comparuere albidus, qui in ei similem colore aquam commutati sunt, quæ subacri sapore, & satis gravi esse odore inter destillandum adverti potuerunt, unde sale volatili sui generis, siue hos spiritus, siue albicantem aquam prægnantes esse, concludendum, meritisimò *Eruditiss. Stobæus* sciscit Quid quod pluviam, quæ depluit tonans æther, idem author in suis ad me datis literis testetur, sulphur redoluisse; inde perdoctè statuit ex hac observatione, secundum mentem Chymicorum, doctrinam de generatione fulminis

eiusque causis confirmari posse. Idem materiâ aut terram hanc sulphureâ infudit spiritui Terebinthino, cum non quodlibet, agat in quodlibet, & sulphurea sulphureis &c. digessitque eam, quæ blandissimo igne i. Junij subluteo colore liquorem infecit, odore balsamo sulphuris persimilem, de quibus omnibus ampliter hic non differam: Certus qui sum miracula non edi amplius hac mundi senecta; ast Deum causas secundas vel in pœnam vel solatium nostri pro immensa in nos bonitate disponere. Unde accidit, ut naturaliter circa Ver & autumnum, aut utraqve æquinoctia vel etiam solstitia omnis generis morbi, & præcipuè vel endemij v. g. scorbutus; vel epidemij, v. g. morbilli ac variolæ, pestis ipsa nos infestent: Eaque sæpè tamen non latius serpat, quam v. g. Pomerania, Megapolis, Holsatia, Cimbria sese extendunt, sæpè etiam vel solam & unicam civitatem occupet, cujus insigne exemplum in Hamiburgo & Amstelrodamo celeberrimis emporiis habemus. ceu quas utrasque omnes novimus pestilenti sidere 1663. & 1664. fuisse afflatas, sed per Dei clementiam non infecisse tamen Daniâ, Syveciam, Britanniam, Galliam: de-

Cniq; nec Germaniam, undiq; has provincias, Holsatiam, nempe & Hollandiam, & in iis nobilissimas has Europæas civitates circumdantes, ac quasi circūvallantes. Sed cum eadem pestis ex Africa feratur, primū immigrasse in Europā, ita ut non in Europa ipsa nata & quasi educta sit, valde rationi probabile videretur, aeris salubritatem modo recensitorum Regnorum, correxisse Deo benedicente ceu causas secundas pravas illas salinas & sulphureas atomos, quæ primo cives Amstelrodamenses, post de in Hamburgenses pessuriderunt. Cateroq; in indifferenter in omnibus partibus orbis aut hujus universi tria illa recensita, nempe aer aqua & locus ita variant, & vel amice in unum veluti effectum conspirant, vel etiam sibi ita contraria sunt, ut nulla, & ne quidem spatiosa Regio alteri confini & conterminæ in omnibus similis sit. Sic Vineæ in Germania vinum omnium optimum ad Rhenum nobis sufficiunt, & tamen illud quod ex tractibus illis, quos Rhenus & Mænus alluit aut præterfluit, longè lateq; exportatur, oppido variat, & alterum alteri bonitate cedit. Sic in Palatinatu omnium optimum ad pagos *Stech/Dibag/Maccebach* vindemiatur, quod ad alios ejusdem tractus non item. Sic in Moguntino tractu vina *Hochheimense*, *Lobenheimense*, *Weisennachense*, præ aliis vinis ejusdem Archiepiscopatus v.g. *Bingensi*, *Lorechensi*, *Andernachensi*, primas tenet. Quæ vina omnia Rhenana & audiunt, & sunt; at singula illa singulari colore, odore, sapore, ac cum aliis non communibus sese commendant. Sic inter Gallica vina vinum de *Confy*, d' *Haij* & similia probata sunt: contra *Aurelianense* pessimum audit, adeo, ut teste *Quercetano in Diætetico suo c. 6. p. 106.* testetur: In Galliarum Regis œconomina sancitum esse lege domestica, ne œconomus, cum ad hoc munus vocatur, *Aurelianum vinum Regiæ Majestati ausit propinare; Quod bona fide & jurejurando se præstiturum promittit; Etsi Aureliana vina inter cetera sapore quam suavissimo exhalant.* Eadem ratio cereviciarum est. Sic *Rostochi* solum genuina *Rostochiensis*? *Wismaria* *Wismariensis*: *Lubeca* *Lubecensis*: *Hamburgi* *Hamburgensis* cerevisia coqvitur. Sic placenta quæ extra *Noribergam* parantur, quia farina & aromata non subiguntur aqua *Norica*, quæ omnia veluti illarum elementa sunt, nunquam in tota Europa adeo grati saporis præparantur.

tur, quam quo sunt genuina illa Noribergenses. Ethoc est π' ἀπὸ τοῦ, quod adco Philosophos torquet, & exercet: Et hæc quoque, nempe aer, aqua, & locus in causa sunt, ut nunquam decoctum Thee eos edere possit apud nos Europæos, quam Asiaticos, aut in specie Chinenſes effectus. Imo juro tibi mentem injuratam minimè gerens, ut apud Euripidem est: quamplurimos Magnatum Nobilissimi hujus Regni mihi retulisse, se non percipere potuisse magnificas illas ac splendide laudatas decocti Thee virtutes, neu somnum id prohibuisse, nec se ad labores tolerandos alacriores redditos. Unus tamen itemque alter, catarihis obnoxius, mihi fassus est, se ab ejus decocti usu, longè melius, quam antidhac habuisse. Sic fando accepi, quendam Regium ad Belgas Legatum, cum antea *devenit* seu gravi auditu laboraret, usu jugi decocti Thee, Hagæ Comitibus sibi procurasse auditum, Naturæ congruentem. Ipsi in me ipso comperi, decoctum hoc esse diureticum; Esto. Non tamen diffiteor, unum itemque alterum eorum, qui longe lateque non solum in Europa peregrinati sunt, sed quoque in India Orientali, qui mihi sanctè affirmarunt, infusum Thee certò experimento dissolvere ebrietatem in Japoniâ potum, itemque somnum omnem citra dispendium virium abigere, sed si recordaris priorum, superius laudati auctores idem affirmarunt, quem tamen effectum hic in Europa edere non advertimus. Ego verò ut advenæ in Muscoviam feruntur vini adusti ingentem copiam bibere, aut ingurgitare posse, ceu arcus aquam bibit, quæ eos in Germania vel aliis Regionibus enecaret; ita scisco in China, Japonia &c. decoctum Thee cæteris adjuvantibus & concurrentibus in unum effectum, causis, potissimum singularem hunc edere effectum, in aliis Regionibus aut Europæis non item: Atque omnia hæc decoctum Betonicæ præstare pote est, herba nulli Europæorum ignota, Thee quid sit, modo studium non improbes meum, neu rejicias meum *τοξακου* Botanicum, aut Thee nolis esse nostratem Chamæleagnum, tu me doce, quid tandem sit Thee

-- -- -- *Erīs mihi magnus Apollo*

Sed ad finem mea properat oratio, solum de Indorum ac Chinenſium victu ac genio, aut moribus paucula afferam. In genere autem vi-

C deor mihi me observasse, Indos humectantis victus esse studiosos, quos Solis æstus temperent, & fructibus arboreis v.g. cerasis, oleraceis herbis, piscibus, ostreis, astacis, cancris magis quam aliis cibis vesci. Ut taceam R. P. *Michaellem Boym* Societatis Jesu Sacerdotem in Flora Sinensi mentionem injicere variorum fructuum, quorum quosdam Natura cœlo Europæo omnino denegavit, quosdam etiam Europæis similes, aut eosdem Sinensibus indulgit; quorum priores aut similes aliæ Indiæ Orientalis deliciae, quin [ut semel atque iterum innui in hoc meo *sextantio Botanico*] occasionem dare possint novis in Europa morbis nullus dubito: sed audiamus R. P. ipsum loquentem: *Regnum hoc Sinense* (inquit) *orbis compendium aut annuli, h. e. orbis, gemmam rectè dixeris, in qua scilicet plus pretij, rerumque reperitur, quam in reliquo, ut ita dicam, orbeto.* In australi plaga majores fervent æstus, ubi omnes Indiæ fructus lecti proveniunt uberesque: *Palmarum nuces, Musæ, Mangas, Ananas, aliique; in Boreali verò parte uvæ fert, ficus, castaneas, nuces alias omnis generis, Pomæ Persicæ, Cotoneæ, Pyra variis generis.* Vides interim, quam provida Natura, quod in australi plaga Indiæ omnino ignotos Europæi fructus, in Boreali verò Europæ non ignotos, & cœlo Europæo congruentes profert; Cur? Nam in priori seu australi æstus fervent; in Boreali non item. Vides ergo ipsam Naturam veluti repagulo objecto, nos aditu prohibere ad ignotos illòs fructus, tanto terrarum spatio ab Europa natos, ut contra iis in finibus Europæ conterminis natis fruamur, quorum ultimo loco R. P. Boym mentionem fecit. Nam quod præcipiamur quandoque ad insæta transire, id omnino locum hic non habet, Europæi enim sumus, Europæa quoque utamur diæta, ceu cibo & potu cœlo nostro congruis, quod etiam alio loco docui. Hinc vulgare illud, si.

-- -- *parva licet componere magnis.*
urbem nempe, cum universo orbe, vel hic locum habet;

Si Romæ fueris Romano vivito more

Si fueris alibi vivito sicut ibi.

Hæc cum commentatus essem, ac Amanuensi meo Filij loco dilecto Adolefcentulo *Johanni Wohlers Hamburgensi* describenda tradidissem; Contubernalis verò illius, Filius meus charissimus *Christianus Paulli Hafnienfis*.

*nien*sis ea legisset, putavit è re sua esse in mei honorem priora de variis potibus, aut quæ illorum loco veniunt, sequenti modo omnes quatuor orbis partes, quas inter Europa Regina est, cum Deas inter se altercantes de præstantiâ potus universi orbis Poëtico more introducere.

Orta Deas inter lis quondam maxima; potus
Laudibus illa suos tollere & illa suos.

Thee faultrix ASIÆ jactabat China saporem,

Ostentant *Cabova* Persica Regna suum.

• AFRICA tunc *Coffi Serbetq.* adducit, utrumq;

Instar divini nectaris esse putat.

AMERICES laudant *Chocolaten* Regna, Tabaci

Sæpius est, clamant, dulce vapore frui!

Stabat ab EUROPÆ *Cervisia* partibus orbis,

Ac in eâ variò quæ fluit *uva merò.*

Hos summo cerniens *Aselapius* æthere motus,

Hinc ait, hinc absint jurgia vana procul.

Quæque suos potus sibi servet terra; *Tabacum*

Quivis sumanti, dum lubet ore trahat:

Et cuivis liceat plenis hautire culullis

Serbet Thee, quivis fortiter usq; bibat.

Ipse EUROPÆIS *Vini* commendo liquorem,

Hoc uti modicè qui valet, ille valet.

Næ ergo veridici Saxones seu Megapolitani mei, qui ne latum quidem ungulam discedere à consuetudinibus Europæorum, illorumque diæta, ne pedem extra Europam efferre, quo gulæ inservirent, aut externas convehere delicias visi sunt, dum olim dicere, aut in ore hæc habere sunt soliti:

Drinck Wiltu/ und warff/
Drinck Beer/und verdarff/
Drinck Waater/und starff.

Latine dixeris.

Bibe Vinum & lucrare,

Bibe *Cerevisiam* & emacrare,

Bibe Aquam, ut moriari.

Ad!

SIMONIS PAULLI COMMENT.

C Ad quæ modo laudatus *Filius meus dilectissimus*, natus quasi annos quindecim, hoc Anacreontico allusit:

Vinum bibendo, vires
Acquiris, & ferendo
Sic aptus es labori.
Vinum bibendo, cautè
Tibi tuisque rebus
Tu prospicis, beatè.
Vinum bibendo vives,
Ingens enim parabis
Vinum bibendo lucrum.

Cerevisiam bibendo
Vires tibi labascunt,
Et robur omne perdis
Cerevisiam bibendo;
Tum teter hinc & inde,
Cerevisiam bibendo
Per corpus occupabit
Te marcor, & ferendo
Impar eris labori.

Aquam bibendo mortem
Laceffis, & Charonti
Aquam bibendo tristem
Lethes scyphum propinas.
Modicè bibisse posthac
Studebis ergo *Vinum*.
Cerevisiamq; posthac
Studebis improbare.
At *Aque* liquore prorsus
Studebis abstinere.

Sed quo non abeo; illud verissimum, majores nostros olim (ut hodie nostrates Islandi, Norvyagi) simpliciori victu utentes, ignaros adhuc multarum deliciarum aliarum Regionum, in seram usque senectam, inte-

integra valetudine fuisse usos, quorum nepotes vix ubi trigefimum, quadragesimum, quinquagesimum annum ætatis superarunt, jam longe debilioribus sunt viribus, quam parentes avi quæ; usque adeò, ut Lyricus Vates in nostram hanc ætatem respexisse videri possit, dum inquit:

Damnosa quid non imminuit dies?

Ætas parentum pejor avibus, tulit

Nos nequiores, mox daturos

Progeniem vitiosiorẽ.

Quid ergo ultimò illis fiet Europæis, qui in Europa victu & amictu gestiunt esse Asiatici, Africani, Americani, atque ita quasi liquesunt corporis voluptatibus? quis non vel prævidet, vel ratione assequitur? præsertim cum *Macrobius lib. 7. Saturnal. cap. 4. p. m. 488.* ubi defendit, cibum simplicem præferendum esse multiplici, ut qui sit digestui facilius, referat, quod Socrates sviderẽ fuerit solitus, illos cibos potius vitandos, qui ultra sitim famemve sedandam producunt appetentiam,

Atque herba Thee potus &c. &c. ultra sitim famemve sedandam, producit appetentiam ex decreto Chinesium;

Et illius seu Thee potus vitandus est.

idem esto judicium de Chocolatâ, Cossi &c. Sed his relictis jam ad Chineses iterum revertor, qui cum aqua potui assueti sint, & frugaliter vivant; hinc procul dubio illorum Medici, quos longe Europæis Practicis præferre videtur, *Martinius in Atlantis Sinici præfatione pag. 7.* præcipient eis, ut decocto Thee excrementitiorum humorum, quorum mater veluti humiditas est, generationem prohibeant, vel genitos eodem abstergant, & per accidens per alvum proluant, vel etiam per urinas. Moderatè enim calidum est Thee, subamarum & valde exiccans adstringensque, ut ex prioribus constat. Atque hæc similesque rationes faciunt, quis dixerit, meritò ut magni faciamus usum Thee, præsertim debili ventriculo. Sed omnimodè hic auscultemus *Cornelio Celsò lib. 1. de re Medica cap. 8. p. 47.* opus est, cuius hæc sunt: *Neq. credendum utiq. nostris est, (addo propria auctoritate sequutus Cor. Cels., non tam vinum quam Thee, Cossi seu Cahvva, denique Chocolatæ sive infusa sive decocta poscentibus) qui cum in adversa valetudine vinum aut aquam concu-*

C piverunt, deliciarum patrociniū in accusationem non merentis stomachi habens. Mecastor elegans & venusta est oratio, quasi dixerit: quò ut delitientur, quò ut sitim expleant; immerito immerentem ventriculum accusant; Cujus si quandoque recordarentur aliqui, & præsertim harum Chiniticarum deliciarum Patroni (de iis enim potissimum hic controvertitur) ceu qui tanti faciunt Thee, ut veluti ipsorum panacæa sit, parcius certè id, & præsertim in non adversa seu optima etiam valetudine forberent, vel aliis id commendarent, præsertim cum idem CELSUS antea cap. 3. p. m. 24. 25. præceperit: *Cum quis mutare aliquid velit, paulatim debet assuescere, quod enim contra consuetudinem est, nocet, seu molle, seu durum est.* Ego vero subsumo;

Atq; Thee bibere Chinesum in morem contra consuetudinem Europæorum est

E. Thee Europæis nocet, seu molle, seu durum est.

D Hinc nos Germani aliæq; Nationes maris Balthici accolæ vel Saxones, cum non assueti vino, neu id temperare aqua condoceremus, in Galliam & Italiam advenæ plerumque febribus malignis corripimur; cur? quia omne fixum figit volatile, contra omne volatile solvit fixum: Hinc in venis ac medullis Germanorum, nobis vivis contentus crassior foeculentior sanguis, (constans salinis & sulphureis partibus fixis & volatilibus) à mutata in Galliis diætâ, accedente Solis calore & cœli diversitate, subtilisatur à Tartaro & sulphure vini Gallici, præsertim in iis Germanis, qui diætæ in patria ac valetudinis fuerunt studiosi, seu valetudinē diligenter curarunt suam; ast qui eam insuper habuerunt, eorum sanguis non subtilisatur solum, (scio me Barbarizare cum indoctis Chymicis) verum etiam fermentescit, ebullit, ac despumatur, unde etiam macularum in vivo corpore omnigenarum copia, sanguine diversissime corrupto, veluti efflorescit, eaque nos obsiti ac picti conspiciamus, de quibus amplius à me actum in Digressione mea de Febribus malignis §. 4. 5. 6. 7. Quid quod ipse noster Hippocr. lib. de fract. sect. 6. p. 700. maxime esse considerandum præcipiat, quod *Natura à Naturâ & ætas ab ætate plurimum distet.* Verum quotusquisque Europæorum est, hæc qui consideret?

deret? Attamen commonefacere me cos decet, ob has Medicorum Latinorum & Græcorum antistitum rationes, ne pergant Thee Chinitico abuti, aut se eo corrumpere, præsertim cum advertamus, illius virtutes haud suppres esse illi elogio aut laudibus, quibus Chineses, Japonenses &c suum Thee ad cælum efferunt. Ob insignem autem & singularissimam, (ut ita dicam) exiccandi vim, quæ id præ aliquam multis herbis Europæis pollere non diffiteor, tantum abest, ut longævitatē in nobis Europæis procuret, & præsertim post statam ætatem, aut in nobis quadragenariis, ut potius (loquor de illius jugi usu) senectam acceleret, quæ senectus quasi definitur, *quod sit liquor vitalis, longævitate siccatus*, ut Macrobius lib. 7. Saturn. cap. XI. pag. 508. loquitur. Nam *senecta sicca est, inopia naturalis humoris, humecta est abundantia vitiosi ex frigore procreati*, idem ait. Cum ergo ratione sulphuris sui, quo Thee præditum, magis exiccet, quam calfaciat verbi gratia ZZ. Cinamomum, Piper, Cubebæ, Cardamomum, Costus Arabicus faciunt, nonne hinc necessariò inferitur, etiam nocere senibus, iisque qui sicca sunt temperie, & raræ texturæ. Atque ob hanc siccam Senum constitutionem, quam nullus Medicorum, arte prohibere potest, neque marasimum senilem, accidit, ut siticulosi sint, aut instar sive Ennij, sive Homeri vinosi audiant, cervice se supinantes (ut Taubmannus loquitur) plusculum cerevisiæ adbibentes, unde illud Germanicum:

Ben een junk Mann wüste /
Wo eenem Olden een Drunck lüste:
So wurde he spaaren/
In synen jungen Jahren.

Idem jambi hi senarij Filij carissimi his verbis indicant:

*Incanta quod si sedulò perpenderet
Secum juvenus, quam senex desideret*

M

Fru

C

*Frui Falerno vel liquore Maſſico;
Non tam frequentes hac ſua tenellula
Ætate ſumptus, credo, tunc impenderet;
Arctiſſimè ſed ſacculi nummarij
Nodum, futura cogitans, conſtringeret.*

Damnosa ergo & ſenibus fatalis ſiccitas, non calor facit, membris ſub-
frigidis, aridis, cuteqve corrugatâ, ut appetentes potus ſint. Hinc ſiti-
unt ob ſiccitatem, non ob calorem, & appetentes humidi ſunt. Unde
paſſim in meis commentariis eis humectam diætâ commendavi.
Hinc maximè eæ Nationes ſibi in Europa cavebunt ab uſu Theé, quæ
præter decoctum Theé jugiter vinum bibunt, ne quocunqve modo ſu-
bitò immutent diætâ, ac in ſpecie victum. Ex quibus cum quidam
natione Gallus, magnæ authoritatis, ac prudentiæ ſingularis, *perilluſtri-*
cuidam Heroi, ac Comiti Europæo & quidem iisdem ſideribus nato, ubi æ-
què ac hic apud nos,

D

-- -- -- *plauſtra propinquior Arcas
Circumagit, prono metuenti agurgite tingi,*

authoreſſe vellet ac perſaſor, cum biſterue quotannis catharrò quan-
doqve corripetur, immutaret diætâ, deſineretq; vinum bibere, vel
certè id aqvâ dilueret; Se enim advertiſſe (inſtabat ni fallor Medicus)
frigidâ valdè temperare acres humores; Heros verò ille Magnanimus
quæreret ex illo, an ergo optima ipſuſeſſet valetudine; qui & quâ opti-
mè ſe eſſe ipſi reſpondit, cui Comes: heus tu, inquit, bibe tu aqvam aut
vinum aqua remiſtum ad ſatietatem uſqve; Tu tamen tua ſvada mihi
non perſvadebis, ut leviculorum catharrorum cauſa, qui rarò mihi mo-
leſti ſunt, Te conſultore permutem diætâ Gallicam aut Italicam, cum
Septentrionali, ſive Danica, Germanica, aut illi ſimili, qui velis, ut vini
acceſſiviſſe loco aqvâ bibam. Nam Dei gratia habitior ſum, ſucci plenus
ſum,

sum, facie floridâ sum, & ventriculo valido sum: eodem habitu fuerunt Majores mei, Parens, Avus, Atavus, Abavus, Tritavus, Heroës septentri-
oni notissimi, qui eadem diætâ mecum usi sunt. Ego verò eorum Nepos
valde vereor, si ego sexagenarius jam aquam bibere occiperem, ne Te
magis quàm illos repræsentem quod non finit valetudo mea, nec mihi est
integrum. Quippe Tu hydropota jactes licet tuam valetudinem, tamen
vesco corpore es, rara textura es, cadaverosa facie es, vix ossibus hærens,
sceleto aut umbræ potius similis es. Atque ô utinam hunc *illustrém*
Heroa, Catonem alterum dixeris, complures imitarentur & præsertim
Senes & Thee fastidirent, aut respuerent, quod adeò exiccat Chinenfes
hydropotas ipsos ut mox audiemus, vix ut exspuant. Sic ingens Per-
farum error & aliorum omnium est, qui putant semen Bon aut Ban,

quod tostum Cossi dicitur, & illius decoctum, aqua Cahvæ aut Cossi
(quod inter alia rariora cælandum curavi in tabula post Historiam Co-
chleariæ Nō. XI. XII. II. 12. Quadripartiti mei, inferendâ) adeo frige-
facere eam frequentius bibentes, sorbentesve, ut omninò elumbet Vi-
ros, aut eorum nervum rerum gerendarum in thalamo vel conjugio ita
enervet, ut eum lorum in aqua (sic Petronius loquitur) dixeris cum Per-
sas insigniter exiccet. Nec immerito Regis Sulthan Mahmud, Ca-
sîn conjux, postquam ille dictum in modum corruptus esset, ac ob hoc
vitium ipsi maritale vectigal persolvere ineptissimus esset, (sic loquor
ego, cujus studium ac sedulitas tot annos castè integreque in anatomi-
cis fuit versata) conjugis dulcissimæ suavissimæ suæ omninò im-
memor; summè detestata est aquæ hujus usum, ubi aliquando de
fenestra prospiciens, cum *τα δειντα* procurarentur, aut apportarentur
ad castrandum generosum Persicum eqvum. Fertur enim illa, ce-
leberrimo *Historico Oleario teste dixisse*: superfederent omni isto labo-
re, nec tanto apparatu ad castrandum eqvum opus esse, solum id a-
gerent, potaretur hic abominandâ Cahvæ aquâ, sic eqvum hunc
Regi suo perfacile fore persimilem. Sed juvat ipsius authoris ver-
ba in vernaculâ audire: Dann als Sie einstmals / im Fenster gelegen /
und gesehen / daß man einen Hengst zu Wallachen niedergeworffen / habe sie
gefraget / was daß bedeuten solte? Und da man ihr mit verblümten Worten

C fürbrachte / wie man dem Pferde die Wollust / und den Muthwillen benehmen wolt / daß es nicht auff andere springen / oder sich an die Stuten kehren sollte / habe Sie vermeinet / es wäre diß alles nicht nöthig / man solte Ihm nur das schändliche Chavvæ Wasser zu trincken geben / es wurde dem König bald gleich werden. Vide modo laudati authoris vermehrte Moscovitische und Persianische Reisebeschreibung zum andern mahl heraus gegeben 1665. lib. 5. cap. 17. pag. 598.

Sed quis erroris insimulabit Persas, quis dixerit hæc cum præstare queat sive nucleus hic, sive semen hoc ex Ægypto in Persiam delatum? ingens sane Persarum error est. Nam non quod frigeant, sterilescent Persæ, sed quod clanculum semineque exiccentur non à qualitate passiva aut secunda, siccitate nempe Aristotelica, sed à sulphure Cahvæ sive Bon vel Ban seminis, ipsi proprio ut opio, ut Tabaco, ut Agno casto sua propria sunt sulphura. inter quæ ultimum seu agnum castum seu viticem, cum Gal. noster calidam & siccam in tertio gradu, instar rutæ statuat cum magna partium tenuitate; quæ per Deum quæso te, vitex contra naturam semen frigefaciendo libidini adversaretur? Quod sic-

cando non tam partium tenuitate, quam ut dixi, sulphure suo ipsi proprio, imminuit. In viticem verò nemo doctius aut accuratius commentatus est, quam incomparabilis Hoffmannus cum in variis lectionibus, tum de medicamentis officinalibus, quem vide, à quò, securò sua, ego sequutus mea dogmata, si superesset adhuc hoc tempore, impetrarem perfacile, ut quæ Gal. noster partium tenuitati, non simplicium omnium, sed eorum, quæ tota substantia agunt, ut opium, ut tabacum, ut agnus castus seu vitex, ut Thee Chiniticum, ut Thee Europæum seu myrtus nostras Brabantica, aut Chamæleagnos Danica aut Germanica, transcripsit, consentiret mihi, ea deinceps sulphureis illorum partibus tenuibus & impensè siccis largiremur; cuius rei hæc indicina est, *quod semen Agni casti caput petat* (sic ex prioribus constat semen Chamæleagni potissimam esse causam, ut nostras Chamæleagnos rusticos in ebriet) & non effert quidem status in caput, ut cum Hoffmannino loquar, sed cum id eo partium tenuitate pervenit, (seu ut ego loquor, valde sulphu-

fulphureum sit) *non secus ac vinum, cujus odorem & saporem habet, ut Plinius scribit* (quæ omnia vini attributa, à sulphure nervis grato proveniunt, æque ac Chamæleagno nostrati) *caput occupat, & somnum facit*, quod sola partium tenuitas Galenica nunquam præstare potis est: ast pergo porro cum Hoffmanno loqui, cujus rei indicium est (nempe quod sit tenuium partium, ego sulphurearum dixerim) *quod semen agni casti flatus in imo ventre discutiat quidem tam crudum, quam frixum, sed frixum potentius* (jam arrige aures Philalethes) *frixo interim non ita petente caput.* addo ego, atque ob frixionem aut mitem tostionem, ut ita dicam, quâ Chineses artificiosè & magno studio suum Theé in China exiccant, cæteris paribus, accidit, ut illorum Theé ab actis maximam partem sulphureis partibus, (quam tostionem nos in Europa in nostro Theé seu Chamæleagno aut Myrto Brabantica insuper habemus) insomnes servet Chineses, hæc temulentos rusticos nostros reddat, aut ebriis similes; illud somnum abigat, hoc veluti somnum provocet, neutrum Theé Chinenium & Europæorum occultâ qualitate, sed manifestè sulphureis partibus; Chinesi paucioribus, Europæo seu Chamæleagno nostrati pluribus præditis. Sic notum est præparatis viperis hodie impune vesci nos posse; Diosc. etiam olim in cibum torruisse Scorpiones, tantum interest arte, & à natura quid fiat. Sed pergam loqui de agni casti aut viticis seminis tostione, quod *nimirum dum frigitur* (inquit, audi sis, quæso te, Hoffmannus) *pars illa insigniter subtilis dissipatur &c.* quam partem insigniter subtilem, partim in hoc ipso commentario, partim in aliis meis semper appellavi sulphuream, quam Persæ ex Aegypto petito semine Bon vel Ban, artificiosa ustulatione quoque abigunt. Vides verbis inclitum Hoffmannum solum à me dissentire, in rebus nos convenire. Idem de Chocolata etiam affirmandum. Concludo ergo omnia hæc exiccare ratione partium sulphurearum. Quorum omnium per ipsam *virtutem* obtestor Europæos Mag-nates, cujuscunque sint Nationis, nempe quæ hic de herba Theé

B

SIMONIS PAULLI COMMENT.

C itemque Cahvæ aqua allata sunt, semper recordari, imo veluti animo inscripta habere velint. Venienti occurrite malo, humectantibus servate juventam, ac siccantibus istis sulphureis (calidorum moderatorum usum non interdico) ante tempus tardigradam magnis passibus incedentem, aut potius ultro nobis insciis lente obrepentem siccam senectam accersere nolitote; Quorum nemo vitio mihi vortet, ego quod eadem identidem repetere, ac malos imitari citharados ipsis videar, aures nostras ridentes oberrantes chordâ eadem; ad quod rei, &, quam tracto, causæ difficultas, me adigit; insuper hic loci habentem Rhetorum leges, aut illorum aurium suavia condimenta: *salus populi suprema lex esto politici decernunt*; & mihi non liceret quocunque inconcinno, interciso & interrupto dicendi genere servare non populum solum Romanum (proh si quis vel civem solum servasset, quanta ille præmia) sed omnes, omnes Europæos: aut potius illis solum ad oculum demonstrare, haud expedire ob usum

D Theæ nostram dietam cum Asiaticorum aut Chinenesium permitemus. Quantopere ergo & quam magnificè R. P. DN. *Martinus Martinus* commendet victum Chiniticum dum in præfatione sui Atlantis Sinitici. pag. 9. ita scribit; *Potus* (Chinenesium) *semper calidus sit oportet, sive is ex aqua sit, sive ex vino, ex oryza coctus; in aquâ bulliente Cha ibi herbam nominatissimam macerant, & ita calidissimam hauriunt.* Plane ubi adfueri (ubi? in China intellige minime in Europa, hæc enim alios mores aut aliam vitam postulat) *Sinas laudandos dixi, damnandosq; Europeos, ita frigido potu gaudentes. Ibi enim calidam potitantes & sitim extinguunt, & humores exiccant, unde vix unquam expuunt, nec calculo aut stomachi cruditatibus, ut hic (intellige in Europa) laborant, longeque pauciores morbos, nec ita graves sentiunt, calculum, podagram, chiragram & similia nesciunt*; Attamen non me, neui alios Europæos Medicos, quod pace summi Viri præclarissimæ famæ, præclarissimeque de tota Europa meriti, Martini dixerim,

èò adducet aut persvadebit nobis ; nostram diætam cum Indorum permutemus , vel nostram ad illorum corrigamus, quorum quidam adhuc ob Pythagoricam Metempsychosin ipso *Martinio* teste, *esu carniū sanctè abstinent*, quibus

-- -- *scelus est in viscere viscera condi*
Congestoq; avidum pinguescere corpore corpus,
Alteriusq; animantem, animantis vivere letho.

Dico ergo fallaciam hic committi insufficientis enumerationis causarum. Neque enim universa salubritas Chinesium, ut superius docui, ab usu solius Thee dependet, sed complura alia ad eam concurrunt (hinc locum illud Germanicum adagium invenire posset ; Zum Tanq gehöret mehr als ein paar rother Schuh) ad quæ enarranda omnia hic locus non est. Solum ex *Johannis Beterij Benesij Amphiatridio Lubecæ Anno 1600. edito*, observo in *China reginonibus*, tantam esse cæli benignitatem, aërisq; salubritatem, ut non meminerint ibi aliquando pestem universalem fuisse. Obiter etiam noto ; & quidem in gratiam eorum, qui theatri *Europæi Johannis Bleau parte sexta sive novo Atlantæ Celebratissimi Patris Martinij carent* ; ex illius præfatione pag. 7. singularia quædam & notatu digna de Medicis Chinesibus : *In Medica arte* (inquit) *si praxin spectes, nos (Europæos) superant, plusculum quidem illis disputant, speculanturque nostri ; at facilius & melius illi morbis medentur* ; quod facile credo, cælo usque adeo miti & benigno : Quod si verò quis eorum hic ad mare Balthicum praxin exerceret, ubi endemiō morbo scorbuto nempe laboramus, credibile est haud facilius, nec melius cum quam ego ac alij *Europæi Medici huic mederi posse. Medicos multos esse nomine, re autem perpaucos testatur noster Hippocr. in lege sua.* Idem in prisca *Medicina* pag. 16. ait quodam *Medicorum plerique malorum navium gubernatorum, ipsi simillimi videntur, quod, si tranquillo mari na-*
vim

SIMONIS PAULLI COMMENT.

Criminatur regunt, nemo eos peccare deprehendat. Quod si eos vehemens ventus ac tempestas oppresserit jam omnibus manifeste constat eorum imperitia, & culpa, navim fuisse perditam. Sed à defensione iusta Medicorum Europæorum, ab eo cum Martinio iterum ad Asiaticos, qui paucis intermissis l. c. testatur, quod Chineses Medici ut plurimum ex simplicibus ac decoctis, medicamenta conficiant. Uisiones frictionesq; adhibeant, sectionem venæ non item; quam illi gravissimum errorem autument. Jejunio potius aliisq; refrigerantibus sanguinem ad debitam temperiem reducant, ajunt non ideo quod ferveat in olla effundendum jusculum (mecastor venustum exemplum, aut satis concinna comparatio ebullientis sanguinis cum fervente olla) sed si compescere velis, ignem subducendum. & iterum paucis intermissis: Artis Chymica Professores & hic non rari ubiq; vagantur, non aurum modo pollicentes sed & immortalitatem in hac vita, quorum pene idem, qui Europæorum scopus est, splendide mentiri scilicet, & nimium credulos, avarosque istis offuciis fallere.

D Nunc redeo ad priora, nempe aërem, aquam & loca. Sic nec reticendum, cum teste Martin. loco citato pag. 5. China seu extrema Asia, fodinis omnium metallorum v. g. auri, argenti, Mercurij seu argenti vivi, ferri, stanni, cupri, minii, lapidis lazuli, vitrioli abundet, valde vero esse simile, quod Chinesium aquæ ex montibus scaturientes, æque ac Europææ quam plurimæ, medicatæ sint, aut partem participant eorum mineralium, quæ alluunt, aut per caecos mæandros sæpè ex satis dissito loco scaturientes, profundant ea in stagna & fluvios. Sic cum teste Georg. Agricola rerum metallicarum peritissimo lib. X. de Natur. fossil. cap. 18. pag. 758. in Saxonia Goslaræ reperitur rubrica atramenti sutorij succo infecta (idem vitriolum audit) similiter Ochra: item Agricola antea lib. 1. de Natur. eorum quæ ex terra effluunt cap. 4. pag. 185. docuerit, Ochram fluvium ab Ochra colore nomen invenisse, illumque eo esse infectum, & luteum, ubi rivulus ex Rame-

Ramelo monte in ipsum influit: Quis jam non rationem dare poterit, cur Goslariensis cerevisia Germanicè *die Gose* dicta usque adeò diuretica sit? Sic cerevisia Garlabiensis Helmstadii *die Garlsen* dicta, medicata est. Hinc teste celebratissimo Hoffmanno in paral. officin. c. ult. p. 699. lit. k. *Ea & curat & facit morbos in non assuetis. Est enim aqua Thermalis, cujus rei indicium est sapor ille alienus. E contrario cur tam amabilis est Turgensis, wieder Wein Brunn zu Ober-Schwalbach?* stagnum illud è quo coquitur cerevisia illa, habet minerale quid, quod vectura facile perit, ut in aliis quoque fit. Ideò AUGUSTUS Elector Lipsiæ nihil aliud quam Rastrum coxit. Summa, nolim quemquam esse securum in usu tam acidularum, quam Thermalium

— — non gloria nobis

Causa, sed utilitas officiumq; fuit.


Hactenus ille. Ego verò ex genere mineralium aquarum quoq; illam esse auguror, cujus R. P. DN. Martinus in descriptione nonæ provinciæ Kiangnan Chinæ, quintæ urbis Chang-Cheu dictæ, his verbis p. 102. describit: *Prope Kiangin mons visitur Chin, fabulosa Sinarum historia inclutus, siquidem ibi mulierem à cervâ partu editam volunt, Leang rivulus ex parvo collo Hoei profluit in lacum prope Vusie; ejus origo fonti debetur, qui Hoei dictus est, cujus aqua apud hanc gentem secundum obtinent præstantia locum, atq; ego ipse adeò bonam hanc aquam, meo etiam experimento comperi, ut credam, Sinas minimum hic aberrare à vero, hac de causa etiam à magnatibus ubiq; expetitur. cum plurimæ naves isthac transeant, vix ulla est, quæ jam in vasis paratam, vilissimo pretio non emat, quamvis si tantum ibi morari libeat, cuivis quantum lubet, haurire liceat: ad provincias maximè remotas hinc devehitur, inò in Regiam usq; PEKING. Eam enim pro potu Cha conficiendo maximè rentur aptam, ac eam ob rem coemere solent. Hactenus ille. ubi autem quæso hic in Europa venditur, aut comparari potest hæc aqua Chinitica? Idem in decima quinta provincia Junnam, & in ejus metropoleos descriptione p. 157. refert, in monte Xang, versus urbis Boream fontem reperiri aqua frigidissima, quæ tamen paralyticis*






C *lyticis mirè prodest.* Idem in decima quinta provincia Junnam p. 163. testatur reperiri fontem Hiangkui dictum, i.e. aquæ odoriferæ, quia vere præcipuè redolet, quo tempore incolæ ob rei insolentiam sacra fonti faciunt, & aquam vino mistam seu liquori ex oryza confecto ebibunt: hanc aquam multis morbis mederi volunt. Quod autem aquæ illæ metallicæ sint, aut partem alicujus metalli participant, id, ut credam, duo sunt, quæ me in hac sententia confirmant; quorum prius est, quod modo laudatus author retulerit, hunc rivulum ex fonte prope Uusie civitatem ex parvo colle Hœi profluere; alterum quod hujus lacus aqua ad provincias maximè remotas hinc devehatur, imò in Regiam usque PEKING, eamque ab aula aut potius aulicis pro potu Cha conficiendo optimam haberi. Optima autem longè lateque æveta, incorrupta diu permanere non posset, cum multum decedat virtutis, vel Spadanis acidulis, missis in provincias confines Germaniæ; nisi sale sui generis plurimò abundaret. Sic pluviam nostram Majalem multo sulphure & sale abundare, ac aliàs pluviam incorruptissimam diu servari posse, non aliam ob causam, quam modò recensui, palàm est Europæis omnibus; quod nec religiosos fugit, ob quas illius virtutes ex illa potius, quàm ulla alia lustralem aquam *Wenhwasser* conficiunt. *vid. sis Digress. meam de febribus malignis Anno 1660. Francofurti editam §. 44. p. 55.* Neverò has meas rationes, quis, meris conjecturis annumeret probatione cassis, probabo rem ita se habere: Author est sæpiculè laudatus *Martinus* l.c. pag. 102. *Non de nihilo quoque civitati Gnihing nomen esse inditum. illud enim terra gloriam sonat, quod hac de causa illi impositum est, quod ibi siglina arte vascula illa fiant, quibus ad diluendum epotandumq; Cha suum tanquam aptissimis utuntur: idcirco autem ea, Sinæ Kiang Sinensibus splendidioribus licet, magisq; diaphanis præferunt, quod saporem aliquem ac odorem à Sinis expetitum, potui illi tribuant; unde maximi apud eos sunt, totaq; civitas eo in opere plurimum occupatur: Quadam ex iis vasculis magno veneunt pretio, ac Estremosia illa Lusitania aut superant, aut æquant.* Hactenus ille. Cum itaque & odorem & saporem Sinensibus gratum quasi spirit






rent aut resipiant hæc vascula, ab infuso herbæ Thee caldo: Saporis autem causa sit Sal volatile, sulphur odoris, quæ vix ac ne vix quidem vel arte Chymicâ ab invicem aut ægerrimè separantur; certè cum salis sit penetrare rerum essentias, fieri per rerum naturam aliter non potest, quin aqua illa ex fluvio, aut lacu, cujus non ita pridem facta est mentio, hausta, aliàs inodora, (sic enim odora, *DN. Martinus* solertissimus id indicasset, æquè ac fecit de tertio fonte) ex vasculis illis pretiosis, terram Lemniam vel etiam Silesiacam repræsentantibus, quicquid odoris & saporis possident, sensim extrahat. non autem extraheret, aut certè longe segnius aut difficilius ex argilla illa, ex qua vascula illa facta sunt, nisi sale penetrantissimo, illa aqua Leangrivuli aut fontis Hœi, & fortè vitriolò (docuit enim *Martinus*, vitrioli fodinas quoque reperiri in China) abundaret; quod enim quis non possidet, alteri communicare non potest. Sapidum quidem est Thee, ast non grato est sapore, ut ex prioribus constat. Non ergò is sapor ac odor, quos inter Thee bibendum percipiunt Chineses ipsi Thee herbæ, sed vel aquæ vel ipsius & alibus, vel utrisque acceptus est ferendus, aut utrisque debetur: Aquæ quidem isti minerali minimè noxiæ, ex accidenti; ipsi terræ aut argillæ per se: Aquæ, ratione salis sui mineralis extrahentis ex vasculis ipsis proprium sal, sulphurque; vasculis eadem illi communicantibus. Ob quam singularem & argillæ Gnihengensi propriam virtutem, ex qua vascula illa sua fingunt Gnihengenses, illorum civitati hoc nomen impositum, quod teste *Martinio terra gloriæ sonat*. Nec novum & inauditum inveniri ejusmodi suaveolentes minerales terras: Sic in Ducatu Kalenbergensi in Germania nostra effoditur minera quædam bituminosa, inter terram, argillam, lapidem intermedia, quam si lingis, sive ei superfuderis, frigidam & præsertim pluviam (ipsus hujus rei feci periculum abhinc circiter viginti annis, in frusto quodam dono quod datum erat, non recordor, à quo, Socero meo jam piæ memoriæ *Iacobo Fabricio* Medicorum Regionum principi) ipsius violæ martiæ ipsissimam fragrantiam æmulatur. Sed quis dixerit,

Crarò vascula illa in Europa conspici, imò corvo albo Norvvagico esse rariora. sic est; adeò quippe pretiosa hujus generis vasa fictilia sunt, ut singula non ausim dicere, quanto veneant pretio; vix libræ medicæ capacia. Horum autem par elegantissimum, terno id factum diceres, usque adeò enim nitet & perpolitum est, cum scirem *Serenissimum ac Potentissimum Regem Danie ac Norvvagia, DN. DN. meum Clementissimum FRIDERICUM TERTIUM, vivat! vivat! vivat! Patriæ hic Pater, alter Augustus*, servare sibi una cum aliis utensilibus Chiniticis, inter pretiosiora sua torevmata, quam fieri potuit humillimè, ac par erat justa veneratione & cultu condigno, oravi S. R. M. mihi indulgeret clementissimè, ob publica studia, (quæ impensè S. R. M. promota unà cum artibus ingenuis cupit) ut depicta aut calata ea publici juris facerem; & ecce annuit clementissimè mihi ea exoranti; quæ proindomæ *inclutæ ac liberæ Reipubl. Argentoratensis Matheseos designatus Professor simulq; graphices peritissimus DN. M. IVLIVS REICHEL*T, **D**ca qua vides solertia depinxit: Ut verò non solum quam fieri ulla arte potuit accuratissimè pretiosissima hæc fictilia & alia utensilia Chinenſium γλύπτῃς sculperet, sed quoque quis ejusdem magnitudinis sibi comparare posset, sedulo ab illo curatum; quod illius modò laudati mei Commenfalis de ipſo bene merendi nunquam satis laudatum studium B. L. benignè accipiat, uterque contendimus; cujus hæc sunt:

EN operam, Benevole Lector, quam in delineandis quibusdam utensilibus Chinenſium, rogatu Plurimum Reverendi, Excellentissimi & Experientissimi DN. D. SIMONIS PAULLI, Hospitis mei tum temporis liberalissimi, bono rei literariæ publico commodare volui, debui. Eam ut æqui bonique consulas submiſſe, amicè rogo. Quandoquidem vasa ista, nec ad artis Pictoriæ nec Perspectivæ, ut appellant, præcepta, accuratè depicta cernis; sed ad modum, quem Mechanici usurpant, cum mensuræ ratio habenda est, & Jesuita quidam in Perspectiva sua practica Parisiis Anno Æræ Christianæ c1010c LIV. recusa, pleniustradidit. Mensuram autem observandam duxi, ut in rariori hujus scripti materia & accuratissimo VIRO supra commemorato, & curioso fortasse Lectori satisfacerem. Cæterum exhibeo valis *Fig. IX.* designati orthographiam. *Figura III.* Scenographiam, & *IV.* orthographiam intuenti obijcit ejusdem







ejusdem vasculi. In *Fig. VIII.* vasis *M.* scenographia, operculi *N.* orthographia cernitur. Reliquorum omnium scenographias descripsi. Pedem Geometricum Rhinlandicum adhibui, ad cuius mensuram omnes vasculorum istorum partes ea proportionem & symmetria conveniunt, qua delineatorum ad minoris *Figur. XIV.* appositi pedis denaria subdivisione distincti. Solum *Fig. XIII.* repræsentatum instrumentum ligneum prototypo suo magnitudine planè congruit. In omnibus longitudinem & latitudinem diametris & diagoniis, altitudinem sive profunditatem perpendicularibus notavi occultis. Denique haud fore spero, ut scrupulus suborietur Mathematicum perito Lectori in tubulo illo tetraëdro, quo in *Fig. I.* aëri ad prunas in adjecto Caldario positas, excitandas patet aditus. nec in *Fig. IX.* cuius duo pedes, quorum alter alterum visui aufert, gemina arguit umbra. Operam in hac delineatione dedi, præsciscine dixerim, sedulam, quod si quid erroris surreperit, id injuriis, quibus charta obnoxia: utpote quæ calore vel modico siccata junctius coit, humida dilaturatur, aut Chalcographo insigni alioquin artifice; at in huiusmodi operibus cupro inscribendis minus exercitato adscribes. Paucula hæc sunt, quæ rogante huius scripti Authore Celebrissimo adjicienda videbantur. Vale.

DESIGNATIO ET EXPLICATIO FIGURARUM, utensilia quædam Chinenſium repræſentantium.

B

Figura I. A. Ex cupro Chinítico elegantissimo affabre factum vasculum lageni-forme, bractea eupræa, seu pariete intergerimo aut mediano interstinctum nobis unâ cum ansâ exhibet, quod primo aspectu unicum & simplex, est si lustras id, aut accuratius intuearis, geminum ac duplex, duplicibus quoque operculis id esse advertis. Quippe prius lit. *A.* foculum aut furnulum meritiſſimo dixeris, seu in quem conjiciuntur prunæ, cujus præfurnium clathratum lit. *B.* denotat, per quod prunæ ventilantur, ut acris urant: alterum aut posterius vasculum in internâ superficie aut concava parte stanno obductum, aut, ut ita dicam, stanno incrustatum est, vel exiccanda, vel coquenda herbæ Theæ aptum, præditum tubulo peculiari, cuius operculum lit. *a.* denotat, cuiusque beneficio clausis ac operculatis grandibus illis operculis *C. D.* vapores Theæ eo remota exhalare, vel tubulo imposito, pro lubitu compeſci queant.

Fig. II. E. Vasculum eupreum est, in quo vel Theæ coquitur, vel exiccaturæ reconditur, tubulum illius *E.* operculum vero *F.* denotat.

Fig. III. & IV. G. G. Unum idemque vasculum diverso aspectu exhibet, cuius concava pars subtilissima lamina aut bractea deaurata inducta est; exterior & convexa, Chinítico artificio lacca incrustata est.

Fig. V. lit. I. I. duo folia repræſentat, quæ inter *N. I.* Genuini Theæ Chinîtici foliolum jussu meo, sed studio artis pharmaceutices studiosorum maceratum, curiosis post deinde

C

ipforum manibus explicatum, arteq; complanatum est. N. 2. Chameleagni Megapolitane seu nostratis Porri/ Germanica Post/ Gallica Piment Royal, Belgica Gagel ab Anno 1622. in Boithanoteca mea servata, & à me in Megapoli lecta & arte exiccata nobis exhibet.

Fig. VI. K. Aliud, & ut puto, spurij aut nothi Thee Chinitici folium ex China allatum.

Fig. VII. L. Spira Theophrasti Clusio authore, hic Hafnia in viridariis Magnatum crescentis folium; Chinitico Thee spurio, aut quo leguminum adulteratur, adèd persimile, ut ovum ovo, lac lacti est.

Fig. VIII. M. Pretiosissimi ficiilis polygoni aut Carchesii, quod vel ex terra Lemmia vel Silesiaca sigillatis fictum diceret, figuram representat, cujus operculum N. catenula elegantissima optimi zuri O anse illius, P concatenatum est, aut ex ea dependet, rostrum aut tubulis illius Q. exquisitissimo artificio ejusdem notæ auro prænuntium est.

Fig. IX. R. Aliud ficiile quoq; rostratum, sed diversa à priori, eaq; subrotunda aut oblonga forma, cujus operculo annulus indius ex argilla solium fictus. S. aptus ad id removendum vel aptandum ora ficiilis. Utraq; hæc ficiilia fragrantissima sunt; quorum prius spadicæ propemodum est colore; posterius ex subrubro albicat.

D

Fig. X. T. AENEUM stanno inductum vasculum denotat, capax q. uncias quatuor, cujus inferior pars circa lit. V. ita lignea lorica obducitur, ex ligno Europæo alicui cribris conficiendis persimili aut apto confecta, ceu gladius in vaginam reconditur, quem ut pro lubitu evaginare, ita huic poculo loricam detrahere potes. puto autem Chineses huic poculo caldum Thee, sive infusum, sive decoctum, infundere, quo ne manibus id officiat, si non eas ustulet, cate id dicto modo loricant, quo tanto commodius decoctum id versare queant, ne labia linguamq; justo ferrentius, & calidius quasi adurat.

Fig. XI. lit. X. Loricam illam ligneam aut manubrium ligneum detractum seorsim exhibet.

Fig. XII. Y. Tudiculam ligneam unà cum manubrio hemicyclo ligneo representat.

Fig. XIII. Z. Spathulam aut rudiculam ligneam urvam, aut repandam denotat.

Fig. XIV. Pes est Geometricus minor denaria subdivisione distinctus.

Sed de Vasculis hoc observatione dignum, quod tam gratissimo sint odore, ut ad Juniperi, Cupressi arboris aut ligni aloës fragrantiam quamproximè accedant, quæ terræ procul dubio bituminosæ, ex qua ficta sunt, debetur, aut ei accepta ferenda est. Sic recordaristerram illam bituminosam Kalenburgensem violas redolere, atque hanc vasculorum fragrantiam quam tantopere, ut testatur *Martinius*, expetunt Chineses inter Thee bibendum, facere, ut maximi apud eos fiant, & ex iis quadam magno veneant pretio;

pretio; quæ sive vascula sive ollas, si recordaris priorum, post *Io-
hannem Massæum*, à *Tulpio* doctus es, aliaque perpolita hujus culi-
næ instrumenta, aliquot aureorum millibus à Sinensibus redem-
pta, sericis integumentis involuta, intimis solummodò amicis o-
stendi, neque ab ipsis minori haberi ea loco, quam apud nos ada-
mantes, gemmæ, ac braccata summi pretii monilia. Faceßant er-
go hinc omnes Europæi, bibituri, aut sorpturi Theé aquam aut il-
lius infusum, sed prius Gnihingensia illa vascula, & lacus Uusie a-
quam ex China incorruptam in Europam transportent, quam per-
gant Theé odore cassum, hic in Europa decoquere, ac saccharo
edulcare: actum demum similes effectus hic in Europa Theé ede-
re posse, credi posset, quos in China edere jactatur; ut verbulo i-
terum non meminerim aëris. Et sanè longè verius, itemque ra-
tioni congruentius, potius aquæ bonitatem, qua Chineses fruun-
tur, à calculo, podagra, arthritide, quam Theé (quod tamen non,
nego) solum & unicum eos vindicare. Huic accedit, quod foli-
orum Theé vires necessariò exolescant, ac labesiant in longissimo
illo Orientali itinere præ calore Solis immenso ac intolerabili, dum
bis æquatore m subire naves coguntur, prius, quam ut nos Europæi
Theé illo potiri queamus. Quare illi omnium rectissimè Euro-
pæis consulunt, & illorum commodis velificantur, (experientiâ
& usu docti) qui teste *Mercatore in descriptione Regni China pag. m.
721.* suadent, ut Rhabarbarum, quo China, ut abundantissima est,
ita præstantissimum profert, terrestri itinere per Persiam minimè
mari in Europam id avehant; veriti ne viribus id spoliatur suis
tam immensum orbis spatium, integram Africam circum aut præ-
tervectum. Sanè hæc illorum oratio falem habet. Quid ergò
jam fiet foliolis fruticis Theé, aut Chamæleagni Chiniticæ, semel
atque iterum ipsa in China, ferreo in cacabo calsactis, ac in furno
ita exiccatis, ut conglomerentur. vid. R. R. P. P. *Rhodium & Marti-
nium*: virtus ac vires Rhabarbari radicum, recensitas ob causas
cum exhalent, longe compactioris corporis, quam tenerrima fo-
liola Theé verno tempore lecta, gustu acerbo, & subamaro, sed
odore

Codore nullo: unde inferre licet, salibus quidem volatili, ac fixo ea adhuc esse prædita, sed sulphuribus suis cassâ, maximè autem, volatili. Nam si omni omnino sulphure carerent, ne quidem inflammarentur, nec exuri possent. Cæteroquin ex anonymo Authore libri, cui Titulus: *Artificia hominum Miranda Natura in Sina & Europa*, Francofurti 1656. editi, noto, illum Cap. XXXV. p. 769. testari, quod *Chinensibus in Chekiang sylva sint mororum, bombyces tot, & serici panni tanta copia, ut viliori pretio ibi decem vestes, quam ullibi apud Europæos unica lanea comparari possit. Moros, ut Europæi vites, quotannis putare solent, nec in altas arbores eas crescere sinunt: quod minorum folia præstantiorem byssum ac filum producere, longissimo tot annorum experimento edocti sint, atq; hinc primam texturam filii, à secunda optimè distinguunt. Ea est, quæ à vernis illis molliculusq; ac delicatioribus foliis, quibus bombyces aluntur, prodit, altera ab æstivis ac durioribus: tantam operis mutationem affert vel sola cibi varietas in subtilissimis illis animalibus. Hactenus ille. Hæc si vera est, ut de fide Authoris minimè dubito, de bombycum nutritu, relatio, utique nos Europæi docemur, ingens quoque discrimen inter vernans foliolum sive Theé Chinensium, sive Theé aut Chamæleagni Europææ, intercedere discrimen, ut passim quidem in hoc meo Commentario innui. ast loco hoc insigni hujus anonymi authoris magis ac magis confirmor, nempe, & vernum Chamæleagni, seu Theé Europæi folium longè aliis viribus ac æstivum, Sol ubi Leonem ingressus est Zodiaci, esse præditum, quod paradoxo mihi hactenus concedere permulti noluerunt, qui bombycum exemplo manifesto, manifestissimè refutantur, in præsens, & quasi in barbam.*

Ἡς ἐν παροῶν quoque hic loci exoro Te, quisquis es veritatis amore ductus, aut ipse sis Philalethes, incende folia, folia dico, non fruticem, non flores, non semen nostratis Theé seu Chamæleagni Europææ, quorum odor in siccatis etiam evanuit, vel conjice super prunas, conjice quoque totidem pondere & mensura Theé Chinitici super prunas, sed non in uno eodemque conclavi; nisi

nisi admodum sis obesa naris, jurabis, unum eundemque exspirare aut reddere odorem. Sed quid in dubium iterum ea hic voco, cum jam dudū probarim, non ficulneis fundamentis, sed solidis rationibus, aut ad minimum maximè probabilibus, *numero solum non specie differre Theæ, & Chamaleagnum.*

Non de omnibus quidem consuetudinibus, statutis, legibus aut mandatis urbium Europæarum mihi constat, quibus coercentur nimia protervitas & auri sacra fames, aut nimius habendi amor pharmacopæorum quorundam; ast in superiori ac inferiori Germania, nec non in Nobilissimi hujus Regni provinciis, mandatis Regiis cautum est, ut iste pharmacopæus damnas sit, qui exoletas herbas vendiderit, vel medicamenti remiscuerit; imò receptæ est consuetudinis in quibusdam Germaniæ provinciis, sed tamen id minimè cum infamia aut dedecore pharmacopæorum conjunctum est, ut in foris aut compitis spectante omni populo exurantur ac concrementur herbæ, radices, frutices &c. (nec cives, quibus res angusta domi est, morbidī, defraudantes suum genium, omni emungantur pecunia, ut Vidua illa in novo Testamento Luc. 8. v. 43.) quæ ceu vieta, Medicorum censura rejecit, aut nigro lapillo ad ignem condemnavit; imò vel ea, quæ illi suspicantur, intra anni spatium non esse lecta, aut in officinas illata. Et tamen nos Europæi insuper habemus, horna sint illa folia, vel abhinc annum aut biennium in China lecta, quæ integri anni plus minus spatium exacto, serius, ocyus demum cum navibus Amstelrodamum advehuntur, ubi ex China primò solverunt. Cogitate quæso, quæso cogitate, quanta, quanta hæc sit nostra Europæorum probitas; probitas dico, quam Ethicorum nullus vel ferret, vel laudaret, comparatam ad caliditatem Chinenfium, quæ facit, ut nos Europæi nec Asiaticos improbos suspicemur, cum sint; nec ob eam quidem nos indignemur, si vel, ut ita loquar, ante Trojani belli tempora lecta Theæ folia nobis obtrudant, quorum aliàs usus ipsis Chinenfibus recens. Et quis jurare auit, cum odora non sint, quin non eadem illa ipsa folia, quæ semel atq; iterum infuderunt,

Caut aqua macerarunt Asiatici, postquam illi sorbuerunt jusculum, quin non arte iterum exsiccent, ac in Europam mittant, quippe facile lingua atteruntur, in grossum pulverem mansa, & quasi in pulverem resolvuntur, saliva aut sputo, ubi permaduerunt. Ut taceam, insuper eadem folia adulterari aliis, aut genuinis surrogari, aut remisceri iis, ut ex prioribus constat, valde esse credibile, unà cum *Clariss. nostro Vormio*, me jam pridem docuisse. Bellum intestinum bellorum omnium pessimum vereor, ne satis grave nostris cervicibus immineat, ubi in capita nostra conjurabunt pharmacopæorum cohortes,

junctæq, umbone phalanges,

Ideò quod nos Medici interdica mus eis usum herbarum Europæarū exoletarum, & tamē ferre possimus, tantā vim, odore carentis Theé, jam pridem in China, in Chinensium usum & commodum studiosè ustulati, inferri in Europam, imo in Magnatum cubicula. Verum cogites quæso, an ne is se deridendum toti Europæ exponeret, qui Tabacum ex Brasilia, minutatim concisum, arte exiccatum, mox ad calycem tubuli eo referciendum, mox incendendum, ut Indus & Americanus id usurparet, magna copia in Europam inveheret? aut nobis id commendaret, aut id unctuosolentoque sulphure præstanti aut adhuc in funes quasi contorto Tabaco præferret? Quis enim non intelligit, si dicto modo præparatum, & exiccatum post aliquot menses, commendares Europæo catarrhoso, id jam dudum eviluisse, ac propalam contemptui esse. Ast nos Europæi non cogitamus, ita quoq; cum Theé comparatum esse, quod ut Chineses ustulent, ut curiosè in vasculis probè operculatis servant, ne aër in ea intromittatur, idque corumpat, aut justo impensius exiccet, id ex prioribus constat. Quæso ergò cogitate, ut nos Europæi ab Asiaticis decipiamur, ut ab iis pecunia emungamur! Certè nostrarum esset partium, à Magistratu impetraremus, tempestivè averruncaretur hoc gliscens & jam longè lateque serpens Epidemium malum, totam Europam non minus, quam Tabaci Americani abusus infestans, eique inferens.

sum. Quippe, quæ utraque & Cahvva aqua, ut superius probavi, elumbent Viros Europæos, ita ut sterilecant instar Eunuchorum, quorum quidam sceleratissimi congressus sunt appetentissimi; sed notum quoque nihil illos potesse, etiam si illi quid semini analogon profundant. Hinc Turcæ suos Eunuchos diversissimo ab Italico modo castrant, nempe præscindunt iis una cum testiculis mentulam; Itali non item; quem pusiones castrandi actum, *Celeberrimum Ictum*, ac in Patria Academia P. P. alterum Donellum, quippe ad unguem norat propemodum universum Juris corpus recitare, *Sim. Tolemannum* sed joci ac facetiis natum, grandævum Senem; memini abhinc quadraginta & amplius annis Gallicè me ac alios juvenes animi causa docentem, *appellare ac joco dicere*, quo permolere incubi Eunuchi Turcarum uxores succubas non possent, nec titillare eas illis instar tribadum liceret, *id esse, iis præscindere parentalia una cum temone*: sed jocorum satis hic loci, quæ servanda theatro anatomico: non verò hæc commentatus sum, investibus pueris, neu Catéchumenis, neu Religiosis, sed Medicinæ Candidatis, ac Anatomes studiosis, qui non gravabuntur adire Celebratissimi Nostratis *Thomæ Bartholini*, Affinis conjunctissimi lib. I. Anatom. Reformatæ Lugdun. Batavor. Ann. 1651. editæ cap. 23. p. 145. in cujus calce docebuntur, quî quandoq; fiat, ut caballi, taurique castrati observati sint generasse. Ne ergò Turcæ ex Eunuchis suis supposititium tollant, aut suscipiant foetum, hinc in miseros illos adeò sæviunt, & longè truculentius contra illos se gerunt quam Itali.

Ultimò meum est servare fidem, siquidem dedi, me post vi-
 Æum Chinenſium huic meo *σχασμῶ* Botanico hic loci paucula
 quædam de moribus Chinenſium attexere, quo tandem in eo mea
 terminetur oratio, unde exorsa, aut profecta est. Vestris ergò si-
 ne ingratiis fiat, obtestor vos, Viri experientissimi, ut cum me scio
 nemo authorum esset, qui eos R. P. Martinio pertractavit accura-
 tius, cui non diffiteor, plurima me debere, mihi ut liceat ipso au-
 ctore Viro fidei pleno, eos quasi vivis quoque depingere coloribus.

C Qui Chinenſes, ubi agebatur de Pſedomedicis, eſſe mendaciſſi-
moſteſtatus eſt: atque ita non Cretenſes ſolùm, ſed etiam Chi-
nenſes mendaces ſunt. Idem p. 5. Atlantis Chinici inquit: *Euro-
pai fortitudine Sinis præſtamus, Sinæ nobis ingenij acumine. Sagaces ſunt,
ſubdoli, ac ad ſubitos caſus acutiſſimi, & impavidi, ſolertes etiam ſunt atq;
indutrii; rerum utilium nihil omninò perire ſinunt, viliffima quæq;
ſcruta etiam in tanta rerum abundantia colligunt, ſervantq;, oſſa ca-
nũ, gallinarum plumas, porcorum ſetas, imò & ſpurciſſima quæq; ex-
crementa, quibus etiam mercimonia inſtituunt pag. 7. Ingenij quoque
acumen perperam ſæpe oſtendunt dolis & fucis, quibus aliis imponunt.*
Et paucis intermiſſis: *Mercatores induſtrii ſunt & ſolertes, gens tota
otio inimica & deſidia, ubi vel minima lucelli affulget ſpes, nulluſe iſta
labor gravis, quippe honeſto utile ſæpè potius & antiquius. Valetudinis
ſat firma ac robuſta, duratis vel inde à puero lacertis, colore candido cer-
tant alicubi cum Europæis.*

Hic loci, quemadmodum ut antea diætã, aut potius victum
D Chinenſium cum Europæorum utcunque conſuli, ita in præſens
illorum mores, cum noſtris, comparandos ſe mihi offerunt. Vê-
rum, quem eruditòrum fugit inclutiſſimæ famæ Satyricum *Iohan-
nem Barclajum* edidiſſe horum Iconem, vel ſingulorum propemo-
dum in Europa Regnorum, Regionumve, pro in ne actum agere
velle videar, aut operâ temporeque abuti, ſciens volensq; hoc la-
bore & ſtudio ſuperſedeo: Qui an in eâ hiſtoriæ leges neglexerit,
aut pluſculum quam concedit veritas affectui indulſerit; nec ut
Cornel. Tacitus ſine ira & ſtudio, illorumque cauſas procul habue-
rit mores illorum deſcribendo, hoc meum non eſt examinare, aut
excutere accuratius. Ego enim veluti in *Platonis* Republ. verſor;
*qui lib. 2. de Rep. p. 476. F. ſtatuit: ſingula fieri & plura & melius & faci-
lius, quando ſinguli ſingula ſecundum naturam occasione ſervata ab aliis
ceſſantes efficiunt:* Qui Medicinam tot annos cum in Ducali Me-
gapolitana, tum Regia hac Hafnienſi Academiis profeſſus, jam in
Ethicorum caſtra tranſire nolo. Præſciñè tamen dixerim, Chi-
nenſium calliditatem omnium noſtrum Europæorum ſuperare
pruden-

prudentiam, illorumque scruta, quorum quædam non sine ingenti illorum probro *Martinus* recensuit, quibusq; mercimonia instituant, satis indicare quam vellent, si possent, possunt autem quia volunt, universam Europam longè aliis moribus, cum non solum sint callidi, sed mendaces, sed avari, decipere. Quorum animos cum tot egregiæ animi virtutes scilicet, ut sunt calliditas, mendacitas, avarities occupent, hinc ubi *vel minima lucelli spes affulget, nullus eis labor gravis*, (quo aliàs apud Poëtas, Dii nobis omnia, imò ipsam virtutem divendunt) *utili honestatem posthabentibus*. Ego verò Patrem Mendaciorum, aut Beelzebub, piè credo, hos Ethnicos avarissimos, callidissimos, mendacissimos instigasse; aut similem illi Diabolum, qui Parentibus nostris Adam & Evæ in Paradiso imposuit, iis persuasisse, fingerent illi, potu Thee immortalitatem in hac vita nos apisci posse, aut certe *μαρποβίωτηα* & finxerunt illa hi Chineses, *qui hodie in offensis & peccatis adhuc versantur, ut est vita mundi hujus, secundum Principem, cui potestas est aeris, & spiritus nunc agentis in hominibus contumacibus*, ut ita cum Apostolo Paulo ad Ephesios secundo loquar, ac lucroso satis eventu hoc commentum divulgarent inter Europæos, mercaturam amplam in India exercentes; hinc usu venit, ut nos Europæos Chineses illi faverrimè decipiant. Quanta enim pecunia quotannis nose mungant, dum vietum, exsuccum, odore cassum, trimulum, quadrimum, imò adulteratum (recordaris priorum) nobis Europæis obtrudant, aut ingenti pretio redemptum divendant, hucusque nobis ignaris suum Thee, hoc modum excedit omnem. Cum ergò commodum ex *Hipp. nostri* vita recordatus essem, ipsum æterna sui laude, ubi in Illyrios, Pœonas, ac Barbarorum Regionem pestis ingrueret, rectaque conjectura judicasset, morbum in Atticam proventuram; Hippocratemque ad id, quod futurum erat, prævidentem, tum urbium tum discipulorum curam suscepisse: Utique & ego, non mihi Suffenus sum, novi me ipsum, nec me esse Hippocratem, qui nullum unquam Medicum ad illius famam pergere posse hoc seculo scisco, ut olim in *Oratione mea*, uti vo-

- Cant, *Introductoria*, defendi, cum P. C. enucleatis suffragiis in Ro-
stochienſi & Patria Academia Publ. Medicinæ Profeſſor renuncia-
tus eſſem; attamen non diffiteor, me ipſi Hippocrati affectu ce-
dere nolle: quo ut ille peſtem Atticam à patria ſua maturè ſtudio-
ſèque avertere, nihil prius habuit; ita ego unicè ſtudere hoc meo
ερχασμῶ Botanico volui, ut in China educatam, & per univerſam
Europam inſtar Epidemii mali ſerpentem cladem, non quidem il-
licò ſed furtim fortunis noſtris nos Europæos conantem everte-
re, ac certè magnam partem earum dolosè intercipientem (ma-
lum) poſſem avertere. Ex quo meo *ερχασμῶ* Botanico conſtat,
me Viriſ ſumma authoritate, quaſi ducibus, & illorum authoritati
conſiſum demonſtraſſe, Theé non ſolùm Tartariæ ac Chinæ, ſed
quoque nobis Europæis, imò nobis Danis ac Germanis eſſe indi-
genam fruticem; ipſumque Thà, aut Theé ipſiſſimam eſſe Cha-
mæleagnum Dodonæi, ſeu Myrtum Brabanticam Dan. *Porſſ*/Ger-
man. *Porſſ*/Gallicè *Piment Royal* Belgicè *Gagel* dictam, atque adeò
D Theé Chinenſium à noſtrati Myrto Brabantica, aut Chamæleagnò
Europæâ minime ſpecie, ſed ſolum numero differre. Quod ut
ignariſ artiſ noſtræ, ac ſtudii Botanici, creditu difficile, ita eiſdem
non facilius perſuaſu erit, deſinant deinceps Theé Chinitico ſeſe
oblectare, ſed illi ſurrogent modò indigitatum noſtratum Theé
Europæum, ſeu Chamæleagnum noſtratam Europæam. At cum
dictatoria penes me non ſit authoritas, quam nec mihi arrego, u-
tique neminem mortalium cogam, juret in mea verba, vel ſubſcri-
bat meæ huic ſententiæ, aut inaudito paradoxo; Coræbo enim,
id ſi contenderem, eſſem ſtultior, non: Attamen author illis eſſe
pervelim, cum ſupra laudatus Antonius Muſa, uſque adeò depræ-
dicet Betonicam, ut vel 40. morbis, ſi non omnibus remedi-
et, tot tantarumq; virtutum, orbique Europæo notiſſimam herbam,
ſibi commendatiſſimam habeant, ac poſt dein loco Theé Chinen-
ſis inodori, ac ætate & longitudine itineris neceſſariò corruptæ, aut
certè non iſdem hic in Europa viribus præditæ herbæ, quibus in
Asia eſt, comparent ſibi Betonicam Europæarum herbarum nobi-
liſſimam

lissimam, ex eaq; eundem in modum infusum aut decoctum, quo ex suo sibi Thee Chineses, parent; nec dubito, quin omnibus iis malis &c. æquè feliciter hic in Europa queamus mederi, quam quibus Chineses in China suo Thee. Quorum Medicorum solertia meritissimo laudanda est, quod cibi potusq; abstinentiâ, simplicibusque decoctis, aut similibus potius medeantur ægris, quam ut multis compositis medicamentis onerent debilem valetudinem, vel magis magisq; debilitent improvidè; *Natura cum paucis sit contenta: Naturæ cum simplicissimis gaudeat; Natura cum resocillari torpescens sive medicamentis sive cibis velit; nolit utriusq; instar oneraria navis saburrâ, farragine compositorum medicamentorum onerari, parata aliàs*

Vitaq; cum gemitu fugere indignata sub umbras.

Hæc si quis ac priora omnia riserit; rideat per me licet, usq; dum ipsi rumpantur utilia Momo. Ego certè illius causa me non rumpam, qui tutus ac securus sub clientela supra laudati Epiæti, & pone veritatis castrum delitescō, dum ea, quæ optima mihi tot ducibus ac veluti myrtagis in re Botanica visa sunt Europæo orbi, aut in co illustribus Collegiis Medicis, posito omni supercilio proponere, & eorum censuræ subicere volui; minimè verò eam expectans, ut ea vexer ab ullo umbratico Doctorculo, Disputatorculo, qui cruda sua studia instar horæi fructus, quo actutum venum eant in forum magno ordinis nostri opprobrio propellit,

Imberbis juvenis mentum cui glabrior ovo,

sæpe non P. C. enucleatis, sed veleblanditis, vel emptis pretio suffragiis hanc dignitatem qui indeptus est, minimè inde ullam caprans gloriam; sed qui mihi persuadeo, quasi à Deo in ea statione sim collocatus, ut, quemadmodum ab incunte adolescentia mea, aut potius sumpta virili toga, publicis commodis ac studiis commodare voluerim; commodaverim iis (jactone me?) virili mea ætate; ita senili hac mea me decere in eadem statione persistere, ac Deo, Patriæque servire, usq; dum ab illo ceu Induperatore summo, jus vitæ ac necis, in me, servum suum, habente, ex eâ evocer, quem haud gemens sequar

Integer vitæ scelerisq; purus:

olim

Colim lætam illam vocem : *Euge, serve fidelis*, ultimo mundi decretorio die auditurus.

Quæ omnia quin æqui boniq; Medicinæ Candidati consulant, nullus dubito, quos ceterosq; benevolos hujus Commentarii mei lectores, non meis, sed ipsius Cic. verbis, pauculis solum mutatis, ex 4. *Academicar. Quæstion. p. m. 34.* petitis, oratum venio, talem me æstiment, qualem Cicero se æstimari voluit; Cujus hæc sunt :

Ego (inquit) si aut ostentatione aliqua adductus, aut studio certandi, ad hanc potissimum Philosophiam (ad hunc ἡγεσασμὸν βολαικὸν) me applicavi, non modo stultitiam meam, sed etiam mores & naturam contemnendam puto. Nam si minimis in rebus pertinacia reprehenditur, calumnia etiam coercetur: ego de omni statu consilioq; totius vitæ aut certare cum aliis pugnaciter, aut frustrari cum aliis, tum etiam me ipsum velim? Itaq;, nisi ineptum putarem, cum in tali disputatione id facerem, quod, cum de Republ. (de Re Botanica) disceptatur, fieri interdum solet: Iurarem

D*per Iovem Deosq; penateis (ego per Deum immortalem cœli ac terræ Dominum, Deum, ac Dominum Dominantium) me & ardere studio veri reperiendi, & ea sentire, quæ dicerem. Quin enim possum non cupere verum invenire, cum gaudeam, si simile veri quid invenerim? sed ut hoc pulcherrimum esse judicem, vera videre: sic, pro veris probare falsa, turpissimum est. Nec tamen ego is sum, qui nihil unquam falsi approbem, qui nunquam assentiar, qui nihil opiner: sed quarimus de sapiente. Ego verò ipse & magnus quidem sum opinator (non enim sum sapiens) & meas cogitationes sic dirigo, non ad illam parvulam cynosuram*

Qua fidunt duce nocturna Phænices in alto,
ut ait Aratus, eoq; directius gubernant, quod eam tenent

Quæ cursu interiori brevis convertitur orbe,
Sed ad Helicen, & clarissimos septentriones, i. e. rationes has, latiore
specie, non ad tenue elimatas. Eo fit, ut errem,
& vagor latius.

Macrobius Lib. VII. Saturnal.

Postremo, si in his quæ sumimus, varietatem noxiam putas, cur potionum remedia, quæ per os humanis visceribus infunditis, ex tam contrariis & sibi repugnantibus mixta componitis? succo papaveris admiscetis euphorbium; mandragoram, aliasque herbas conclamati frigoris pipere temperatis: sed nec monstrosis carnibus abstinetis, inferentes poculis testiculos Castorum & venenata corpora viperarum; *quibus admiscetis, quicquid nutrit India quicquid devehitur herbarum*, quibus Creta generosa est.



ERRATA

graviora sic corriguntor, ac omiffa
adduntor.

In Dedicatone.

A Steriscò * 3. lin. 11. pro *rato*
lege *catò*.
* 4. lin. 2. l. *illorum*.
* *, 1. l. 15. l. *Ita fi*.

In Prefatione ad L. B.

Asteriscò * *. 4. l. 10. l. *cum ob*.
lin. 16. pro *quam* l. *quæ*.

In Commentario ipso.

Fol. 1. D. lin. 12. post *paratum* adde:
paucag, quantitate sumptum.

F. 2. B. l. 12. l. *œdematosis*.

F. 4. C. l. 9. l. *quò*.

l. 16. dele, *hujus*.

D. l. 7. l. *Democriti*.

F. 5. A. l. 5. l. *In classe tertia Quadri-*
dripartiti mei, cum &c.

D. l. 5. l. *ditioni*.

F. 7. B. l. 11. l. *catarrhò*.

C. l. 11. adde post *Americà*, *mit-*
itur.

D. l. 9. post *ipsum*, adde: *non*.

F. 8. C. l. 7. l. *siccò*.

D. l. 9. pro *BAUHINI*, l.
BARTHOLINI.

l. 12. l. *processus mammil-*
lares.

l. 13. l. *qui in anteriori*.

l. 14. l. *investit*.

l. 15. l. *occupant*.

F. 7. A. l. 3. l. *Tabacophilorum*.

Fol. 9. D. l. 4. Germanica illa verba
parenthesi inclusa, trans-
pone in lin. 7. post ver-
bum referferit: & lege
Wann einer &c.

F. 10. A. l. 10. l. *usurpatis*.

C. l. 7. l. *pro abusu, usq.*

D. l. 1. l. *narcotico*.

F. 11. A. l. 6. l. *nobis*.

D. l. 11. dele *conscrip: a.*

F. 12. B. l. 4. l. *hic*.

C. l. 12. l. *quibus etiam*.

F. 13. A. l. 1. l. *no nostros*.

l. 2. pro & l. *ant*.

l. 9. l. *frequentior illius*.

D. l. 7. l. *perpusilla*.

F. 14. C. l. 10. l. *fasciculum*.

F. 15. B. l. 3. l. *suscitari*.

C. l. 4. l. *Bauchstus*.

F. 17. C. l. 5. post *primum*, adde
Chinenses.

F. 18. A. l. 3. l. *ba Thee postea*
Thee suffr.

C. l. 6. l. *confessum*.

l. 13. l. *at me neg:*

F. 19. A. l. 2. l. *dubius ration*.

l. 16. l. *habeto*.

C. l. 2. l. *neu sem*.

l. 7. l. *semen ant*.

F. 20. A. l. 7. l. *fin*.

l. 16. post *crenata* adde:
modo non crenata.

B. l. pen. l. *ant Sin*.

Fol. 20. D. l. 1. l. *vernum.*

F. 21. A. l. 11. l. *Betonica; Grauna et.*

l. 12. post *concliat* adde:

atq; adeo animalcm facul-

tatem mirificè reficit. Ob.

&c.

l. 15 l. *indemenus.*

B. l. 15. post *sanillum* adde:

illius felicrum.

F. 22. A. l. 11. l. *& quidem.*

B. l. 13 l. *Cinrohece.*

D. l. 1. l. *agui valentis.*

F. 23. C. l. 5 l. *ha Thee esse. l. 7. l. &*

F. 24. B. l. pen. l. *Theetatum. (tatis*

C. l. 7. l. *Diarrhaea cess.*

F. 25. A. l. 6. pro p. 128. l. 218.

l. 11. l. *itaq; valenter.*

F. 26. B. l. 1. l. *add: us.*

D. l. 7. dele *Schij.*

F. 27. B. l. ult. l. *Specie.*

C. l. 13 l. *instar incantamenti.*

D. l. 6. post *posse* adde: *anguror.*

Fol. 29 A. l. 1. l. *omni odore,*

B. l. 8. l. *infectarij.*

l. 9. l. *vindicemur.*

C. l. 3. l. *Asiatico.*

F. 30 B. lin. antep l. *bibula.*

C. l. 5 pro quarta l. *tertia.*

F. 31. D. lin. 5. post *nempe* adde:

pag. 51.

l. 6. post: *foliola* adde: *Fig.*

Via. No. 1. lit. l. itemq; Fig.

VI. lit. K.

in eadem linea post *majus.*

adde: *Fig. VI. lit. K.*

l. 7. post *est* adde: *Fig. VII.*

lit. L.

l. 12. l. *curavi.*

in ead. lin. post *illud* adde:

seu *fig. Via. No. 2. lit. L.*

in priori tabula hujus com-

mentarii coelatum.

l. 13. l. *Chinensis.*

F. 32. A. l. 6. post *Spirae* adde:

Quam meritisimò Rhus aut Sumach speciebus, ob ipsius fruticis magnitudinem, foliorum, fl. rum, saporisq; convenientiam & similitudinem annumerandam arbitror, licet me, non fugiat, *Celebratissimo* BAUHINO placuisse, eam in *Pinace suo pag. 475.* inter agnum castum, seu viticem & ligustrum quasi intermediam, medio loco collocare, appellareq; eam *fruticem spicatum foliis salignis serratis*; ceu dubium, ad quod genus fruticum potissimum ea vel referenda sit, vel pertineat; cujus flores cum verticillatim spicato ordine virgularum fastigia coronent, æque ac agni casti seu viticis suas virgulas, *Spiræa* vitici per similes videri quidem poterit; ast si illius flores unâ cum foliis crenatis accurate illustraveris, longè rectius *Spiræa* ad Rhus aut Sumach, quam ad ullam aliam cujuscunq; fruticis speciem, pertinere mecum asseverabis. Sed cum illius vires nondum doctus sim, ab ipso *Theoph.* neglectas; neq; eas *Clusius* enodavit, neq; *Bodam à Stapelen* in eruditissimo aliâs suo in *Theoph.* commentario illustravit, ego prohibeor asserere, illæ cum *Thee Chinitici* congruant vel non, quod nec ego defendendum suscepi, sed; probabile videri, *Spiræa Theophrasti, Thee Chiniticum* vel ab ipsorum Asiaticorum, vel etiam nostratibus Europæis

Rhizotomis aut Rhopopolis adulterari: Ad quæ flagitia hoc genus hominum amor sceleratus habendi adigit, ob quem, non solum ad viscera terræ, ferreo hoc seculo jam pridem itum est, sed hodie (verum honos & venia præfanda sunt) in ipsas cloacas fœdas hic in Europa, descenditur; ut abunde ex prioribus, aut Tabaci sive adulterandi sive id infucandi, omnino detestando & abominando artificio aut mangonio, constat. Ego verò amore veritatis flagrans, hic loci B. L. serio horror ac obtestor, conferat inter se in priori Tabula hujus commentarii pag. 51. sculpta, utraq; foliola, Thee nempe in China aut Japonia, & Spirææ hic Hafniæ in Dania mense Junio hujus anni, nata, quo dexterrimè de iis dijudicet, cernatq; ut persimilia sibi sint invicem. Vid. Fig. VI. & VII. quarum illa (ut dixi) Folium Thee, hæc Spirææ exhibet.

Fol. 32. A. l. 6. l. *εὐφύα*, *εὐφύα*.

D. l. 7. l. *varios aut.*

F. 33. D. l. 4. l. *varius avido.*

F. 34. A. l. 12. l. *præclara.*

l. 13. l. *Thee me.*

D. l. 4. post *baphicam* adde: *Americani.*

l. pen. l. *Thee nos appellare ut est.*

F. 35. B. l. 8. l. *nec mi pretium dederitis.*

F. 36. D. l. antepen. post *Arniseo* adde *locutus sum; sed Marci Agripp.*

F. 37. C. l. 3. l. *mibi videor.*

l. 10. l. *à doctis & rudibus non testimoniis, aut faci plebis.*

F. 38. B. l. ultim. l. *potus.*

F. 40. D. l. 11. post *pl. isti.*

F. 41. B. l. 8. l. *immesa sua.*

D. l. 1. l. *Manne Bach.*

l. 5. dele *Sapore.*

l. 8. l. *ut Quercetanus.*

Fol. 43. B. l. 4. l. *Serbet; Thee.*

l. 10. l. *conveherent.*

F. 44. C. l. 2. l. *quò ut delectentur.*

F. 45. D. l. 4. l. *catarrho.*

F. 46. l. 1. l. *sum: & eodem.*

F. 47. B. l. 1. proboc l. *hac & pro neutrum l. neviris.*

F. 48. A. l. 8. post *committi* adde *Cause non cause aut.*

B. l. 1. l. *regionib.*

F. 49. A. l. 3. l. *Garlebiensis.*

l. 7. l. *Torgensis.*

F. 51. C. l. 12. l. *tubulus.*

F. 52. B. l. 8. dele *id.*

C. l. 6. l. p. 967.

F. 53. C. l. 5. l. *aut alia.*

l. 6. l. *& una.*

l. 7. l. *me id jam.*

D. l. ult. l. *quam Coffiac.*

F. 54. A. lin. 1. dele *& Cabiva aqua.*

B. l. 9. post *Itali:* (adde *perdita aut omissa quæ hæc sunt:*)

Sed juvat hic loci, datâ in rem eam oportunitate, & cum Turearum quoq; facta sit mentio, iteratò meminisse petulcorum Persarum, attamen sterilium; Quippe qui, ne ob Polygamiam, illis cum Turcis communem, nimis numerosam prolem alere cogantur, corpora cum conju-

gibus aut pellicibus miscētes non tam id studere videntur ut liberis dene-
operā (castissimo apud Cic loquendi modo utor) quā ut voluptarij instar Ona-
num impiorū, semē infæcundū proferant (proh Dei immortalis atq; homi-
num fidem! quantum hoc & morte expiandum grande nefas, facinusve! quod
Theologi ex Moise tractent diductius, castigentq; apertius, acerbiusve) quod
ob jugem Cossi aut Cahwæ aquæ usum in venis ac arteriis viventium Per-
sarum corruptum, commodissimè seu Physices, seu Medicinæ Doctor,
non ignarus chymicorum principiorum, cum vappā, sale & sulphure
volatili vini, maximam partem, cassā, comparabit: Vel etiam idem,
comparatum ad aliarum Nationum non vitiosarum, Eunuchorum aut
Scytharum (vid. Hipp. de aëre aqua & loco pag. 269 v. 10.) ubi illos *eviratos*
& *effeminatos* appellat, persimile dixerit. Verum ut Hipp. noster l. c. Scy-
thas in genere inter alias causas statuit, ideo *se ipsos perdere* (ita n. loquitur,
nec mea sed illius sunt verba) *quod uramq; venam, post aures sibi incidant us-
que adeo, ut ubi postea ad uxores accedant, rem cum ijs habere nequeant*: Ita
à me ex celeberrimo Historiographo Dno. Oleario relatum est, Persas citra hoc
adminiculum, solo & unico usu solius Cahwæ aquæ sese evirare salacissi-
mos. Nemini quod mirum videbitur. Non n. salacitas fæcunditatem
sed potius illius contrarium portendit. Hinc, publica scorta aut prosti-
bula, rato imprægnantur a Venereis Nepotulis ac jocundulis Amascis;
licet tam liberè cum ipsis in lupanaribus volutentur, quā ruri super ca-
sarum tectis, aut Rusticorum sterquilinijs, insilire passerulum marem fæ-
minæ dorso, passis ac tremulis alis, vides. Aliud quoq; mi Philoma-
thes ac Amice, scias esse velim, frigidos ac in Venerem tardos stimulare quod
Eruca perficit; aliud etiam esse semen fæcundare, aut fomenta Veneri (quæ
sine Cerere & Baccho frigere dicitur) sufficere quod ex vegetabilium classe,
amygdalis dulcibus, pineis nucibus, ac pistaceis, Castaneis &c. Ex ani-
malium classe, caponibus, alaudis, turdis, perdicibus, hædina, vervecina, vitu-
lina, &c. obtinemus. Et illam efficaciam, nempe Venerem stimulandi,
neq; Cossi neq; Chocolladæ denego; Quibus Tabacum est annumeran-
dum, & ramen sterilitatem hæc inducere queunt, ceu quæ diversarum sunt
partium, aut potius tota substantia agunt; ast ad fæcundandum semen, om-
nia hæc ineptissima sunt, ceu ad unum omnia, nimium quantum exiccanti-
a, minime, uti vulgus loquitur aut putat, frigefacientia. Verum de Cahwæ
aut Cossi aquæ, & Tabaci fumantis effæminandi effectu, certò constat;
Quibus utrisq; nisi ratio me fallit mea, æqui arbitri, ideo Thee annume-
randum mecum existimabunt, quod R. P. Martinus Martinus (admirandum id
sanè & observatione dignissimum) referat, quod Thee aut Cha in aqua e-
bulliente maceratum, aut potius illius aquam potantes, *sibi sibi ea exstin-*
guant.

gigni, humores exsiccent, unde vix exspuant. Quid! quod vitex seu Agnus
castus, ruta, mentha, camphora, siccando quoque; impotentes reddant ma-
ritos! Ut taceam, quod Thee ipsi Chinenſibus novum ſit medicamentum,
cujus proin vires ac facultates nondum ſatis accuratè illi ipſi examinerint,
aut nondum exquiliſite ceu ad Lydium Lapidem probarint; Unde meri-
tiffimo illi noſtratem, ut ex prioribus conſtat, Betonicam Europæam, cu-
jus laus per tot ſecula incanuit, antefero. Interim en tibi Philalethes ma-
niſteſtiſſimum, Sulphuris ſiccantis in vegetabili, nempe Thee, effectum, mi-
nimè impenſe calidi, ſed ſolùm ſubamari medicamenti, in non ſpuentibus Si-
nis, vid ſis locum p. 47. D. hujus mei commentarij, An. v. Chocollada, ut corpus
umbram ſecum trahit, aut ſimilem in modum æque ac Cahwæ aut Coffi aqua
ſterilitatem & impotentiam cauſetur, id hæcenus in commentarijs autho-
rum, adeo aperte relatum non reperio; nec ipſus indagavi ſagacius:
Qvam impenſe ſtimulare Venerem volunt; Qvibus viribus Chocolladam,
noſtrates ex America & Africa, reduces cives, maximè pollere affirmant,
qui ceu præſentes arbitri, harum gentium mores, in utriſque; hujus Orbis aut
Univerſi partibus, introſpexerunt intimè. Sed cum ſuprà laudatus Benzon
vid pag. 37. D. hujus commentarij, Chocolladam ſapore aliquantulum ama-
ro ſatiare, ac refrigerare Corpus (quod rectè accipiendum, dum impenſe exic-
cat) minimè tamen inebriare aſſermet: Hinc non ego tantum, ſed complures
ali; medici, per bonam conſequentiam mecum ſciſcent, cum Chocollada in
uno tertio cum Coffi itemque; cum Thee convenire videatur, hæc tria inter ſe
neceſſario convenire, ſeu omnia hæc inſtar Coffi effæminare viros; id n. ma-
ximè urgeo, cæteras qualitates non indagabo aut excutiam hic loci accura-
tius. Spero proin, imò certiffimè conſido ob rationes hæc & ſuperius pag. 37.
allatas, venientibus annis fore, (niſi Phrygibus Nos Europæi velimus eſſe
magnò noſtrò probro ſimiles, qui ſerò ſapere dicuntur, nec piſcatoribus ſi-
mus ſtupidioreſ, qui iſti ſapiunt,) ut nos Europæi Chocolladam, Coffi, Thee
denique; omnino ejuremus. Horum quippe ſi unum bonum, omnia tria eſſe
bona ſtatuenda auguror. Cui ſimile reſponſum dediſſe (tritiffima vulgi Fa-
bula eſt) niſcio qvem Europæum venditorem, ſive canum ſive luporum ca-
tulorum, licitanti eos mediocri pretio, ſed quærenti ex ipſo, an omnes Ca-
tuli iſti eſſent frugi, aut ejusdem bonitatis, nempe: Ist der eine guth/ſo ſein
ſie alle guth. Imò, Deo propitio & fortunante ſperabo, omnia hæc prope-
diam omnibus Europæis Magiſtratibus, ſummis, inſimis, medioximis non
minus exoſa fore, quàm Tabacum Moſchis aut Turcis, aut potius illorum
Imperatoribus eſt. Qui quàm ſeverè in Tabacibibulos aut Tabacophilos
advertant, ex prioribus notum eſt, cum nolint inertes, prodigos, & quod
ſummum aut palmarium, ſteriles, impotentes, ac effæminatos, cives aut ſubdi-

cor, in Regionibus ipsorum ditioni subiectis alere. Quin & hic loci alius
modus, (de quo antea paucula quædam occæpi dicere) & per quem in-
cauti quoque sterilescent, excutiendus veniret, ceu qui videri poterit, ex Asia
olim commigrasse in Europam, sed qui non tam huc, quam ad anatomicam
scholam, pertinet; nempe jam increbescere pessimam consuetudinem, ut
adversus intolerabiles dentium dolores, venæ sectio pone aures promiscue ut-
riq; sexui imperetur. Sed sciant ij, quorum protervitas salubria consilia
non admittit, vel qui doctissimi viri Hipp. autoritatem, ipsis Jurisconsultis,
ubi de vita hominis aut partu legitimo decernitur, aliàs sacram, sanctam, con-
culcant aut explodunt, eos ingenti suo incommodo, olim falsis & calidis la-
chrymis defleturos, suum infortunium quo macabuntur, dum illi æque ac
Scythæ patiuntur sibi venas pone aures incidi, ut dolores dentium actutum
evanescant, ceu incantamento essent abacti scilicet *Etenim non solum cito,
sed etiam toto agris, nos Medici dogmatici medebimur; minimeq; illis magis nocebi-
mus quam morbus ipse.* Quippe dentium dolorem intolerabilem, aliquando
delirium, aliq; gravissima symptomata comitata fuisse, apud practicæ Me-
dicinæ Doctores, legere quidem licet; ast nemo tamen eorum adhuc obser-
vasse visus est, dolorem dentium sterilitatis extitisse causam, ut Hipp. noster
de venis pone aures incisis, testatur, & exemplo non unius alteriusve indi-
vidui, sed integræ Nationis Scytharum confirmat, Vir si Macrobio subscribi-
mus, nunquam qui fuit falsus, nec alios qui sefellit, cuius quoque; authoritatē Anato-
mici tuebuntur. Angue int. rim ac cane magis, patres ac matres familias, dam-
nosum hoc, huius seculi sive empiricorum sive imperitorum Chirurgorum ac
Barbitonorum consilium fugient, seu ipsorum liberis summe noxiam me-
delam, nimirum venæ pone aures instituendam sectionē unctionemve; nisi ste-
rile olim eorum conjugium malint, quam sæcundum; ringentibus conju-
gibus, indignantibus optimis parentibus, sœcero una cum nuru; Novâq;
ipsâ nuptâ, jam jugum passâ, venustulâ, ejurante & detestante vesperam
quâ post hymenæum zonam sponsa solvit, quod magno suo probro, videri
possit, q. ob signatâ esset Naturâ, cum non sit, atq; adeo citra suam culpam,
maritum pulchra prole parentem facere impotens sit, nisi capitis aliàs pudici;
& ob quam auratâ Juthoni bidentē Maritus cæderet, ut ita cum Juven. loquar,
aliud vectorem navis suæ admittet, atq; sic illi frons in cornua desinet.
Hæc sibi dicta putabunt Pamphili illi, formarum spectatores egregij, ac ut
viteant utraq; hæc cavebunt sedulo: Parentibus vero ideo indignantibus
quod suscipiendorum nepotum spe, miseri grandæviq; decidant, ita ut avi,
vel aviæ nomine, à svavissimis alias Nepotibus saluari nequeant. Ast lin-
quam hæc anatomica, & jam pridem rude donatus, alijs lampada, simulq;
anfam trado sagacius inquirendi in ductus ac valvulas venarum earumq;
ana-

anastomoses cum arterijs, ad jugulum & præsertim pone aures, ceu quibus studiis S. R. M. Regis ac DN. DN. mei Clementis interveniente singulari Regia clementia & parili gratia, me abhinc duodeviginti annis abdicavi, quo, Socero meo Jacobo Fabricio Archiatrum primicerio, jam p. m. cum sive usus sive experientia non nisi seris ab annis veniret, ego meam medicam scientiam, illius, ceu in Medicina Roscij, Practicæ Medicinæ præceptis institutisque augere & exemplis obfirmare possem, praxi medicæ jam Dei gratia per triginta & sex años deditus. Sed quo non Orientalium Populorum, Periarum ac Asiaticorum Scytharum jam dudum & certò probata; Sinensibus v. metuenda, atq; utinam non quoque nobis Europæis expectanda sterilitas, illis nobiscum hæc abutentibus, nobis insuper Scytharum in modum, venas pone aureis ferro abruptentibus, me non abduxit?

Fol. 54. B. l. 12. l. autexere velle.

C. l. 7. l. rerum preciosarum.

Fol. 55. B. l. 17. l. perveniendum.

D. l. 5. l. nostrate.

Atq; hæc graviora errata ut B. L. neq; mihi absenti, neq; Correctori neq; typothetæ præsentibus imputaret, meum fuit absoluto integro hoc commentario ea emendare primulum. Cætera Lectorem haud morabuntur & levicula erunt, ceu in punctis commatis & parentesibus perperam locatis commissa, quæ non curavi sedulo, neu ruspatus sum: nimis enim id mihi operosum & magnæ dividie plenus fuisset labos: Quem proin obtestor ob eam virtutem, ab homine solo nomen quæ indepta est, mihi, illis, deniq; amanuensi quoque meo condonet; meminertq; se ipsum hominem esse. Cæteroquin plerumq; ita nobiscum comparatum est malum! Lyncei in aliorum, in propriis peccatis atq; erroribus, talpis cæciores ut sumus, hinc illud Persii Satyricorum Principis,

Ut nemo in sese tentat descendere nemo!!

Sed præcedenti spectatur mantica tergo.

Ultimò, universos Commentarii hujus mei, Lectores, exoratum venio, omne hoc meum studium, æqui boniq; consulant, & quidem Patritii Veneti & Aquilejensis Patriarchæ verbis, nempe Hermolai Barbari ex illius Præfatione in Dioscoridis Corollariorum libros petitis, quæ verbulo uno itemq; altero mutato, ita se habent: sic mihi persvadeo, me, quantum ingenio perficere, quantum industria elaborare, quantum studio ac curâ consequi potui, quantum deniq; judicii in literis habui, in hosce libros (commentarios) contulisse. Qui sitales erunt, quales ut essent, contendimus, gratulabor mihi & omnibus, quibus hæc scripsimus. Sin verò aliud Doctorum fuerit de his judicium, non recuso, quin quantum de his libris, (commentariis) tantundem de studiis ac vigiliis detrahebatur meis. Illud cerè petitum ab omnibus velim, eodem animi candore nostra æstiment, quò vel ipsi nostra scripsimus, vel nos de alienis judicavimus, vel ut illi perpendi examinariq; sua ab aliis vellent. Valete.

F I N I S.